

ማቶስ ጸፍሳንዳ ዋንታ ጮይስን የሱስ ክርስቶስታ ክላ ኬዛ እርድንታ

ማቶስታ ክላ ኬዛና፡ የሱስታ ዐድንተንታ ጉርምና እርምሶ ክትሳካ ኬዛምሳንዳ አቅሰንባብ ክታ ማትንተንምከ ሳብ ኤና እሪ ጫቀናር ዋርሰንከሰካንታ ይ እምሳን ዐድን ጉርምንታ ቃለን ክት ቦጃንደረ ክትሳካ ማትንተን ኬዛድንደትም ክላ ኬዛን የጃንዴ። ና ኮነረ ክላ ኬዛና የሱስ ክታ ዎክያር አጠርሶ ክት ጋጽሳንዳ እይሁድንከሰካንታ ዐክ ማታክናና፡ ፍጫ ሙደንካንተረ ዎሬ።

ማቶስታ ክላ ኬዛና በድ ኤግዝምካ ግግስምሳን ማጻፈ፡ የሱስታ አጥርንዘንካ የድሰንደትከ ክታ ሰእርንሳከ ክታ ጸጭምንሳካ ኬዛንደታ ቡር፡ ገለላ ፍጨናር ክት ቦጃን ሳባክን፡ ኤሰሰንምከ ክታ ፋቕሰ ፍክሰንም ኬዛዴ። ኮታዘንከረ ኦሰ የሱስ ገለላ ፍጨናርንካ የሩሳሌም ካተመናር ክታ እይንተንምከ ኮ ፍጫሙደንዘን ክት ደቅሳን ሰለንታ በእንታ ሳምንትን የለልታ ማቻን ሪንከሰሳካ ኬዛዴ፡ ከታኬና ሪንከሰረ ክታ ሮከርንም፡ ክታ ደእንምከ ክታ ደእናርንካ እምንተንም የጃንዴ።

ኮና ክላ ኬዛና የሱስም፡ ሳብታ ህግን ቡልካንታ ገቕታ ኤራ ደቅድባብከ ሳብታ ባንቕምንሳካ ኤሰዘድባብ እንድር ኤሰሰንባብ ማሰሶ ክትም ሰጅዴ። ክታ ኤሰሰናርንካ በድንከሰና ዐክ ዐክ ጎግካ ግግስምሳንዳ ደንቅ ካርዘን ካሰምዴ፡

1. ሳብ ባንቕማር ኤድንከሰታ እዛ፡ ፍክሰ፡ ሸን፡ ነግምዳክንደትከ በእንታ ኡዋንን ኤዘድንግንዳ ይሰዘድንዳ ገቕንዘን ሳባክና (የድይ 5-7)።

2. ታመከ ቃሰተን የሱስታ ካርንካ ጎርሰምድባብከሰ ክላ ኬዛንም ሳባክካንታ ኦይትምድንዐይካ ከትካንታ እምምሳን ክተንከሰ (የድይ 10)።

3. ሳብታ ባንቕምንሳካ ኬዛምሳን ዐክ ዐክ ካምሰንከሰ (የድይ 13)።

4. የሱስታ ካርንካ ጎርሰምንሳካ ኤሰሰን ኤሰዘድን ኤሰና (የድይ 18)።

5. ታ ሰለንታ በእንተንሳካ ሳብታ ባንቕምንታ ዐድንተንንካ እምምሳን ኤሰሰ (የድይ 24-25)።

ማጻፍን ኮትኮታ ሙዲ የድንተና

የሱስ ክርስቶስታ ሱስንታ ጫንተከ ክታ አጥርና (1:1—2:23)

ስእስንባብ የሀንሰታ ፍክሰና (3:1-12)

የሱስታ ስእርንከ ጳጭምንካ (3:13—4:11)

የሱስታ ፍክሰ ገሊላ ፍጨናር (4:12—18:35)

ገሊላ ፍጨናርንካ የሩሳሌም ካተመናር ዐድና (19:1—20:34)

በእንታ ሳምንትናር የሩሳሌም ካተመናርከ ኮታ ሞረናር (21:1—27:66)

ዎንታ ጮይሰንታ ደእናርንካ አምንተንከከ ይንታ ካርንካ ጎርሰምድባብከሰካንታ መያ ክታ ማትና (28:1-20)

የሱስ ክርስቶስታ አጥርንታ ዐድንተና

(ሉቃ. 3:23-38)

¹ ዳውትተከ አብራሀመታ ሱሳ ማቶባብ የሱስ ክርስቶስታ አጥርንታ ኮቶንከሰ ኬኔ።

² አብራሀም ይሳቀም አጩ፥ ይሳቅ ያይቆበም አጩ፥ ያይቆብ ይሁደምከ እስመንንከሰም አጩ፥

³ ይሁዳ ፋረስምኬ ዛሬም ትእማር ጋይምድን ኤተንንዘንካ አጩ፥ ፋርስ ሀስሮንም አጩ፥ ሄስሮንመረ አራምንም አጩ፥

⁴ አራም አምናዳብም አጩ፥ አምናዳብ ነእሶንም አጩ ነእሶንረ ሰልሞንም አጩ፥

⁵ ሰልሞንረ ቦኤዝም ረአብ ጋይምድን ኤተንንዘንካ አጩ፥ ቦኤዝ እዮበድም ሩት ጋይምድን ኤተንንዘንካ አጩ፥ እዮበድረ እስይም አጩ፥

⁶ እስየረ ባንቶን ዳዊተም አጩ፥

ባንቶን ዳውተረ ኦርዮታ ኬንንዘንካ ሰሎሞንም አጩ፥

⁷ ሰሎሞንረ ሮብአምም አጩ፥ ሮብአመረ አብያም አጩ፥ አብየረ አሳፍም አጩ፥

⁸ አሳፈረ እዮሳፈጥም አጩ፥ እዮሳፈጠረ እዮራምም አጩ፥ እዮራመረ ኦዝያንም አጩ፥

⁹ ኦዝረ እዮአታምም አጩ፥ እዮአታመረ አካዝም አጩ፥ አካዘረ ህዝቅያስም አጩ፥

¹⁰ ህዝቅያስረ ሞናስም አጩ፥ ሞናስረ አሞጽም አጩ፥ አሞጽረ እዮስያስም አጩ፥

¹¹ እዮስያስረ አስራኤል ዋርሰና ባብሎን ፍጨናሪ ዎእስት ከት ተይምሳን ስለናር እኮንያንምከ ክታ እስመንከሰም አጩ፥

12 ባብሎን ፍጨናርንካ ከት ማቸን ቡር እኮንያን ሰላትያልም አጩ። ሰላትያለረ ዘሩባበልም አጩ።

13 ዘሩባበለረ ኡብድዩም አጩ። ኡብድዮረ ኤልያቀም አጩ። ኤልያቀረ አዞርም አጩ።

14 እዞረረ ሳዶቀም አጩ። ሶዶቀረ አክምም አጩ። አክመረ ኤልዮድም አጩ።

15 ኤልዮድረ አልዓዛርም አጩ። አልዓዛረረ ማታንም አጩ። ማታነረ ያይቆበም አጩ።

16 ያይቆበረ ክርስቶስ ጋይምሰባብ የሱስም አጫን ማራመም ሶርሰባብ ዮሴፍም አጩ። *

17 ይና ኡብራሀመዘንካ ዳዊት የለልታ ታሜከ ኦይድ አጥሪ። ዳውትዘንካ ባብሎን ፍጨናር ዋእስምት ተይምሳን የለልታ ታሜከ ኦይድ አጥሪ። ባብሎን ፍጨናር ዋእስምት ተይምሳንዘንካ ክርስቶስ አጥርምተርን የለልታ ታሜከ ኦይድ አጥርዬ።

የሱስ ክርስቶስታ አጥርና

(ሉቃ. 2:1-7)

18 የሱስ ክርስቶስታ አጥርና ኮግንዴ። እንደና ማራመረ ዮሴፍካንታ ሶርምሶ ኮት ዶቅድንካ። አግነካ የላክዶቆ እያን ጭልንካ ስርሶ ዐፈርሴ።

19 ሶርሰባብ ዮስፍ ላቅም ኤድ ይ ማቸንኦላር። ማራመም ኤታ እሪ ኦስንሰካንታ ዝጋክዬ። ኮካንታ ኖ ኮትም ዛቅካንታ ገቅርሴ።

20 ኬዛር ማቼ ኮም ሪን ገቅርዘን ክት ዶቅድንካ። ጮይስታ ክታይንች ዐምስካ ዐፈርሶ ኩን ጋይሴ። “ዳውተታ ሱስና ዮስፍ! የሰ ሶርሳን ማራመረ ኮት ስርሳንዳ እያን ጭልንካ ማቸንካንታ። ኮትም እንቻካንታ ዐይ ጳሴ።

21 ና አግና ይንች እአተረ። ኖየረ ይንታ ዋርስንም ክታ ጎመናርንካ እቅዘድንካንታ ክታ ላምንመረ የሱስ ጋይተረዬ።”

22 ኮነረ ሙዳ ማቸንዳ ጮይስ ኩን ጋይሶ ሳብዘንካ ኤስርሶ ከዝባብጎካ ኬዝምሳንዳ ቦድምድንግንዴ።

* 1:16 መስይ ጋይንትና ሳይምሰባብ ጋይንትዬ ነኩና ክርስቶስ ጋይንትዬ። 1:21 ሉቃ. 1:31።

23 “ኮሶቸቱ፤ እንጂ ሙከንዳ ስርተረ፤ እግና ይንቸረ አክተረ፤ ክታ ላምነረ ‘አማኑኤል’ ጋይምሶ ኤልምተረ” አማኑኤል ጋይንትና “ሳብ ዋንካ ክክኔ” ጋይንትዬ።

24 ዮሴፍ ግንእናርንካ ይ ንግዛንደትካ፤ ጮይሰታ ክታይንቶና ክትሳንግንዳ ማራመም ይንታ ማና ማሰካንታ ይንታ ኤር ተይ ዐደ።

25 ማታጋካ ዳት፤ ና ይንታ ይንቶንም ኮት አክተርን የለልታ ኮትም የላክዬ፤ ክታ ላምንመረ የሱስ ጋይሶ ኤልሴ። †

2

ቤዝንከሰም ሰድሶ ጎርሰምድባብከሰ ዐይንታ ወትንታኅካ ዐድንተና

1 ባንቶን ሄርድሰታ ሰለናር፤ ይሁዳ ፍጨናር ዐፈርድን ቤተልሄም ካተመናር የሱስ አጠርሳንዐይካ፤ ቤዝም ሰድሰኮ ጎርሰምድባብከሰ ዐይንታ ወትንታኅካ የሩሳሌም ካተመናር ዐድኬ።

2 “ኩነረ ጋየረኮ ኦይሰኬ፤ አይሁድንታ ባንቶ ማትካንታ አጠርምሰባብ ኡለና ዐብረረ? ቤዝም ዐይንታ ወትንታኅካ ሰድሶቶ ክትም ጎዘደር ዐቶቱ” ጋይሰኬ።

3 ባንቶን ሄርድሰ ኮሪን ይ ኤስርሳንደትካ ገቅሴ። የሩሳሌም ካተማ ኤድንከሰረ ሙዳ ክትካ ክክን ገቅሰኬ።

4 ቀሰንከሰም ገቶዝድባብከሰም ሙድንምከ ሙሴታ ህግንም ኤስዝድባብከሰም ሳንሰሶ ክርሰቶስ ዐብር ክት አጠርሳናንከረ ከትም ኦይሰኬ።

5 ከተረ፤ “ሳብዘንካ ኤስርሶ ከዛቅባብካ ኩን ጋይድንዳ ቤሪካ ጸፍምሳንካንታ፤ ክርሰቶስ አጥርምድንዳ ይሁዳ ፍጨር፤ ቤተልሄም ካተመናሪ።

6 “ ‘ይሁዳ ፍጨናር ዐፈርድንዳ በተልሄም! እስታ ዋርሰን እስራኤልም ካርሰተርባብከ ጎርሰተርባብ የሳርንካ ወድንካንታ፤

ይሁዳር ዶቅድን አንድር ካተመንከዘንካ ዐረከረ የና ቶግዳካዬ’ ” ኩንጋየሮ ከትካንታ ማሰሴ።

1:23 እ.ሳ. 7:14። † 1:25 ሉቃ. 2:21፤ ኮትም ኤሳክዬ ጋይንትና ከነንከ ክሰካ ማታክዬ ጋይንትዬ 2:2 ኤር. 23:5፤ ዘካ. 9:9፤ ፋይ. 24:17። 2:6 ሚክ. 5:2። 2:6 ሚክ. 5:2።

7 ኮታ ቡሪ ሄሮድስ ቤዝንከሰም ሰድሶኮ ጎርሰምድባብከሰምከ ኤድንከሰም ካቼካ ኤልሶ፡ ቤዝና ሰድምሳን ገታ ሰጩን ኦይሰሶ ኤሴ፡

8 ኩን ጋይሰረ በተሌሄማር ከትም ኦይቼ፡ “ኣይሰቶ፡ ኡለንጎካ ኡርሰት ኦይሰከቲ፡ የዐፍሳንደትከረ እተረ ኣይሰቶ ክትካንታ እ ጎሰተርንግንዳ ዐድሰቶ እካንታ ኬዘከቲ” ጋይሴ፡

9 ከተረ ባንቶንታ ኬዘንም ኤሰርሳንግንዳ ወትሰኮ ኣይሰኬ፡ ይና! ዐይንታ ወትንታጎካ ከት ሰዳን ቤዝና ኡለና ደቅድን ካርዘን ዋእተርን የለልታ፡ ከታ እሪ ኣየር ከትም ጎርዝድ ዐቁ።

10 ቤዝና ዋእሳንደትም ከታ ይ ሰዳንደትካ እንድር ጉርምሰኬ፡

11 ኤሄናረረ ኣርድሰኮ ኡለንም እንደን ማራመካ ክክን ሰደኬ፡ ጉጉን ጋይሰኮ ክትካንታ ጎሰትሰኬ፡ ከታ ይንታ ሳጥንንከሰም ፎቕሰኮ ዋርቀን፡ እጣንንምከ ሳየርሰንካ ኡርማ ዋዝድን እመንም እምሰኬ፡

12 ሄሮድስደረረ ከት ማዳክንግንዳ ሳብ ዐምሰካ ከትም ኤግዝምሳንካንታ፡ ኣብ ጎግካ ከታ ይንታ ፍጨናር ማትሰኮ ኣይሰኬ፡

ኡለን የድሰኮ ግብጽ ፍጨናር ከታ አጥምና

13 ቤዝንከሰም ሰድሶ ጎርሰምድባብከሰ ኣይሳንደታ ቡር፡ ጮይሰታ ክታይንቶና ዮሰፍካንታ ዐምሰካ መያ ማትሶ፡ “ሄሮድስ ኡለንም ደይሳካንታ ዝግድንኦል፡ እምሰኮ ኡለንም እንደንካ ክክን የድሰኮ ግብጽ ፍጨናር ኣይሳኮ አጥምካ፡ እ የሰም ኬዘተርን የለልታ ኮታር ዶእካ” ክትም ጋይሴ፡

14 ኮካንታ ዮሴፈረ ሶይትካ እምሰንደትከ፡ ኡለንም እንደንካ ክክን የድሶ፡ ግብጽ ፍጨናር ኣይሴ፡

15 ኮታረረ ሄሮድስ ደእተርን የለልታ ደቅሴ፡ ኮነረ ማቻንዳ ሳብዘንካ ኤሰርሶ ኬዛዐቅባብካ “እሰታ ይንቶን ግብጽ ፍጨናርንካ ኤልሳቲ” ጋይሳን ጮይሰታ ቃለና ቦድምድንግንዴ፡

ሄሮድስ ኡለንከሰም ደይሰሰና

16 ኮታ ቡሪ ሄሮድስ፡ ቤዝንከሰም ሰድሶ ጎርሰምድባብከሰ ክትም ከት ገሰሳንደትም ኖ ይ ኤሳንደትግንዳ፡ እንድር ኖ ዋጮ፡ ቤተሌሄም ካተመናርከ ኮታ ካንተንከረ ደቅድን ሞረንከሰ ሙድናር ይንታ ዳምንባብከሰም ኦይትሶ፡ ቤዝንም ሰድሰኮ

ጎርሰምድባብከዘንካ ይ ኤሳንዴት ግንዳ፥ በተለሄማርኬ ኮታ ካንተካ ደቅድን ሞረንከሳር ከት አጠርሰንካ ቃሰተን ሰላ ማቸባብከሰምኬ ኬታ ታመካ ደቅድን አግና ይንቸ ሙደንም ኖ ደይሰሴ።

¹⁷ ኮታይካ፥ ሳብዘንካ ኤሰርሶ ኬዘባብ ኤርማሰካ፥

¹⁸ “ራሄል ይንታ ይንቸንከሰካንታ ኤብድንካ፥ እንድር ሞርእኬ ኤፍካ ራማ ካተመናር ኤሰምሴ፥ ኮታ ይንቸንከሰረ ደእሳንኦል ዳንዳእካንታ ና ማታክዬ” ኩን ጋይምሶ ኬዘምሳንዳ ቤርና ቦድምሴ።

ግብጽ ፍጨናርንካ ፈንክ ናዝረት ካተመናር ማትና

¹⁹ ሄሮድስ ደእሳን ቡር ጮይሰታ ክታይንቸና ግብጻር ዮሰፍካንታ ዐምሰካ መያ ማትሶ፥

²⁰ “ኡለን ደይሳካንታ ዝግድን ኤድንከሰ ደእሳንካንታ፥ አምሳዮ ኡለን እንደንካ ክክን የድሳዮ፥ እስራኤል ፍጨናር አይካ” ጋይሴ።

²¹ ዮሰፈረ አምሶ ኡለንም እንደንካ ክክን የድሶ፥ እስራኤል ፍጨናር ማት ዐይዴ።

²² ኬዛርካ ማቼ አርኬላዎስ ይንታ ባቤን ሄሮድስታ ካርናር ይሁዳ ፍጨንዘን ክት ባንቸምሳን ይ ኤሰርሳንደትካ፥ ዮሰፍ ኮታር አይካንታ ጳሴ። ማቸንከረ ዐምሰካ ክትካንታ ክታ አምምሳንካ፥ ገሊላ ፍጨናር አይሴ።

²³ “ናዝረት ፍጨናርንክንባቤ ጋይምተሬ” ጋይምሶ ሳብዘንካ ኤሰርሶ ኬዛቅባብከሰካ ኬዘምሳንዳ ቦድምድንግንዳ ናዝረት ጋይምድን ካተመናር ዐይድሶ ደቅሴ።

3

ሰእሰንባብ ዮሀንስታ ሳባክና

(ማር. 1:1-8፤ ሉቃ. 3:1-18፤ ዮሀ. 1:19-28)

¹ ኮትዐይካ ሰእሰንባብ ዮሀንስ ይሁዳ ደቅድን ዴል ቆቼናርካ ሳባከር ዐይዴ።

² ኖ ኤሰዘደረ “ጭላ ባንቸምና የልሳንካንታ የንታ ጎማ ፍክሰን ዋይሰከቲ” ጋይድ ዐቁ።

³ “ጮይሰንታ ጎግን ግግሰከቲ፥

ሉላ ማሰሶ ኤርሰከቱ!’ ጋሮ ዴል ቆቼናር ፍብድን ኤታ ኡፍሰ”
ጋይሶ ሳብዘንካ ኤሰርሶ ኬዝባብ ኢሰያስ ኬዛንዳ ክት
የህንሰሳካ ዐቁ።

4 የህንሰታ አፍለና ግመልታ ሰጭዘንካ ፍክሰምሳንዳ ዐቁ፤
ይንታ ዎክጫምናረረ ጋመዘንካ ኤርሰርሳን ሳቅ ሶቆርድ ዐቁ፤
ክታ እችምነረ ኤይከንከ ባእተታ ኩር ዐቁ፤

5 ኮታይካ የሩሳሌም ካተመናርኬ ይሁዳር ዶቅድን
ፍጨናርንካ፤ የርዳኖስ ሎቀንታ ካንተካ ዶቅድን ፍጨ
ሙደናርንካ ኤድንከስ የህንሰደር ዐቁ ዐቁኬ።

6 ኬታ ይንታ ጎመንመረ ቡጨረኮ፤ የርዳኖስ ሎቀናር የህንሰታ
እንካ ሰኤርድ ዐቁኬ።

7 ኬዛርካ ማቼ፤ የህንሰ ፈረሳውያን ኤድንከሳርንከ
ሰዶቃውያን ኤድንከሳርንካ በድንከስ ሰእርካንታ ክደረ ኬት
ዐቁንካ ይ ሰዳንደትካ፤ “የታ ጉን ፋይንታ ይንችንከሶ! ዐቁን
ሳብታ ዎጭንዘንካ የ ሱርተርንግንዳ ዐቁ የም ኤግዝምሳራ?

8 ይና የንታ ጎማፍክሰን ዎይሰን ሰችዝድን ፍክሰን ፍክሰከቱ።

9 “ዎታ አብራሀመታ ይንችቱ’ ጋይንተካ የ ሱርድን የንደር
ዐቁካማ፤ ሳብ ከትኬ ሰይንከሳርንካ ክት አብራሀምካንታ
ይንች አምሰካንታ ማዴ እታ የም ጋይድቱ።

10 ይና ታ ማቼ ካልተና ዐቁንም ፋክካንታ ጎይናር ግግምቱ።
ኮካንታ ኡርማ አፍ ኡዝዳክን ዐቁ ሙደና ፋክምሶ ኖሄናር
ኦይትምዴ።

11 ይና፤ እታ የ ጎማ ፍክሰን ዎይሰዝድንግንዳ ሎቀካ የም
ሰእድቱ፤ እሰታ ቡርጎካ ዐቁባብ ማቸ እያን ጭልንከ ኖሄካ የም
ሰእተረ፤ ኖ እዘንካ እንድር ሰገዴ፤ እታ ክታ ዱትንታ ጫመን ዎራ
ባላካንታ ዝግዝድባብ ካይቱ።

12 ጋልደጽነረ ክታ እንናሬ። ኖየረ ይንታ ቆይደንም ቦድሶ
ኤርሰተሬ። ይንታ ዘርግንመረ ቡለናር ኦይተሬ፤ ምሰንም ማቼ
ካይዳክን ኖሄካ እችዝዴ” ከደር ጋይሴ።

የሱሰታ ሰእርና

(ማር. 1:9-11፤ ሉቃ. 3:21-22)

13 ኮታይካ የሱስ የሆነበት አንያር ሰእርካንታ፡ ገሊላ ፍጨናርንካ የርዳኖስ ሎቀናር ዐይዱ።

14 የሆነበት “ኮና ማታዬ፡ እታ የሰታ አንያር ሰእር እም ዝግዝድንካ፡ ዐስግንደስ የና እዝደር ዐይዱ!” ጋየር ማር ክትም የጄ።

15 የሱስ ማቼ “ጭለትቼንታ ፍክሰን ሙዳ ኮግንደካ ቦድ ዎም ዝግዝድንካንታ፡ ታ ዛእካ፡ ኮግንዳ ኩን ማታ” ጋይሶ ክትካንታ ማሰሴ። የሆነበት ክታ ጋይተንካ ኤእሶ የሱስም ሰእሴ።

16 የሱስረ ሰኤርሶ ሳነካ ሎቀናርንካ ክት ዉተዳንግንዳ ጭላ ፎችምሴ፡ ሳብታ አያንነረ ዎሌታ ካምሰካ ዐንቸርሶ የሱስዘን ዶቅድንካ ሰዴ።

17 ኮታይካ “ይና፡ እታ ክትካ እ ጉርምድባብኬ እ ሶልምድባብ እሰታ ይንችና ኖ ኮኔ” ጋይድን ኡፍሰ ጭላርንካ ኤስምሴ።

4

የሱሴታ ጳጭምና

(ማር. 1:12-13፤ ሉቃ. 4:1-13)

1 ኮታ ቡሪ፡ የሱስ ዳብሎሴካ ጳጭምካንታ ሳብታ አያንና ክትም ዳል ቆቹናር ተይ አይሴ።

2 ኮታረረ ቃስቲን ቦንዳ ዐየኬ፡ ቃስቲን ቦንዳ ሶይት፡ በቼካ ይ ምክሳንደታ ቡሪ ዳቀርሴ።

3 ጳጩንባብ የሱሴደር ዐይድሶ፡ “የና ሳብታ ይንች የሰ ማቼ፡ ይና ኬና ሰይንንከስ እችም ማድንግንዳ ክትካ” ክትም ጋይሴ።

4 የሱስ ማቼ “ኤድ ሳብታ አፋርንካ ዉድን ቃላ ሙደንካ ዳት እችምካ ዐክ ዶቃዬ” ጋይምሶ ጭል ማጻፍናር ጻፍምቲ” ኖ ጋይሴ።

5 ኮታ ቡሪ፡ ዳብሎስ የሱስም ሳብካንታ ፋስምሳን የሩሳሌም ካተመናር ተይ አይሶ ሳብታ ጭል ኤሄንታ ዱረዘን ዎይሰሶ፡

6 “የሰታ ዱትንከስ ሰይንካ ጎሄርዳክንግንዳ፡
“ኬታ ይንታ አንካ የሰም ዳቅስተርንግንዳ ኖይንታ ክታይንችን የሰካንታ ክዴ”

3:17 ፍዝ. 22:2፤ የቺ 2:7፤ አሳ. 42:1፤ ማቶ. 12:18፤ 17:5፤ ማር. 1:11፤ ሉቃ. 9:35። 4:1 ዕብ. 2:18፤ 4:15። 4:2 ዉት. 34:28፤ 1 ባንቺ. 19:8። 4:4 ካሪ. 8:3። 4:5 ነህ. 11:1፤ ዳን. 9:24።

ጋይምሶ ጭል ማጽፍናር ጸፍሞሳንካንታ የና ሳብታ ይንቸ
የሰ ማቼ፣ ኮዘንካ የሰታ ማተን ጩላ ማሰሶ ቡከልካ”
ክትም ጋይሴ።

7 የሱሰረ “ ‘የሰታ ጭይሰ ሳብንም ዐይ ጳጩ’ ኩን ጋይምሶ
ጭል ማጽፍናር ጉጅሶ ጸፍሞቱ” ክደር ጋይሴ።

8 እናካርንከረ ዳብሎስ የሱሰም እንድር ጩክን ጋይሳን
ገቼንዘን ዉቶሶ፣ ኮ ፍጫሙደንታ ባንቸንከሰም ሙዳ ከታ
ቦንቹንካ ክክን ክትም ሰቶሶ።

9 “ይርክን ጋይሳዮ እካንታ የሰ ጎሰትሴ ኮም ሙዳ የሰካንታ
እምድቱ” ክደር ጋይሴ።

10 ኮትዐይካ የሱሰ “ ‘የሰታ ጭይሰ ሳብንካንታ ጎሰትካ፣
ክትም ዐክ ጎይንካ!’ ጋይምሶ ጭል ማጽፍናር ጸፍሞሳንካንታ
የና ሰጣን ጎተርካ!” ክትም ጋይሴ።

11 ኮታቡር ዳብሎስ የሱሰም ዛቅሴ፣ ክታይንቸንከሰረ
ዐድሰኮ ክትም አሌን አልሰኬ።

የሱሰ ይንታ ፍክሰን ገሊላ ፍጨናር የድና

(ማር. 1:14-15፤ ሉቃ. 4:14-15)

12 የሱሰ ዮሀንስታ ዘክርን ይ ኤሰርሳንደትካ ገሊላ ፍጨናር
ማት አይሴ።

13 ናዝርት ካተመን ዛቅሶ፣ ዛብሎናርኬ ንፍታሌም ፍጨና
ገሊላ ባሀርንታ ላማር ዶቅድን ቅፍርናሆም ካተመናር ዐድሶ
ዶቅሴ።

14 ኮነረ ማቻንዳ፣ ሳብዘንካ ኤሰርሶ ኬዛቅባብ ኢሰያሰካ ኩን
ጋይምሶ ቤሪካ ኬዘምሳንዳ ቦድምድንግንዳ።

15 “ሳሃርናር ተይ አይድን ጎግንክ ዮርዳኖስ ሎቀንታ ፋማ፣

ዐፈርድባብከሰ ዛብሎን ፍጫ፣ ንፍታሌም ፍጫ፣

አይሁድ ማታክን ገሊላ ኤድንከሰኬ።

16 ኡማር ዶቅድባብ ዎርሰና እንድር ሳክመን ሰጀኬ፣

ደእታ ሰፍት ሰፍሳን ፍጨናር ዶቅድባብከሰካንተረ ሳክመና
ከትካንታ ዉተዴ።”

17 ኮታዘንከረ የድሶ የሱሰ፣ “ጭላ ባንቸምና ቅንቸቱ ጎማ
የንታ ፍክሰን ዎይሰከቲ!” ጋየር ሳባክ የጄ።

4:6 የቺ 91:11-12።

4:7 ካሪ. 6:16።

4:10 ካሪ. 6:13።

4:12

ማቶ. 14:3፤ ማር. 6:17፤ ሉቃ. 3:19-20።

4:13 ዮሀ. 2:12።

4:16

ኢሳ. 9:1-2።

የሱስ ሞላን የድባብ ኦይድ ኤድንከሰም ኤልና

(ማር. 1:16-20፤ ሉቃ. 5:1-11)

18 የሱስ ገሊላ ባህርነታ ላመካ ሰገድንካ፥ ሞላን የድባብከሰ ቃስተን እስመንኬ ካንሰካ ከተረ ጴጥሮስ ጋይምሰባብ ሰምኦንኬ እስመን እንድራሰካ፥ ከታ ይንታ ሞላን የድን ሳከን ባህርናር ከት ኦይድንካ ኖ ሰዴ።

19 የሱስረ “ኮረቴ፥ እም ጎርሰምከቴ፥ ሞላን የ የድንደትግንዳ ሙዳ ኤድንከሰም ሳብታ ባንችምንካንታ የ ሳንስተርንግንዳ የም ይትቴ” ከትም ጋይሴ።

20 ከተረ ሳነካ ይንታ ሞላን የድን ሳከን ዛቅሰኮ ክትም ጎርሰምሰኬ።

21 ኮታዘንከረ ኦሳ አይሶ፥ አብ ቃስተን እስመንኬ ካንሰካ ዛብደሰታ ይንችን ያይቆብምኬ የሀንሰምካ ሰዴ። ከተረ ይንታ ባቤን ዛብደሰከ ክክን ሎቀንዘንካ ቃልዝድን ጀልበንዘን ዶቅሰኮ ሞላን የድን ሳከን ከት ኡርዝድንካ ኤልሴ።

22 ከተረ ሳነካ ጀልበንምኬ ይንታ ባቤንም ዛቅሰኮ የሱሰም ጎርሰምሰኬ።

የሱስ በድ ኤድንከሰም ኤስሳንደትከ ፋችሳንዳ

(ሉቃ. 6:17-19)

23 የሱስረ አይሁድንከሰታ ምክሰ ኤሄናር ኤስሰሮ ሳብታ ባንችምንታ ክላ ኬዛ ቃለን ሳባከሮ፥ ዐክ ዐክ ሰቅምከ ዐክምካ የደርሰባብ ኤድንከሰም ፋቸሮ ገሊላ ፍጫ ሙደናር ኦንግድ ዐቁ።

24 ክታ ይተና ሶርያ ፍጫ ሙደናር ኤስምሳንካንታ፥ ኤድንከሰ ዐክ ዐክ ሰቅምከ ዐክምካ ማጠርድባብከሰም፥ ቱና እያንካ የደርሰባብከሰም፥ ባልት ዛቅድን ሰቅም ዶቅድባብከሰምኬ ዋብንከሰም ሙዳ ክደር ተይ ዐደኬ፥ ኖየረ ከትም ፋችሴ።

25 ገሊላ ፍጨናርንኬ ታማ ካተመናርንካ የሩሳሌማርንኬ፥ ይሁዳርንካ፥ የርዳናስ ሎቀንታ ፋመንካ ዐድባብ በድ ኤድንከሰ የሱሰም ጎርሰምሰኬ።

5

የሱስ ገቸንዘን ዶቅሶ ኤስሳን ኤስና

(ማቶ. 5:1—7:29)

1 የሱስ ይሞ ጎርሰምድባብ በድ ዋርሰንም ይ ሰዳንደትካ፥
ገቼንዘን ዉትሶ ደቅሴ፥ ክታ ካርንካ ጎርሰምድባብከሰረ ክደር
ዐደኬ።

2 ኩን ጋየር ከትም ኤሰስ የጄ፥

ዶፈን እንጀንም ዐብድን ኤድንከሰ

(ሉቃ. 6:20-23)

3 “ጭላ ባንቶምና ከታ ማቻንኦል አያናር ደቅንተካ፥
“ሳብም ዝገር ዋቸርድባብከሰ ኬታ እንጀምሰባብከሰኬ።”

4 ሳብ ከትካንታ ደቅንተን እምድንካንታ ዋቸርድባብከሰ
እንጀምሰባብከሰኬ።

5 ይንታ ማተን ይርክሳ ይድባብከሰ ሳብ ከትካንታ ግግሳን
ፍጨን ተይድባብ እንጀምሰባብከሰኬ።

6 ጭለትቶን ደቀርድባብከሰኬ ዋቸርድባብከሰ ከት
ምዝድንካንታ፥

እንጀምሰባብከሰኬ።

7 አብንከሰካንታ አጨርድባብ እንጀምሰባብኬ፥ ዐረታ ጋይሴ
ሳብ ከትካንታ አጨርድንኦሌ።

8 ቡዳ ጭለጭልንከሰ እንጀምሰባብኬ፥ ሳብም ሰተረኬ።

9 ኤድምዝድባብከሰ እንጀምሰባብከሰኬ፥

ሳብታ ይንቶ ጋይምደኬ።

10 ጭለትቶንካን ዳየርምድባብከሰ፥ ጭላ ባንቶምና ከትካንታ
ማቻንኦል፥

እንጀምሰባብከሰኬ።

11 “እኀካ ኤድንከሰ የም የግድንከኬ የም ዳያ ኦንግድንካ፥
ደቅልንም ማልትካ የንታዘን ኬዝድንካ እንጀምሰባብኬ።”

12 ጭለር የዐብድን ናክና የካንታ እንድር ኮት ማቻን ኦል
የም ጉርምሳ፥ እንድር ጉርመረ ይከቴ። ኤና የንታ እረረ ዐቅባብ
ሳብዘንካ ኤሰርሶ ከዛቅባብከዘን ኮትኮግንዳ ዳይርምንከ
ማጠንም የልሰተኬ።”

ሶቅተኬ ሳክመንታ ካምስ

(ማር. 9:50፤ ሉቃ. 14:34-35)

5:4 ኢሳ. 61:2። 5:5 የቺ 37:11። 5:6 ኢሳ. 55:1-2። 5:10 1
ዴጥ. 3:14። 5:11 1 ዴጥ. 3:14። 5:12 2 ኬዛ 36:16፤ ኦይት. ፍ.
7:52።

13 ኮታዘንከረ የሱሰ፡ “የታ ፍጨዘን ሶቅንግንደቱ፤ ኬዛርንካ ማቼ ሶቅ ሎቅክሳ ነገዴ ና ካርንካ ዐስግንዶክ ሎቅካንታ ማዳ? ኦስ ማል ኦይትምሶ ኤታ ዱትያር ሙክምዘንካ ኦብ ኦስ እር ዐራርካንተረ መያዬ።

14 “የታ ኮ ፍጨሙደንታ ሳክመቱ፤ ገቼዘን ዶቅድን ካተመና አቶምካንታ ማዳክዬ።

15 ኤድንከሰ ዞጸን ዞጸሰትዮ ኤሄናር ዶቅድባብ ሙደንካንታ ሳግድንግንዳ ጨክን ጋይሳን ካርዘን ዎደክ ዳት ዞጸን ዳሄታ ዋር ዎዳክዬ።

16 ኮትኮግንደረ ኤድንከሰ የንታ ኡርማ ፍክሰን ሰድሰኮ ጭላር የንታ ባቤንም ከት ጋለድንግንዳ፤ የንታ ሳክመነረ ኤታ እሪ ሳካ” ኩን ጋይሴ።

ሙሴካንታ እምምሳን ህግንጎካ

17 ጉጅሰረ የሱሰ “ሙሴታ ህግንምኬ ሳብዘንካ ኤሰርሶ ኬዛቅባብከሰታ ኤሰሰን ነግሰካንታ እ ዐዳንዳ የንደር ዐይካማ፤ ከት ቦድምድንግንዳ ይሰካንታ እታ ዐዳት ዳት ነክሰካንታ ዐዳክቱ”።

18 ዶፈን የም ጋይድቱ፤ ጭለኬ ፍጨካ ሰገተርን የለልታ ሙሴታ ህግና ሙዳ ቦድምተር ዳት ህግናርንካ ዋልቃ ፍደል አነረ ዋልቃ ጨት ዎራ ነጋዬ።

19 ኮካንታ ከትከ ክተንከሳርንካ መራ ማቻን ዋልቀን ዎራ ዉልእድባብኬ ኦብ ኤድንከሰረ ኮትኮግንዳ ከት ይድንግንዳ ኤሰዘድን ኤድ ጭላ ባንቺምናር መራ ጋይምተሬ። ኬዛርንካ ማቼ ክተንከሰም ሙዳ ቦድባብኬ ኦብ ኤድንከሰረ ኮትኮግንዳ ከት ቦድንግንዳ ኤሰዘድባብ ኤድ ጭላ ባንቺማር እንድር ጋይምተሬ።

20 ኮካንታ የንታ ጭለትቶና ሙሴታ ህግን ኤሰዘድባብከዘንኬ ፈረሳውያን ኤድንከሰታ ጭለትቶንዘንካ ሰጋክንዳ ማቼ ቦድሶ ጭላ ባንቺማር የ እርዳክንደትም እታ የካንታ ኬዘድቱ።

ዋጭጎካ የሱሰዘንካ እምምሳን ኤሰሰ

5:13 ሉቃ. 14:34-35። 5:14 ዮሀ. 8:12፤ 9:5። 5:15 ማር. 4:21፤ ሉቃ. 8:16፤ 11:33። 5:16 1 ጴጥ. 2:12። 5:18 ሉቃ. 16:17።

21 “ኤና እሪ ዐቃን ኤድንከሰካንታ ጋየርሳንደትም የታ ኤስርተቴ፤ ኮነረ፤ ‘ኤድም ዐይ ደይሴ፤ ኤድም ደይሰባብ ፋረድምዴ’ ጋይድንዴ”።

22 እታ ማቼ የም ጋይድቴ፤ ይንታ እስመንዘን ዋጭድባብ ሙደና ፋረድምዴ፤ እነረ ይንታ እስመንም የና መይዳክባብ! ጋይሶ የግድባብ ሙደንዘን እይሁድንታ ቡጫ ጋልተንከሰ ክታዘን ፋረተረኬ፤ ቱንይ! ጋይሶ የግድባብ ሙደና ድግዳክን ኖሄካ ፋረድምዴ።

23 “ኮካንታ የና የሰታ እመንም ሳብታ ኤሄናር ካሰርድን ካርዘን ሳብካንታ የሰ እምድን ዐይካ፤ የዘን ይምኤርሰባብ እስመና ደቅድንደትም የሰም ገቀርሴ።

24 የሰታ እመንም ካሰ ካርንታ እሪ ዋድሰዮ አይካ፤ እርምሳዮ ክትኮ የሰታ እስመንካ ክክን ኤድምካ፤ ኮታ ቡር ማትሳዮ የሰታ እመንም እምካ።

25 የሰታ ይምኤንባብ የሰም ካሰሰንካ ክትካ ክክን ፍርድ ኤሀር እያደቅዳዮ ጎግዘን ሳነካ የሰታ ይምኤእንባብካ ክክን ኤእካ። ኩን ማታክንዳ ማቼ የሰታ ይምኤንባብ ዳይነንካንታ፤ ዳይነረ ዘግድባብካንታ ሰክሰት እምሳንደታ ቡር ዞክና ኤሀር ዘከርዳዬ።

26 ደፈን የሰም ጋይድቴ፤ የሰታዘን ፋረጃን በእንታ ሳንትምን ናክት የሰ በይሰተርን የለልታ ቦድሰረ ኮታርንካ ዉዳካዬ” ኩን ጋይሴ።

ቤልምንጎካ እምምሳን ኤሰሰ

27 “ ‘ዐይበልመቴ!’ ጋይምሳንደትም የታ ኤስርተቴ።

28 እታ ማቼ የም ጋይድቴ ‘ማንም ሰድሶ አንገርሰባብ ሙደና፤ ኮትዐይካ ይንታ ቡዳር ኮትካ ክክን ቤልምቴ’ ጋይድቴ።

29 የሰታ ምዝ አፍና ጎመታ ጎግ ኮት ማዴ፤ ዉችተዮ ዛእካ! የሰታ ኤደትቸና ሙደና ድግዳክን ኖሄናር ኦይትምተርንዘንካ የሰታ ኤደትቸናርንካ ዋልቀና ካይደሰናና የሰካንታ ኡርሜ።

30 የሰታ ምዝ እንና ጎመታ ጎግ ኮት ማዴ፤ ተችት ዛእካ! የሰታ ኤደትቸ ሙደና ድግዳክን ኖሄናር ኦይትምተርንዘንካ የሰታ ኤደትቸናርንካ ዋልቀና ካይደሰናና የሰካንታ ኡርሜ”።

5:21 ዉት. 20:13፤ ካሪ. 5:17፤ 16:18። 5:27 ዉት. 20:14፤ ካሪ. 5:18።

5:29 ማቶ. 18:9፤ ማር. 9:47። 5:30 ማቶ. 18:8፤ ማር. 9:43።

ማንም ቡልጎካ እምሞሳን ኤስሰ

(ማቶ. 19:9፤ ማር. 10:11-12፤ ሉቃ. 16:18)

31 “ይንታ ኬነንም ቡልድባብ ሙደና ኮት ቡልምሳንደታ ማርካትች ዋርቀትን ኮትካንታ እምማ” ጋይምቴ።

32 እታ ማቼ የም ጋይድቴ፤ “ቤልምንጎካ ማታክንዳ ማቼ፤ ይንታ ኬነንም ቡልድባብ ሙደና ኮት ቤልምድንግንዳ ይዴ፤ ቡልምሳንደትመረ እንጅድባብ ሙደና ቤልምባብ ማዴ።”

ጫቃጎካ እምሞሳን ኤስሰ

33 ጉጅሰረ ኤና እሪ ኤድንከሰካንታ “ካርከካ ዐይ ጫቀቴ፤ ኬዛርንካ ማቼ የንታ ጫቀንም ጮይሰካንታ ቦድከቴ” ጋይምሳንደትም ኤስርተቴ።

34 እታ ማቼ “ቦድሰረ ዐይ ጫቀቴ” የም ጋይድቴ። ጭለና ሳብታ ደቅንት ጎንጋ ኮት ማቻንካንታ፤ ጭለከረ ዐይ ጫቀተ፤

35 ፍጨነረ ጮይሰታ ዱትንታ ዋእንትንዳ ኮት ማቻንካንታ ፍጨከረ ዐይ ጫቀቴ፤ እንድር ባንችንታ ካተማ ኮት ማቻንኦል የሩሳለም ካተመንከረ ዐይ ጫቀቴ፤

36 የሰታ ማተናርንካ ዋልቀን ዋራ ጫምሳ እነረ ጫልም ማሰካንታ የሰ ማዳክንካንታ የሰታ ማተንከረ ዐይ ጫቁ።

37 ኮካንታ የንታ ኬዘና “ይያ” ማቼ “ይያ” እነረ “ዋእ” ማቼ “ዋእ” ማታ። ኮዘንካ ሰግዳንዳ ዳቅልንዘንኬ።

ይምኤር ዝግዝዳክንደትም እምሳን ኤስሰ

(ሉቃ. 6:29-30)

38 “ኣፍታ ካርያር አፍ፤ አቕታ ካርያር አቕ፡ ጋይምሳንደትም ኤስርተቴ።

39 እታ ማቼ ዳቅልን የንዘን ይድባብ ኤድንዘን ዐይ ይምኤርቴ። ኬዛርንካ ማቼ ምዘ የሰታ ከቼንም ጫቅድባብካንታ የሰታ ከቼ ከቼንም ክትካንታ ሰርሰካ።

40 ዋልቃ ኤድ የሰታ ሳምዝንም ተይካንታ ዝግሶ የሰም ክት ካሰሴ፤ የሰታ ኮትንም ክት ተይድንግንዳ ዛእካ።

5:31 ካሬ. 24:1-4፤ ማቶ. 19:7፤ ማር. 10:4። 5:32 ማቶ. 19:9፤ ማር. 10:11-12፤ ሉቃ. 16:18፤ 1 ቆሮ. 7:10-11። 5:33 ሉቃ. 19:12፤ 4.ይ. 30:2፤ ካሬ. 23:21። 5:34 ያይ. 5:12፤ ኢሳ. 66:1፤ ማቶ. 23:22።

5:35 ኢሳ. 66:1፤ የቼ 48:2። 5:37 ሉቃ. 19:12፤ 4.ይ. 30:2፤ ካሬ. 23:21። 5:38 ጫት. 21:24፤ ሉቃ. 24:20፤ ካሬ. 19:21።

41 ዋልቃ ኤድ ላኝካ ክክን ቶክም ጎግ አይካ፣ ጋይሶ የሰም ማእሴ፣ የና ማቼ ኮታዘን ኮትከካ ጎግ ክትካ ክክን አይካ።

42 የዘደር ምግዘድባብካንታ እምካ፣ የዘደር ታልቃ ዝግድባብካንታ ዋይዬ ዐይ ጋይ።

ይምኤንባብም ሶልማጎካ እምሳን ኤሰሰ
(ሉቃ. 6:27-36)

43 ኮታዘንከረ የሱሰ፣ “ የሰታ ላኮይትን ሶልምካ፣ የሰታ ይምኤንባብም ግርካ፣ ጋይምሳንደትም ኤሰርተቱ።

44 እታ ማቼ የንታ ይምኤንባብከሰም ሶልምከቱ፣ የም ባድባብከሰም እንጅከቱ፣ የም ግርድባብከሰካንታ ኡርማ ይከቱ፣ ዳቅልን የንዘን ይድባብከሰካንተከ የም ዳይድባብከሰካንታ ምክሰከቱ” እታ የም ጋይድቱ ኩን ጋይሴ።

45 ኮም የ ይዳ፣ ጭለናር ዳቅድን የንታ ባቤንታ የታ ይንቶ ማተረቱ። ኖ ዳቅልንከሰካንተከ ኡርመንከሰካንታ ዐይንም ወቶዘዳ፣ ኮትኮግንደረ ጭልንከሰካንተከ ጎመንባብከሰካንታ ደብንም ቃንዝዴ።

46 የም ሶልምድባብከሰም ዐክ የ ሶልምደ ዐራ ናክ የንታ ደቅዳ? ቃረጭን ተቶዘድባብከሰ ኮትኮም ይደክ ካዮ?

47 የንታ እሰመንከሰካንታ ዐክ እቦ የ ጋይድንዳ ማቼ ዐረንታ ሰገዳን ሪ ይዳ? አይሁድ ማታክባብከሰ ኮትኮም ይደክካዮ?

48 ኮካንታ ጭለናር የንታ ባቤና ቦድማ ማቻንግንዳ የተረ ቦድማ ማትከቱ።

6

ሪካየንባብከሰካንታ እመርድን እመንጎካ

1 ኮታዘንከረ የሱሰ፣ ኤድ ዋም ሰዳ ጋይሶ የንታ ኡርማ ፍክሰንም ኤታ እሪ ይይንተዘንካ ካርሰምከቱ፣ ኩን የ ይያክንዳ ማቼ ጭለናር የንታ ባቤንደርንካ እምምድንደትም ናክን ዐብዳከቱ።

2 ኮካንታ ሪካየንባብካንታ እመንም የ እምድንዐይካ፣ ኦትረንባብከሰ ምክሰ ኤሂናርኬ ጎግካ ኤድ ከትም ቦንጅድንግንዳ ጋይሰኮ ከት ይድንግንዳ የተረ ዐይ ጨቀቱ።

እታ የም ዶፈን ከዝድቱ፥ ከታ ይንታ ፍክሰንታ ናክንም እርምሶኮ ተይተኬ።

³ የና ማቼ ሪካየንባብከሰካንታ እምድ ዶቆ የሰታ ምዝ እንና ይድንደትም ከች እንና የሰታ ዐይይ ኤሳ።

⁴ ይና የሰታ እመና እቸካ ማታ፥ እቸካ የሰ ፍግዝድንደትም ሰድባብ፥ የሰታ ኡርማ ፍክሰንታ ናክን ኖ ናግዴ።

ምክሰሳካ

(ሉቃ. 11:2-4)

⁵ “የ ምግዝድንደትዐይይካ ኮ እትረንባብከሰግንዳ ዐይይማተቱ! ኬታ ኤድ ከትም ሰድንግንዳ ጋይሶ አይሁድንታ ምክሰ ኤሄናርኬ ጎግንታ ካንታር ዎእሶ ኬታ ምክሰካንታ ሶልምደኬ። ዶፈን የም፥ ጋይድቱ ኬታ ይንታ ናክንም ተይተኬ።

⁶ የና ማቼ ምግዝድኖ ኤሄንታ ዋር አርድካ፥ የሰታ ፍልተንም ዝጭሳዮ፥ ግፋር ዶቅድን የሰታ ባቤንደር ምክሰካ እቼካ ፍክሰምሳን ሰድባብ የሰታ ባቤና የሰታ ኡርማ ፍክሰንታ ናክንም ናግዴ።

⁷ “የታ ምግዝደቶ አይሁድ ማታክባብከሰግንዳ፥ ወችኩን ማዳክንደትም ካርንካ ካርንካ ዐይይ አፈረቱ፥ ከታ ካርንካ ካርንካ ጋይተታ በድምካ ሳብ ከታ ምክሰን ኤሰርድን ካምዴ።

⁸ የታ ማቼ፥ የንታ ባቤና የካንታ ዝግዝድንደትም ሪን አክ ክትም የ ምክሳክናና እርምሶ ክት ኤዝድንካንታ ከትግንዳ ዐይይማተቱ።

⁹ ኮካንታ የታ ኩን ጋይሶ ምክሰከቱ፥

“ጭለር ዶቅድባብ ዎንታ ባቤኖ!

የሰታ ጭል ላምና ቦንችማ፥

¹⁰ የሰታ ባንችምና ዐሳዳ፥

የሰታ ጋይተና ጭለናር ማቻንግንዳ፥

ኮትግንደረ ፍጨዘን ማታ፥

¹¹ ሰጨንታ እችምን ታካ ዎካንታ እምካ።

¹² ዎተረ ዎም ባችሰባብም ነጋ ዎ ጋይድንግንዳ፥

ዎንታ ባችንም ነጋ ጋይካ፥

¹³ ዳቅልዘንካ እቅሰካ ዳት፥

እስ ጳጭምናር ዎም ዐይይ እርችሴ፥

ባንችምና፥ ዎልቀኬ ቦንቼካ *

ሰለንክንደታ የሰቴ፤ አምንኤ”።

14 “ኤድንከሰታ ጎመንም ነጋ የ ጋይዴ የመረ ጭላር የንታ ባቤና ነጋ ጋይተሬ።

15 ኤድንከሰታ ጎመንም ነጋ የ ገይዳክንዳ ማቼ፤ የንታ ባቼንመረ ጭላር የንታ ባቤና ነጋ ጋያዬ።”

በቼካ ምክሰ

16 የሱሰረ፤ “በቼካ የ ምግዝድንደት ዐይካ፤ ከታ በቼካ ምክሰንም ኤድንከሰ ኤዝድንግንዳ፤ ከታ ይንታ ባለንም ኦግድባብ ኦትረንባብከሰግንዳ የንታ ባለንም ዐይሱልሰቴ፤ ደፈን የም ጋይድቴ፤ ከታ ይንታ ናክንም ተይተኬ።

17 “የና ማቼ በቼካ የሰ ምግዝድንደትዐይካ የሰታ ባለንም ሰኤርካ የሰታ ማተንመረ ሳየርካ።

18 ኮግንደካ የሰታ በቼካ ምክሰንም ግፋር ዶቅድባብ የሰታ ባቤንዝንካ ኡብ ዐየነረ ኤዝዳክዬ፤ ግፋር ፍክሰምሳንደትም ሰድባብ የሰታ ባቤነረ መየካ የሰካንታ ናክተሬ” ኩን ጋይሴ።

ጭላር ዶቅድን ቆልማ

(ሉቃ. 12:33-34)

19 ጉጅሰረ የሱሰ፤ “ብልኬ ቡይካ ካይዝድን ካርዘን ድብንከሰረ ቁንጭሶ ድብድንደታር፤ ኮ ፍጨዘን የንታ ማታ ካንታ ቆልመን ዐይሳ ሳንሰቴ።

20 ሰግሰሰረ ብልኬ ቡይካ ካይሰካንታ ማዳክን ካርዘን፤ ድብንከሰረ ቁንጭሶ ድብዳክን ካርዘን ጭላር የንታ ቆልመንም ሳንሰከቴ።

21 ቆልመና የሰታ ዶቅድን ካርዘን የሰታ ቡደነረ ኮታር ማተሬ።

ኤደትቸንታ ሳክማ

(ሉቃ. 11:34-36)

22 “ኤደትቸንታ ሳክመና አፍዬ፤ ኮካንታ የሰታ አፍና ኡርማ ማቼ፤ የሰታ ኤደትቸና ሙዳ ሳክማ ማተረ፤

23 የሰታ አፍና ሰቀርድንዳ ማቼ፤ የሰታ ኤደትቸና ሙዳ ኡም ማዴ። ይና የሳር ዶቅድንዳ ሳክመና ኡም ኮት ማቼ ኡምና ዐስግንዶክ እንድንካ ኡምሳንዳ ማተራ!

ሳብካንተኬ ብራካንተካ

(ሉቃ. 16:13፤ 12:22-31)

24 “ዋልቃ ኤች ቃስቴን ማታ ቆልሰባብከሰታ ፍክሰንባብ ማትካንታ ማታዬ፥ እነረ ዋልቃባብም ግርዴ፥ ዋልቃባብንም ሶልምዴ፥ እነረ ዋልቃባብንም ቦንጅዴ፥ አብንመረ ቶጅዴ፥ ኮትኮግንደረ ዋልቃ ኤድ ዋልቃዲት ሳብካንተኬ ብራካንታ ፍክሰንባብ ማትካንታ ማታዬ።

25 “ኮካንታ ኩን የም ጋይድቴ፥ ‘ዐሮንት እችቴ? ዐሮንት ዎጭቴ? ዐሮንት ቆበርቴ?’ ጋይሰቶ የንታ ገች ዐቅንንካ ዐይ ማጠረቴ፥ እችምዘንካ ሰንፓ፥ እፍለዘንከረ የንታ ኤደትቸና ስጋዮ?

26 ይና ጭለዘን ፈድን እፍትንከሰም ሰድከቴ፥ ከታ ማሳ ካዬ፥ ሰካየኬ፥ ቡላር ኦይታየኬ፥ ኬዛርንካ ማቼ ጭላር የንታ ባቤና ከትም እችዘዴ። ይና የታ እፍትንከዘንካ እንድር ሰግደት ካዮ?

27 ማችንከረ የንታ ዌክያርንካ ማጠርሶ፥ ይንታ ሰለዘን ዋልቃ ሰጫ ዎራ ጉጅካንታ ማድባብ ዐይራ?

28 “ጉጅሰረ እፍላካንታ ዐረተንት ማጠርዳ? ይና ፍጨዘን ድረንከሰታ ቦነነከሰ ዐስግንዳ ጋጵዳናነረ ሰዳከቴ፥ ከታ ፍክሰካ ጋፋየኬ፥ ፋታ ግእዳከኬ፥

29 ኬዛርካ ማቼ፥ ሰሎምን ዎራ ኮ ሙዳ ይንታ ቦንቼንካ፥ ከታርንካ ዋልቅንግንዳ ቆበራክየ ጋይድቴ።

30 ይና ታካ ዐፈርሶ ሰናካ ኖሀር ኦይትምድን ዛክንዘን ድረንም፥ ሳብ ኮግንዳ ቆበዘድንዳ ማቼ የታ አሜን ዘገርሰባብከሰ! የም ማቼ ዐስግንዳ ሰግሰሶ ቆፍሳይንዳ!

31 ኮካንታ ‘ዐሮንት እችቴ? ዐሮንት ዎጭቴ? ዐሮንት ቆበርቴ?’ ጋየረቶ ገቅርካ ዐይማጠረቴ።

32 ኮም ዐፍካንታ እይሁድ ማታክባብከሰረ ዝግደኬ፥ የካንታ ኮና ሙዳ የም ዝግዘድንደትም ጭላር የንታ ባቤና ኤዘዴ።

33 የታ ማቼ፥ እርምሰቶ ሳብታ ባንችምንምኬ ጭለትችንም ዘከቴ፥ ነገዳን ሪሙደና የካንታ ጉጅምተሪ፥

34 ሰናክንዳ ሰጨና ይንታ ማታ ኮት ማጠራ፥ ሰናክንደትካንታ ዐይማጠረቴ፥ ሰጨንካንታ ጋይምሳን ቦርምና ኮትካንታ ማዴ።”

7

አብንከዘን ፋረድ ዝክሳይንዳ
(ሉቃ. 6:37-42)

1 ኮታዘከረ የሱስ፡ “የዘን ፋረድምተራክንግንዳ፡ ዐየንታ ዘነረ ዐይ ፋረደቴ።

2 አብንከዘን የ ፍርድን ፍርደና፡ የንታዘን ፋርድምዴ፡ ኮትኮግንደረ የ ማግድንደትካ ማሰትዮ የካንታ ማክምዴ።።

3 የሰታ አፋር ዶቅድንደተም ቱሰን ሰዳከይ ዶቆ ዐረተሰ የሰታ እሰመንታ አፍናር ዶቅድን ዳቅልን ሰዳ?

4 ጉጅሶ የሰታ አፍናር ቱሰ ከከና ዶቅድንካ የሰታ እሰመንም “ይና ‘የሰታ አፍናር ዶቅድን ዳቅልን ወችትቴ’ ዐስግንደሰ ጋይዳ?

5 የና ኦተረንባቦ! እርምሶ የሰታ አፍናር ዶቅድን ቱሰን ወችካ፡ ኮታ ቡር፡ የሰታ እሰመንታ አፍናር ዶቅድን ዳቅልን ወችካንታ ኡርሰት ሰዳዬ።።

6 ሳብካንታ ፋሰምሳን ርን ከታ ይንታ ዱትንከረ ሙግዳክንግንዳ ማተረ የም ከት ጋእዳክንግንዳ እክሰንከሰካንታ ዐይ እመቴ፡ የንታ ቦንችምሳን ርን ጉድምንከሰታ እር ዐይ ኦይተቴ፡ ጉድምንከሰ የንታ ቦንችምሳን ርን ከታ ይንታ ዱትንካ ሙግደኬ።።

እይሰከቴ፡ ዝከቴ፡ ኤልከቴ (ሉቃ. 11:9-13)

7 “ምክሰከቴ የካንታ እምምተሬ፡ ዝከቴ የታ ዐፍተረቴ፡ ፍልተን ቆንከቴ የካንታ ፎችምተሬ።

8 ምግዝድባብ ሙደና ተይተሬ፡ ዝግድባብ ዐፍተሬ፡ ፍልተንመረ ቆንግድባብካንታ ፎችምተሬ።

9 የንታ ዎክያርንካ ከታ ይንችና እችም ኦይሴ ሰይን እምድባብ ዐይሬ?

10 ሞለንም ምክሳን ማቼ ጉንን እምደ?

11 ይና የታ ዳቅል ማትሶ ዶቅድ፡ የንታ ይንችንካንታ ኡርማ ሪም እምንተን የ ኤሳንካ ይና፡ ጭላር ዶቅድባብ የንታ ባበና ምግዝድባብከሰካንታ ዐስግንዳ ሰክሰሶ ኡርማ ርን እማይንዳ?”

12 ይና ኤድንከሰ የካንታ ይድንግንዳ የ ዝግድንደትም ሙዳ፡ የተረ ከትካንታ ኮትግንዳ ይከቴ፡ ሙሴታ ህግኬ ሳብዘንካ ኤሰርሶ ከዘቅባብከሰታ ኤሰሰነረ ኮትኮመተ።

ጨንጭማ ፍልተንጎካ

(ሉቃ. 13:24)

13 ጨንጭማ ፍልተንጎካ አርድከቱ፤ ካይንተናር አርጅድንዳ ፍልተና ዳልጌ፤ ጎግነረ ኮታ ሳክምዬ። ኮትካ አይድባብ ኤድና በድንከሰኬ።

14 እስ ዶቅንተናር አርጅድን ፍልተና ማቼ ጨንጭማ፤ ጎግነረ ሉጋ ጎግንግንዴ፤ ኮትም ዐብድባብከሰረ ቶክም ኤድንከሰኬ።

ካርካ ኤሰሰንባብከሰጎካ

(ሉቃ. 6:43-44)

15 “ቆልታ ጉፍተም ቆበርሶ የንደር ዐድባብከዘንካ፤ ኬታ ዋርጎክንዳ ማቼ ቆልንም የድን ጋርመንከሰግንዳ ማቸባብከሰ ካርከካ ሳብዘንካ ኤሰራከክዶቆ ከዘድባብከዘንካ ካርሰምከቱ።

16 ከትመረ የ ኤዘድንዳ ከታ ፍክሰንታ አፍንኬ። ኡክምታ እክመዘንካ ዋይንታ አፍ፤ ኦንደዘንካ በለሰታ አፍን ካምምዶ?

17 ኮግንደረ ኡርማ ዐቃ ሙደና ኡርማ አፍ ኡዝዴ፤ ዳቅል ዐቃ ማቼ ዳቅል አፍ ኡዝዴ።

18 ኡርማ ዐቃና ዳቅል አፍ ኡሰካንታ ማታዬ ዳቅል ዐቃነረ ኡርማ አፍ ኡሰካንታ ማታዬ።

19 ኡርማ አፍ ኡዝዳክን ዐቃ ሙደና፤ ፋክምሶ ኖሀር አይትምዴ።

20 ኮካንታ፤ ካርከካ ሳብዘንካ ኤሰራከክዶቆ ከዛዶቅድባብከሰም ከታ ፍክሰንካ ኤዘደቱ።

21 “ጭላር ዶቅድባብ እስታ ባበንታ ጋይተንም ቦድባብ ዳት ‘ጮይሰዮ! ጮይሰዮ!’ እም ጋይድባብ ሙደና ጭላ ባንቸምናር አርድባብ ካዬ።

22 ፍርደን ሰጨንካ በድንከሰ፤ ‘ጮይሰዮ! ጮይሰዮ! የሰታ ላምንካ ቤርካ ኬዛክቶ? የሰታ ላምንካ ግምዘንከሰም ወቻኮቶ? የሰታ ላምንካ በድ አተንም ፍክሳኮቶ?’ እዘደር ጋይተረኬ።

23 እተረ ኮት ሰጨንዐይካ፤ ‘ቦድሶ የም ኤዘዳክቲ! የታ ዳቅልንም ፍግዘድባብከሰ እዘንካ ኦሰ ጎተርከቲ!’ ከትም ጋይትቱ።

ላዘዘንኬ ሻምዘን ዋድምሳን ኤሄንታ ካምሰ

(ሉቃ. 6:47-49)

24 “ኮም እስታ ቃለንም ኤስርሶ ፍክሰዘን ዐቅዝድባብ ሙደና፤ ይንታ ኤሄንም ሰይን ላዝንዘን ወጅባብ ኤችንም ካምዴ።

25 ደብነረ ቃንሴ፤ ሳፍነረ ሙርግዜ፤ ዘገነረ ዘግሶ፤ ኮትኮ ኤሄንም ዐቅሴ፤ ማታጋካ ዳት፤ ኤሄና ሰይን ላዝንዘን ወድምሳንካንታ ወቻክዬ።

26 ኮም እስታ ቃለንም ኤስርሶ ፍክሰዘን ዐቅዝዳክባብ ማቼ፤ ኤሄንም ሸምዘን ወጅባብ ዳቻ ኤችንም ካምዴ።

27 ደብነረ ቃንሶ ሳፍነረ ሙርግሶ ኮትኮ ኤሄንም ዐቅሴ ኤሄነረ ወቼ፤ ወችንተነረ ኮታ ገቅዝድንዳ ማቼ።”

የሱስታ ገችሰታ ኤራ

28 የሱስረ ከትኬና ሪንከሰም ኬዘሶ ክት በይሳንደትካ ዎርሰና ክታ ኤስሰንካ በርእሰኬ።

29 ከት በርእሳንደረ ኖ ሙሴታ ህግንም ኤስዝድባብከሰግንዳ ማታክዶቆ፤ ገችታ ኤራ ደቅድባብግንዳ ከትም ኤስዘድ ዐቃንጎኬ።

8

እጳ ሰቅምንክንባብታ ፋጭና

(ማር. 1:40-44፤ ሉቃ. 5:12-14)

1 የሱሰ ገቸንዘንካ ክት ዐገቸርድንካ፤ እንድር በድ ኤድንከሰ ክትም ጎርሰምሴ።

2 ኮትዐይካ ዋልቃ እጳ ሰቅምንክንባብ ኤች ዐድሶ ክትካንታ ጎሰትሶ “ጮይሰዮ! የሰ ሶልምደ እም ፋችካንታ ማዳየ” ጋይሴ።

3 የሱሰረ ይንታ እንንም ኦይትሶ ክትም ዐጪ፤ “እታ ጋይድቲ፤ ፋጭካ!” ክትም ጋይሴ። እጳ ሰቅምንክንባብረ ሳነካ እጳ ሰቅምናርንካ ፋጪ።

4 ኮታ ቡር የሱሰ፤ እጳ ሰቅምንክንባብ ኤችንም ኩን ጋይሴ፤ “ኮም ሪን ዐየንካንተረ ዐይከዜ፤ ኬዛርንካ ማቼ፤ ኦይሳዮ የሰታ ማተንም ቀስንካንታ ሰችካ፤ ማርካ ከታዘን ማተርንግንዳ፤ የሰታ ፋጭንተንካ ሙሳ ክትሳን እመንም እምካ” ክትም ጋይሴ።

የሱሰ ፖልሰንከሰም ገችዝድባብታ ፍክሰንባብም ፋችና

(ሉቃ. 7:1-10)

5 የሱሰ ቅፍራናሆም ካተመናር ክት ኦርደዳንደትካ፤ ዋልቃ ፖልሰንከሰም ገችዝድባብ ክደር ዐድሶ፤ ኩንጋየር ክትም ሞክሴ፤

6 “ጮይሰዮ፡ እስታ ፍክሰንባብና ዋብ ማትሶ፡ እንድር ማጥረር ኤሄናር ራትሶ ዶቅዴ” ጋይሴ።

7 የሱሰረ፡ “እታ ዐድስቶ ክትም ፋችትቲ” ጋይሴ።

8 ፖልሰንከሰም ገችዝድባብ ማቼ ጮይሰዮ! የና እስታ ኤሄናር እርድካንታ ዝግዝድን ኤድ ካይቲ፡ ኬዛርንካ ማቼ ዋልቃ ቃላ ዐዘክ ኬዝካ፡ እስታ ፍክሰንባብረ ፋጭተሬ፡

9 “እታ እስታ ማታርንካ እዘን ገችታ ኤራ ዶቅድባብከሰካንታ ክትምድባብቲ፡ እስታ ታመካ እከትም ክድባብ ዳምንባብከሰ ዶቅደኬ፡ ከታርንካ ዋልቀንም ‘አይካ!’ እ ክትም ጋይሴ አይዴ፡ አብንመረ፡ ‘ዐድካ!’ እ ክትም ጋይሴ ዐዴ፡ እስታ ፍክሰንባብመረ፡ ኮም ይካ እ ጋይሴ ይዴ” ኩንጋየር ማሰሴ።

10 የሱሰረ ኮም ይ ኤስርሳንደትካ በርእሴ፡ ክታ ካርንካ ጎርሰምድ ዐቅባብ ኤድንከሰም ኩን ጋይሴ፡ “ዶፈን የም ጋይድቲ ኮግንዳ እንድር አሜን ዶቅድባብ ዋልቃ ኤደረ እስራኤልንከሳርንካ ዐፋክቲ።

11 በድንከሰ ዐይታ ወትንታርንኬ ዐይታ እርድንታርንካ ዐይኬ፡ አብራሀመካ፡ ይሳቀካ፡ ያይቆበካ ክክን ጭላ ባንችማር እችምካንታ ዶቅተረኬ።

12 ኮ ባንችምን ተይ ዝግዝድባብከሰክ ዶቆ ማል ዶቅድን ግልድድ ኡምናር ኦይትምተረኬ። ኮታረረ ኤፍኬ እች ቅርጭካ ማተረ”።

13 ኮታ ቡር፡ የሱሰ ፖልሰንከሰም ገችዝድባብም “አይካ፡ የስታ አሜንንግንዳ የሰካንታ ማታ” ክትም ጋይሴ። ክታ ፍክሰንባብረ ኮት ሳእትንዘነረ ፋጮ።

የሱሰ በድ ሰቅምንክንባብከሰም ፋችና

(ማር. 1:29-34፤ ሉቃ. 4:38-41)

14 ኮታርንካ የሱሰ ጴጥሮስታ ኤሀር እርደዳንዐይካ ጴጥሮስታ በይስተና ዘና ሶልካ ሰቀርሶ ራችንካ ኮትም ሰጄ።

15 ኮታ እንንም ክት ዐጫንደትካ፡ ሳነካ ዘና ሶልነረ ኮትም ዛቅሰንካ ና ፋጮ፡ አምትዮ የሱሰም ሞካ የጄ።

16 ፍጮና ሶይቻንደትካ ኤድንከሰ ግምዘንካ የደርሰባብ በድ ሰቀርሰባብከሰም የሱሰደር ተይ ዐይኬ፡ ኖየረ ይንታ ቃልንካ ቱና ኢያንንከሰም ወችሴ፡ ሰቀርሰባብከሰም ሙዳ ፋችሴ።

17 ኮም ክታ ይተንካ ሳብዘንካ ኤስርሶ ኬዛቅባብ ኢሰያስካ፡ “ኖ ዋንታ ዐዝምንም ተይ፡ ዋንታ ሰቅምንመረ ባልሴ” ጋይምሶ ኬዝምሳን ቤርና ቦድምሴ።

የሱስታ ካርንካ ጎርሰምድባብከሰም የልድን ማጣ

(ሉቃ. 9:57-62)

18 የሱስ በድ ኤድንከሰ ክታ ካንተንካ ሳንምሳን ይ ሰዳንደትካ ባሀርንታ 4ማ ከት ቃልድንግንዳ ይንታ ካርንካ ጎርሰምድባብከሰም ክትሴ።

19 ኮታ ቡር ዋልቃ ሙሴታ ህግንም ኤስዝድባብ፤ የሱሰደር ዐድሶ፤ “ኤስሰንባቦ፤ የሰ አይድን ካሪ ሙደናር እታ የሰም ጎርሰምድቱ” ጋይሴ።

20 የሱሰረ “ደበንንከሰታ ጎር ዶቅዴ፤ ጭለዘን ፈድን አፍትንከሰካንተረ ከት ሳንምድንደታ ኤሀ ዶቅዴ፤ ኤድ ይንቶካንታ ማቸ ይንታ ማተንም ዋራ ዐጪስዝድንደታ ካሪ ካዬ” ጋይሶ ክትካንታ ማስሴ።

21 ከት ካርንካ ጎርሰምድባብከሰካርንካ ዋልቀና “የባቦ እርናና አይሰቶ እባብም እ ዳግድንግንዳ ጋይካ” ጋይሴ። *

22 የሱሰረ “የና እም ጎርሰምካ፤ ደእሰባብከሰም ማቼ ደእሰባብ ዳግድንግንዳ ከትም ዛእካ” ጋይሴ።

የሱስ ባሀርንታዘን ዞግንም ሰምሳ ይሴ

(ማር. 4:36-41፤ ሉቃ. 8:22-25፤ ማቶ. 14:22-23)

23 የሱሰረ ሎቀንዘንካ ቃልዝድን ጃልበናር አርድንካ፤ ክታ ካርንካ ጎርሰምድባብከሰ ክትም ጎርሰምሰኬ።

24 አንድር ቡርበች ዞገና ባሀርንዘን አምሳንካንታ ሎቀንዘን ዞገና ጃልበንም ሎቀናር ኤቅዝሰካንታ የልሴ፤ የሱስ ማቼ ራትሶ ዐቋ።

25 ክታ ካርንካ ጎርሰምድባብከሰረ የሱሰደር ዐድሰኮ፤ “ጮይሰዮ! ዋታ ካይታ ይዶቴ ዋም አቅሰካ!” ጋይሰኮ ክትም ንግሰኬ።

26 ኖየረ፤ “የንታ አሜን ዞገርሰባብከሰ! ዐረተንት ጳዝዳ?” ኬትም ጋይሴ። ኮታ ቡር የሱስ አምሶ ሎቀንዘን አምሳን ቡርበችንምኬ ባሀርንም ዋጮ፤ ኮታዘንከረ አንድር ሰምን ጋይሴ።

27 ኤድንከሰረ በርእሰኮ፤ “ባሃርንምኬ ባሀርንዘን አምድን ዞገና ክትካንታ ክትምድባብ ኖኮና ኤችና ዐይራ?” ጋይሰኬ።

የሱስ ግምዘካ የድምሰባብ ቃሰተን ኤድን ፋችና

(ማር. 5:1-20፤ ሉቃ. 8:26-29)

* 8:21 ዳግድንግንዳ ጋይንትና ባበንም ደእተርን ከካ አላካንታ ጋይሶ ማዴ ኩን ጋይድንዳ ካምዴ

28 የሱስ ገሊላ ባህርንም ቃልሶ፤ ገርገሰኛን ፍጫር ክት ማታገድትካ፤ ግምዘካ የደርሰባብ ቃሰተን ኤድንከሰ ዱክ ደቅድን ካርያርንካ ዉትሶ ማፈርሰኬ፤ እንድር ማእዘድባብ ከት ማታገድትካ ማየኑ ኤድ ኮት ጎግንካ ሰግዳክ ማቆ።

29 ከተረፈ፡ “የና ሳብታ ይንችኖ፤ ዋንካክክን የሰታ ማቆ ደቅዳ? ሰጪና የላክናና ዋም ማእሰካንተሰ ማቆ?” ጋየረኮ ፍፍሰኬ።

30 ከታዘንካ ቶክም ጎተርሳን ካርዘን በድ ጉድምንከሰታ ዉዳ ግሰምድ ማቆ።

31 ግምዘንከሰረ “የሰ ዋም ዉቕዘድንዳ ማቆ፤ ዋደ ኦኮ ጉድምንከሰታ ዉደናር ዋም ኦይትካ!” ጋየረ ምክሰኬ።

32 የሱሰረ “ኦይከቴ!” ኬትም ጋይሴ። ኮካንተረ ኤድንከሳርንካ ዉትሶ ጉድምንከሳር አይሶ አርደደኬ። ጉድምንከሰረ ሙዳ ከታ ይ ደቅድን ገችንታ ዱረንዘንካ ታድምሶ ባህርንታ ዋር ኤቅዘምሰኮ ደእሰኬ።

33 ጉድምንከሰም ግዘድባብከሰረ ማዘሶ ኦሰ ካተመናር አርድሰኮ ሙዳ ርን ኬዘኬ፤ ግምዘንካ የደርሳን ኤድንከዘን ይይምሳን ርን ኬዘኬ።

34 ከታ ቡር ካተመናር ኤድንከሰ ሙዳ የሱሰም ሰድንካንታ ዉተደኬ፤ ክትም ከታ ይ ሰዳንደትካ ከታ ፍጫናርንካ ዉትሶ ክት አይድንግንዳ ክትም ምክሰኬ።

9

የሱሰ ዋብ ኤችንም ፋችና

(ማር. 2:3-12፤ ሉቃ. 5:18-26)

1 ኮታ ቡር የሱሰ ባሃርንዘንካ ቃልዘድን ጃልበናር አርድሶ ባህርን ቃልሶ ይንታ ገታ ካተመናር ማቆ።

2 ኮታረረ ኤድንከሰ ሰለዘን ራችባብ ዋልቃ ዋብ ኤችም ባልሰኮ ክደር ተይወደኬ። የሱሰረ ከታ አሜንንም ሰድሶ፤ ዋብ ኤችንም “እሰታ ይንችኖ! ዳእካ፤ ጎመና የሰታ ነገቴ” ክደር ጋይሴ።

3 ኮታይካ ዋልቃ ዋልቃ ሙሴታ ህግን ኤሰዘድባብከሰ፡ “ኮና ኤችና ሳብም የግዴ!” ጋየረኮ ይንታ ቡዳር ገቀርሰኬ።

4 የሱሰረ ከታ ገቅርንም ኤሰሶ፤ ኩን ክደር ጋይሴ፤ ማረካንተንት ኮም ዳቅል ሪን የንታ ቡዳር ገቀርዳ?

5 ይና ጎመና የሰታ ነጋ ጋይምቴ ጋይንተዘንኬ አምሳዮ አይካ ጋይንተዘንካ ዐዎና ኡርዳ?

6 ኬዛርንካ ማቼ “ኤድ ይንቶ ፍጨዘን ጎመንም ነክሰካንታ ገችታ ኤራ ክታ ዶቅድንደትም የ ኤስተርንግንዳ” ዋብ ኤችን “አምሳዮ የሰታ ሰለንም ባልሰዮ የሰታ ኤር አይካ” ክትም ጋይሴ።

7 ኤችነረ አምሶ ይንታ ኤር አይሴ።

8 ዋርሰነረ ኮም ከታ ይ ሰዳንደትካ በርእሰኬ፥ ኮግንዳ ዶቅድን ገችታ ኤራ ኤድካንታ አምሳንኦል ሳብም ጋለቸኬ።

የሱሰ ማትዮሰም ኤልና

(ማር. 2:13-17፤ ሉቃ. 5:27-32)

9 የሱሰ ኮት ካርናርንካ አምሶ ክት አይድንካ ማቶሰ ጋይምሰባብ ቃረጭ ተችዝድን ካርዘን ክት ዶቅድንካ ሰድሶ “እም ጎርሰምካ” ክትም ጋይሴ ኖየረ አምሶ ክትም ጎርሰምሴ።

10 ኮታ ቡር የሱሰ ማቶሰታ ኤሪ እችምካንታ ዶቅሶ ዶቅድንካ ቃረጭን ተችዝድባብከሰከ ጎመንባብከሰ በድና ኮታር ዐድሰኮ የሱሰደርኬ ክታ ካርንካ ጎርሰምድባብከሰካ ክክን እችምካንታ ዶቅሰኬ።

11 ፈረሳዊያንንከሰረ ኮም ሰድሰኮ ክታ ካርንካ ጎርሰምድባብከሰም “የንታ ኤስሰንባብ ቃረጭን ተችዝድባብከሰኬ ጎመንባብከሰካ ክክን ዐረተክ እጅዳ?” ከደር ጋይሴ።

12 የሱሰረ ኮም ኤሰርሶ፥ “እክም ዝግዝድንዳ ሰቀርሰባብከሰም ዳት ኡርመንከሰካንታ ዝክሳዬ።

13 አይከቴ ‘እ ዝግድንዳ አብንካንታ አትርንም ዳት ካሲንም ካዬ’ ጋይምሶ ጸፍምሳንዳ ዐስጋይንት ማቸረ ማሰት ሰድንተካ ገቀርት ተይከቴ። እ ዐዳንዳ ጭልንከሰካንታ ማታክናና ጎመንባብከሰም ኤልካንቴ” ኩን ከደር ጋይሴ።

በቼካ ምክሰጎካ ኦይሰምሳን ኦይሰ

(ማር. 2:18-22፤ ሉቃ. 5:33-39)

14 ኮታይካ፥ ዮሀንሴታ ካርንካ ጎርሰምድባብከሰ የሱሰደር፥ “ዋንኬ ፈረሳውያን ኤድንከሰ ሙዳዐይካ በቼካ ምግዝድቴ፥ የሰታ ካርንካ ጎርሰምድባብከሰ ማቼ ከት በቼካ ምግዝዳክንዳ ዐረተረ?” ጋይሰኮ ኦይሰኬ።

15 የሱሰረ “እንቸንባብ ከትካ ክክን ደቅድንካ እስናርንባብከስ ሞርእ ከትም ዝግዝዶ? ኬዛርካ ማቼ እንቸንባብ ከታዘንካ ተይምድን ሰጫ ዐጺ ኮትዐይካ በቼካ ምግዝደኬ።

16 ገሰርሳን አፍለዘን ክለንታ ተቕምን ዛግድባብ ዐየነረ ካዬ፤ ዘን ኮት ዛግድንዳ ማቼ ክለንታ ተቕምና ገሳ አፍለንም ፎጭሶ ዐእምንም ሰግሰሶ ዳልግዝደ።

17 ኮት ኮግንደረ ገሰርሳን ሎቀታ ሱልፈንካ ክላ ዋይን ጨጸርሳንደትም ዋድባብ ዐየነረ ካዬ ኮና ይይምሳን ማቼ ሱልፈና ፋእደ ዋይንነረ ጨጸርሳንደረ ወልእምዴ፤ ሱልፈነረ ባድሶ መይዳክንዳ ማዴ። ኬዛርካ ማቼ ክላ ዋይን ጨጸረሳን ክላ ሱልፈናር ዋድ ዝግዝደ፤ ኮግንደካ፤ ቃሰተነረ ኡርመካ ካርሰምስኮ ደቅተረኬ” ኩንጋየር ከትካንታ ማሰሴ።

እየርሰታ ይንቕንጎኬ የሱስታ አፍለን ዋልሳን ኤተንንጎካ
(ማር. 5:21-43፤ ሉቃ. 8:40-56)

18 የሱስ ኮም ከትካንታ ከዛደቅድንካ፤ ዋልቃ አይሁድንከሰም ገቕዝድባብ ክደር ዐጵሶ፤ የሱስታ እሪ ጉምፈርሶ፤ “ይና፤ እስታ ይንቕና ታ ደእሴ፤ ኬዛርካ ማቼ የና ዐጵሶየ የስታ እንን ኮታዘን የስ ዋጂ ና ሰንጥካ ማተረ” ክደረ ጋይሴ።

19 የሱሰረ እምሶ ኤቕንታ ካርካ አይሴ፤ ክታ ካርንካ ጎርሰምድባብከሰረ ክትካ የካ አይሰኬ።

20 ይና፤ ታመከ ቃሰተን ሰላ ሙዳ ማቀሰ ኮታ ወልእምድንካ ማጠርድ ዐቃን ዋልቃ ኤተን፤ የሱስታ ቡርጎካ ዐጵሶ ክታ አፍለንታ ካንተንም ዋልሴ።

21 ኮመረ ኮት ይሳንዳ “ክታ አፍለንም ዐክ ዋራ እ ዋልሳና እታ እቅድቲ” ጋይሶ ይንታ ቡዳር ኮት ገቀርሳንካንቲ።

22 የሱሰረ ዋልን ጋይሶ ኮትም ሰድሶ “ዳእካ እስታ ይንቐኖ! የስታ አሜንና የስም እቅሰቲ” ኮደር ጋይሴ። ኤተነረ ሳነካ ፋጩ።

23 ኮታ ቡር የሱስ አይሁድንከሰም ገቕዝድባብታ ኤሪ ክት የልድንካ ሞርእካ ፍቼን ፋገረኮ ኦስኬ ፈንካ ፍፈር ኤብድን ኤድንከሰም ሰዴ።

24 ኖየረ “የታ ሙደና ካርንካ ወትከቲ! ይንቐንና ግንእሳ ዳት ደእክዬ!” ኮደር ጋይሴ። ኬታ ማቼ ዐልተርካ ክታዘን ይንጨኬ።

25 ኤድንከሰ ኤሄናርንካ ወተዳንደታ ቡሪ፤ የሱስ ይንቐንን ደቅድን ካርናር አርድሶ ኮታ እንንም የጄ፤ ይንቐንነረ እምሴ።

26 ኮና ይይምሳንዳ ኮት ፍጨናር ሙዳ ኤሰምሴ።

የሱስ ቃስተን አፍይ ዘልንከሰም ፋችና

27 የሱስ ካርንኮታርንካ አምሶ ክት አይድንካ አፍይ ዘልንከሰ ቃስተንና ክትም ጎርሰምሰኬ፤ ከተረ “ዳውተታ ይንችኖ! ዋደ ዋም አጨርካ!” ጋየረኮ ፍብድ ዐቀኬ።

28 የሱስ ኤሄናር ክት አርደዳንደትካ አፍይ ዘልንከሰ ክደር ዐደኬ፤ ኖየረ “እታ ኮም እ ይድንደትም የታ አመንደቴ?” ከደር ጋይሴ። ከተረ “ይዬ፤ የ ጮይሰኖ!” ጋየረኮ ክደር ማሰሰኬ።

29 ኮታ ቡር የሱስ ከታ አፍንከሰም ዐጭሶ “የንታ አማንንግንዳ የካንታ ማታ!” ከትም ጋይሴ።

30 ከታ አፍንከሰረ ፎችምሰኬ፤ “የሱሰረ ኮም ሪን ዐየንካንተረ ዐይከዘቴ!” ጋይንተካ ዳቅሰሶ ከትም ክትሴ።

31 ከታ ማቼ አይሰኮ ኮታር ደቅድን ፍጫ ሙደናር የሱሰታ ፍክሰንካ ኬዘኬ።

የሱስ ዋልቃ አፋ ኬዘዳክባብ ኤችን ፋችና

32 አፍና ከታ ፎችምሰባብ ኤድንከሰ ዉትሰኮ ከት አይሳንደትካ አብ ኤድንከሰ ግምዘካ የደርሰባብ ዋልቃ አፋ ከዘዳክን ኤችም የሱሰደር ተይ ዐደኬ።

33 ግምዘና ክታዘንካ ዉተዳንደትካ አፋ ከዘዳክን ኤችና ኬዜ፤ ዋርሰነረ “ኮግንዳ ር እሰራኤልንከሳር ቦድሶ ሰድምሶ ኤሰማዬ!” ጋየረኮ በርእሰኬ።

34 ፈረሳውያንንከሰ ማቼ፤ “ክት ግምዘን ዉችዘድንዳ ግምዘንከሰም ገችዘድባብኬ” ጋይሰኬ።

የሱስ ዋርሰንካንታ ቡዳርንካ አትርና

35 የሱሰረ አይሁድንታ ምክሰ ኤሄናር ኤሰሰሮ፤ ሳብ ባንችምታ ክላ ኬዘን ሳባከሮ፤ ዋርሰንም ሰቅምናርንኬ፤ ዐዘምናርንካ ሙዳ ፋችሰሮ፤ ካተመንከሳርኬ ሞረንከሳር ሙዳ ኦንገሮ ዐቁ።

36 ዋርሰና ማቼ ግሰመንባብ ካየን ቆልንከሰግንዳ ማጠርሰንደትከ ዛቅምሶ ከት ደቅድንደትም ሰድሶ ከትካንታ ሞርእሴ።

9:34 ማቶ. 10:25፤ 12:34፤ ማር. 3:22፤ ሉቃ. 11:15። 9:35 ማቶ. 4:23፤ ማር. 1:39፤ ሉቃ. 4:44። 9:36 ፋይ. 27:17፤ 1 ባንቺ. 22:17፤ 2 ሳሙ. 18:16፤ ሕዝ. 34:5፤ ዘካ. 10:2፤ ማር. 6:34።

37 ኮካንታ ይንታካርንካ ጎርሰምድባብከሰም፤ “ሰከርድንዳ በድዬ፤ ሰክድባብከሰ ማቼ ቶክመኬ።

38 ይና ፍክሰንባብከሰም ሰክንካንታ ኦይድንግንዳ ሰከርድንደታ ጮይሰንም ምክሰከቲ” ኩን ከትካንታ ጋይሴ።

10

ታመኬ ቃሰተን ኦይትምሰባብከሰ

(ማር. 13:16-19፤ ሉቃ. 6:12-16)

1 የሱሰ ታመኬ ቃሰተን ይንታ ካርንካ ጎርሰምድባብከሰም ይንደር ኤልሶ፤ ቱና ኢያንነከሰም ከት ወጅድንግንዳ፤ ሰቀርሰባብከሰምኬ ዐዝምክንባብም ሙዳ ከት ፋጅድንግንዳ ገችታ ኤራ ከትካንታ እምሴ።

2 ታመኬ ቃሰተን ኦይትርሰባብከሰተረ ላምና ኬኔ፤ እርምሶ ጴጥሮሰ ጋይምሰባብ ሰምኦንኬ ክታ እሰመን እንደራሰካ፤ ዛብደሰታ ይንችንከሰ ያይቆበኬ የሀንሰካ።

3 ፍልጾስ፤ በርቶሎመዎስ፤ ቶማስ፤ ቃረጭን ተችዝድባብ ማቶስ፤ እልፎስታ ይንች ያይቆብ ታደዎስ።

4 ይንታ ፍጨንካንታ ገቀርድባብ ሰምኦን፤ ሰክሰት እምሰባብ አሰቆሮንት ይሁዴ። *

ታምኬ ቃሰተን ኦይትምሰባብከሰም ኤሰሰካንታ ኦይትምና

(ማር. 6:7-13፤ ሉቃ. 9:1-6)

5 የሱሰ ከትከም ታመኬ ቃሰተን ኦይትምሰባብከሰም ኦይቹ፤ ኩነረ ጋይሶ ከትም ክትሴ፤ እይሁድ ማታክባብከዝደር ዐይ እየቲ፤ ሳማርያ ካተመንከሳር ዐይ አርደቲ።

6 ሰግሶሶ ቆልነከሰግንዳ ካይድባብ እሰራኤል ዋርሰንደር አይከቲ።

7 እይሰቶ ጭላ ባንችምና ቅንችቲ ጋየረቶ ሳባከቲ።

8 ሰቀርሰባብከሰም ፋችከቲ፤ ደእሰባብከሰም እምሰከቲ፤ እጸ ሰቅምንክንባብከሰመረ ፋችከቲ፤ ግምዘንከሰመረ ወችሰከቲ፤ ወች የ ተያንደትም ወች እምከቲ።

9 ዋርቃ እነረ ዱንድ እነረ ጋይካ ኡርሰርሳን ብራ የንታ ክሰያር ዐይ የደቲ።

9:38 ሉቃ. 10:2።

*

10:4 አሰቆሮንት ይሁዳ ኮ ቃለንዘን ቃሰተን ገቅር ዶቅዴ። 10:7 ሉቃ. 10:4-12።

10 ፍክሰንባብከሰካንታ እቶም ዝገዝድንዳ ማቻንካንታ የንታ ጎግንካንታ ሱልፋ፥ ሰጥመካ ሳምዝ፥ ጫማ ጉፈረ ዐይ ይደቱ።

11 የ አርድን ካተመናር እነረ ሞረናር፥ የም ሞግድባብ ዐይዳንረ ኡርሰት ኤሰከቱ፥ ካርን ኮትመረ ዛቅሰቶ የ ዉተርን የለልታ ክትካ ክክን ዶእከቱ።

12 ኤታ ኤር አርደቶ አበቶ ጋይከቱ።

13 ኤሄና የ አበቶ ጋይድንካ ሞግድባብ ማቼ የንታ አቦና ክትም የላጋካ፥ ሞግዳክባብ ክት ማቼ የንታ አቦና የካንታ ማታ።

14 ዐየንረ ኤድ የም ሞግዳክባብ እነረ የንታ ቃለንም ኤሰርዳክባብ ማቼ ኮትኮ ኤሄን እነረ ካተመን ዛቅሶ ዉደቶ ክትካንታ ኤግዘምሰ ማድንግንዳ የንታ ዲትታ ቡልንም ድንግሰከቱ።

15 ዶፈን የም ጋይድቱ፥ ፍርዳ ሰጨንካ ኮትኮ ካተመንዘንካ ሰግሰሶ ሶዶም ካተመንካንተከ ገሞራ ኤድንከሰካንታ ዋጭና ቶግዴ።

ዐድን ማጠከ ዳይርካ

(ማር. 13:3-13፤ ሉቃ. 21:12-17)

16 “ኮሰቸቱ! ቆልንከሰግንዳ ጋርመንከሰታ ዎክያር የም እይትቱ፥ ኮካንታ ጉንግግንዳ አጋ፥ ዎለንግንዳ ቡዳር ዳቅል ካየንባብ ማትከቱ”።

17 ኤድንከሰ የም ፍርደን እምድባብከዘደር ሰክሰት እምተረኬ፥ እይሁድንከሰ ይንታ ሞክሰ ኤሄንከሳር የም ዐርተረኬ፥ ኮካንታ ኤድንከዘንካ ካርሰምከቱ።

18 እኅካ፥ ፍጨን ቆልድባብከዘደርኬ ባንቶምንከዘደር ፍርዳካንታ የ ተይ እይምድንካንታ ከትኬ እይሁድ ማትክባብከሰታ እሪ እሰታ ማርከንከሰ ማተረቱ።

19 ኤድንከሰ ፍርደን እምድባብከዘደር የም ተይዐድንካ የ ኬዘድን ሪ ኮትኮ ሳዓትንዘን የካንታ እምድንካንታ ዐስግንዶንት እነረ ዐድንት ኬዘቱ? ጋይሰቶ ገቅርካ ዐይማጠረቱ።

20 የንታዋር ዶቅሶ ኬዘድባብ ጭላር የንታ ባቤን ሳብንታ እያንና ዳት የታ ካየቱ።

10:10 1 ቆር. 9:14፤ 1 ጠዓ. 5:18።

10:14 እይት. ፍ. 13:51።

10:15 ማቶ. 11:24፤ ፍዝ. 19:24-29።

10:16 ሉቃ. 10:3።

10:17

ማር. 13:9-11፤ ሉቃ. 12:11-12፤ 21:12-15።

10:20 ማር. 13:12፤ ሉቃ.

21:16።

21 ኤድ ይንታ ገታ እስመንም ደእካንታ ሰክሰት እምተሬ፡ ኮትኮገንደረ ባቤና ይንታ ገታ ይንችንም ደእካንታ ሰክሰት እምተሬ፡ ይንችንከሰረ ይም እጭባብከዘን ይምኤንባብ ማትሰኮ እምተረኬ፡ ደእካንተረ ሰክሰት ከትም እምተረኬ፡

22 እኅካ ኤድ ሙደንታ ላመር የታ ሰሰምሰባብ ማተረቴ፡ ኬዛርንካ ማቼ በእንታ የለልታ ዳቅሶ ዋእድባብ እቅተሬ፡

23 ዋልቃ ካተማር ማጣ የንዘን በጅድንካ፡ ኦሰ አብናር አጥምከቴ፡ ዶፈን የም ጋይድቴ ኤድ ይንች ማት ዐተርን የለልታ እሰራኤልንከሰታ ካተመንከሰም ሙዳ የንታ ፍክሰንም የልሳየቴ፡

24 ኤሰካንታ ዝግድባብከሰ ኤሰዝድባብዘንካ ሰጋየ፡ ፍክሰንባብና ይንታ ማታ ቆልሰባብዘንካ ሰጋየ፡

25 ኮካንታ ኤሰካንታ ዝግድባብ ይንታ ኤሰሰንባብግንዳ፡ ፍክሰንባብረ ይንታ ማተን ቆልሰባብግንዳ ማቼ ክትም ማዴ፡ ኤሄንታ ባቤንም፡ ብኤልዘቡል ጋይሶ ክትም ከት ኤልሴ ክታ ኤሀ ኤድንከሰም ኮዘንካ ቦርድን ላምካ ዐስግንዳ ኤላይንዳ!

ዐይም ጳስ ዝግዝዳናንከረ

(ሉቃ. 12:4-7)

26 ይና ኤድንከሰም ዐይ ጳስቴ፡ ክጭምሳንዳ መያ ማት ነገዳክዬ፡ እችምሳንደረ ኤሰማክዶቆ ነጋዬ፡

27 ኮካንታ እ የም ኡማር ኬዘድንደትም፡ የታ ሳክማር ኬዘከቴ፡ ዋክሰምካ የ ኤሰርሳንደትም ጨክን ጋይሳን ካርዘን ሳባከቴ፡

28 ዋሄንም ደይሰዘንካ ሰግሶ ሰንፔንም ደይሳካንታ ማዳክባብ ኤድንከሰም ዐይጳስቴ፡ ሰክሰሰረ ሰንፔንምኬ ዋሄንም ድግዳክን ኖሄናር ካይሰካንታ ማድባብ ጮይሰንካንታ ጳሰከቴ፡

29 ቃሰተን እፍት ሰልንከሰ ዋልቃ ባከነካ ሰንምደክካዮ? ማታጋካ ዳት፡ ጭላር የንታ ባብና ጋያክናና ዋልቃ ሰልና ዋራ ፍጨዘን ዋቻዬ፡

30 የንታ ማቼ ማተታ ሰጭና ዋልቃ ዋልቀና ዋራ ፋይድምሳንዴ፡

31 ይና የታ ማቼ በድ ሰልንከዘንካ እንድር የ ሰገድንካንታ ቦድሶ ዐይ ጳስቴ፡

10:22 ማቶ. 24:9፤13፤ ማር. 13:13፤ ሉቃ. 21:17፡፡ 10:24 ሉቃ. 6:40፤

የሀ. 13:16፤ 15:20፡፡ 10:25 ማቶ. 9:34፤ 12:24፤ ማር. 3:2፤ ሉቃ.

11:15፡፡ 10:26 ማር. 4:22፤ ሉቃ. 8:17፡፡

ክርስቶስኅካ ማርክር ዝግዝድንዳ ማትና

(ሉቃ. 12:8-9)

32 “ኤታ እሪ እካንታ ይ ማቻንደትም ማርክርድባብ ሙደንካንታ፡ እተረ ጭላር ዶቅድባብ እስታ ባቤንታ እሪ ማርክርትቴ፡

33 ኤታ እሪ እም ካድባብም፡ ሙደ እተረ ጭላር ዶቅድን እስታ ባቤንታ እሪ ክትም ካድቴ።

ሳራትቶ ማታክናና ፋሰሜ

34 እ ዐዳንዳ፡ ሳራትቶንም ፍጨዘን ተይዐድካንታ ዐዳን የም ዐይካማ፡ እታ ፋሰምን ዳት ሳራትቶን ተይዐድካንታ ዐዳክቴ።

35 እ ዐዳንዳ፡ አኅና ይንቶና ባቤንታዘን፡ ማና ይንቶና እንደንታዘን፡ ይንቶንታ ኬንና ይንቶንታ እንደንዘን ይምኤንባብ ማሰሶ አምሰሰካንታ።

36 ኮካንታ ኤታ ይምኤንባብከሰ፡ ገታ ከታ ኤሀ ኤድንክሰ ማደኬ።

37 እዘንካ ሰክሰሶ ይንታ ባቤንም አነረ ይንታ እንደንም ሶልምድባብ፡ እካንታ ማት ክትም ዝክሳዬ፡ እዘንካ ሰክሰሶ ይንታ አኅና ይንቶን አነረ ይንታ ማናይንቶን ሶልምድባብ እካንታ ክትም ማት ዝክሳዬ።

38 ይንታ ገታ ማዝቀልን ባልሶ ደእ የለልታ እም ኀርሰምዳክባብ እካንታ ማት ክትም ዝክሳዬ።

39 ይንታ ሰንፔንም እቅሰካንታ ዝግድባብ ሙደና ኮትም ካይዘዴ፡ ይንታ ሰንፔንም እካንታ ካይዘድባብ ሙደና ማቼ ኮትም እቅዘዴ።

ናክንም ተይኅካ ኤሰሰና

(ማር. 9:41)

40 “የም ሞግድባብ እም ሞግዴ፡ እም ሞግድባብ እም ኦይቶባብ እስታ ባቤንም ሞግዴ።

41 ሳብዘንካ ኤሰርሶ ኬዘድባብም ሳብዘንካ ኤሰርሶ ኬዘድባብታ ላምንካ ሞግድባብ ከታ ናክንም ዐፍተፊ፡

10:33 2 ጢማ. 2:12። 10:36 ሚክ. 7:6። 10:38 ማቶ. 16:24፤ ማር. 8:34፤ ሉቃ. 9:23። 10:39 ማቶ. 16:25፤ ማር. 8:35፤ ሉቃ. 9:24፤ 17:33፤ ዮሀ. 12:25። 10:40 ማር. 9:37፤ ሉቃ. 9:48፤ 10:16፤ ዮሀ. 13:20።

ጭልንመረ ጭልንታ ላምካ ሞግድባብ ጭልንታ ናክንም
 ዐፋተፊ።

42 ደፈን የም ጋይድቴ፥ እስታ ካርንካ ጎርሰምድባብ ክት
 ማቸንካንታ፥ ከትኬና መረንከሳርንካ ዋልቃባብካንታ ዋልቃ
 ቡርጭቀካ ሎቃ እምድባብ ኤድ ይንታ ናክንም ዐፋክሳ ነጋዬ።”

11

ስእሰንባብ የህንሰደርንካ የሱሰደር ክተን ተይዐድባብክስ
 (ሉቃ. 7:18-35)

1 የሱሰ ታመኬ ቃሰተን ይንታካርንካ ጎርሰምድባብክሰካንታ
 ከትከ ክተንከሰም ይ እምሳን ቡር ኮትኮ ካርንም ዛቅሶ ቅንቶ
 ዐፈርድን ካተመንከሳር ሳባክካንተኬ ኤሰሰካንታ እይሴ።

2 ስእሰንባብ የህንሰ ዞክና ኤሄናር ዶቅድዮ ክርሰቶሰታ
 ፍክሰን ኤሰርሶ ይንታ ካርንካ ጎርሰምድባብከሳርንካ ቃሰተንን
 ኦይትሶ።

3 “ኖ ዐይ ይምሰባብ ክርሰቶሰ የኖ? እና ኡብኖንት
 ካርሰተር?” ጋይሶ የሱሰም ኬት ኦይሰተርንግንዳ ይሴ።

4 የሱሰረ፥ “ኦይሰቶ የ ሰዳንደትምከ የ ኤሰርሳንደትም ሙዳ
 የህንሰካንታ ኬዘከቴ።

5 ኮሰቸቴ፥ እፍ ዝልንከሰ ሰተረኬ፥ ዎከልዎከል ጋይድባብክስ
 ኡርመካ ሙክተረኬ፥ እጳ ሰቅምንክንባብከሰረ ፋጭተረኬ
 ቃም ቱንንከሰረ ኤሰርተረኬ ደእሰባብከሰረ እምደኬ
 ሪካየንባብከሰካንተረ ክላ ኬዘና ሳባክምተረ።

6 እም ዐፈርዳክባብ ሙደና እንጅምሰባበኬ” ኩንጋየር
 ከትካንታ ማሰሴ።

7 የህንሰታ ክተን ተይዐድባብክስ እይሳንደታ ቡር፥ የሱሰ
 የህንሰንካ ኩን ጋይሶ ዋርሰንካንታ ኬዛ የጄ፥ “ይና ዐፈ
 ሰድንካንተንት ኮ ዴል ቆቸናር ወተዳሬ? ዘገካ ሶግድን
 ሱንባቀን ሰድንካንቶ?

8 ጉጅሰረ ኡብ ዐፈ ሰድንካንተንት ወተዳሬ? ላቅምድን
 እፍለን ቆበርሰባብ ኤድም ሰድንካንቶ? ላቅም እፍላ
 ቆበርድባብ ባንቶምንከሰታ ኤሄናር ዐፈርደኬ።

9 ይና፥ ዐፈካንተንት ወተዳሬ? ሳብዘንካ ኤሰርሶ
 ኬዘድባብም ሰድንካንቶ? ይዬ፥ ኮትኮግንደረ ሳብዘንካ

ኤስርሶ ከዝድባብዘንካ እንድር ሰገድባብም ሰድንካንተ የም
ጋይድቴ።

10 ኖ ‘ይና፥ የሰታ እሪ እሪ አየር፥ የሰታ ጎግንም ግግዝድባብ
እሰታ ክተንም ተይሶ አይድባብም የሰታ እር ኦይትቴ’ ጋይምሶ
ክትካንታ ጭል ማጻፍናር ጸፍምሰባቤ።

11 ዶፊን የም ጋይድቴ ማነንከሰ አጭባብ ኤድንከሰታ
ዎክያርንካ ሰእሰንባብ የሆነሰዘንካ ሰግድባብ አማክዬ።
ኬዛርንካ ማቼ ጭላ ባንቶማር እንድር ሰገድባብ ኖ ፍጨዘን
ቶክማ ጋይምሰባቤ።

12 ሰእሰንባብ የሆነሰታ ሰለንዘንካ የድሶ ታካ የለልታ ጭላ
ባንቶምና ዝግምዶቃየ፥ ዳቅሶሶ ዝግድባብከሰ ማቼ ኮትም
ዐብደኬ።

13 “ሳብዘንካ ኤስርሶ ኬዛቅባብ ሙደንታ ኤሰሰንኬ
ሙሴካንታ እምምሳን ህግና ሰእሰንባብ የሆነሰ የለልታ ቤርካ
ከዘተኬ።

14 ይና ከት ኬዛንደትም ተይካንታ የዝግዘ፥ ኖኮና ዐዴ
ጋይምሰባብ ኤላሰ የሆነሰ።

15 ቃም ዶቅድባብ ኤሰራ!

16 “ኬዛርካ ማቼ ኮ አጥርንከሰም ዐረክሰ ካምሰቴ? ጋበታ
መለንዘን ዶቅሶኮ ክክ ኤልድን ይንቶንም ካምደኬ።

17 ‘አንዳለንም የካንታ ፋግዞቴ የታ በይዳከቴ! ሳቶሶቴ የታ
ኤፋከቴ!’ ጋይድን ይንቶንከሰም ካምደኬ።

18 ኮትኮግንደረ ሰእሰንባብ የሆነሰ ዐዳንደትዐይካ እቶምን
እቶክሳ ወይን ዎጭምን ዎጭክሳ ዐድንካ፥ ‘ኮና ክታዘን ግምዛ
ዶቅዴ!’ ክትም ጋይሰኬ።

19 ኤድ ይንቶ እቸሮ ዎጨሮ ዐዴ ‘ይና! ኖኮና
በድ እቶምንኬ ዎጭምም ሶልምድባቤ! ቃረጭን
ተቶዝድባብከሰተኬ ጎመንባብከሰተረ ኮቶዬ!’ ክትም
ጋይሰኬ። ማቶንከረ ኤጨታ ዶፊንና ማቼ ይንታ ፍክሰንካ መያ
ማዴ።

ጎማ ይንታ ፍክሰን ዎይሳክን ካተመንከሰታ ዎቀሰምና
(ሉቃ. 10:13-15)

20 ኮታዘንከረ የሱስ አብ ካተመንከዘንካ ሰግ በድ አተንከሰም ይ ፍክሳን ካተመንከሰም፥ ጎማ ፍክሰን ከታ ይንታ ዎይሳክንካንታ ኩንጋየር ከትም ዎቀሰ የጃ፥

21 “ኮራዝኖ የሰም የኤ! በቴሳይዶ! የሰም የኤ የንካ ይይምሳንዳ አተና ጥሮሳርኬ ሲዶና ካተመንከሳር ይይምተሰናና ኮታር ዶቅድን ኤድንከሰ ሞርእታ እፍላ ቆበርሰንደትኬ ማል ሳየርሶ ኤና እርናና ከታ ይንታ ጎማ ፍክሰን ዎይዝደክደቆ።

22 ኮካንታ እታ የም ጋይድቴ ሳብታ ፍርዳ ሰጨንካ፥ የንዘንካ ሰግ ጠሮሳርኬ ሲዶና ካተመናር ዶቅድ ዐቅባብከሰካንታ ዋጭና ከታዘን ቶግዴ።

23 የነረ ጭላር የለልታ ጨክን ጋይሳንዳ ቅፍራናሆም ካተመና! ጨልጨል ጎርናር ዐንቸርተረየ! የሰካ ይይምሳን አተንከሰ ሶዶም ካተመናር ይምተሰናና ናኮና ካተመና ካያክደቆ ታካ የለልታ ዶቅተርደቆ!

24 ኮካንታ ዶፈንካ የሰም ጋይድቴ፥ ሳብታ ፍርዳ ሰጨንካ የዘንካ ሰግ ሰዶም ካተመንካንታ ክታ ዋጭና ቶግዴ!”

ክርስቶስ ማረፊያውን ዐጠሰ (ሉቃ. 10:21-22)

25 ኮት ሰጨንካ የሱስ ጭለተኬ ፍጨተካ ጮይሰ እሰታ ባቤኖ! ኮም ሪን ኤጨንባብከዘንከ ኤዝዶቴ ጋይድባብከዘንካ እቶሳዮ ይንቶንከሰካንታ መያ የሰ ማሰሳንካንታ የሰም ጋለድቴ፥

26 ይዬ! እሰታ ባቤኖ! ኮም ይካንታ የሰታ ኡርማ ጋይታ ማቴ።

27 እሰታ ባቤና ሙዳ ሪን እካንታ እምቴ፥ እባብዘንካ አብ እ ክታ ይንቶንም ኤዝድባብ ዐየነረ ካዬ። ኮትኮግነደረ እ ክታ ይንቶንዘንካ አብ እባብም ኤዝድባብ ዐየነረ ካዬ፥ ዐየነረ እ ክታ ይንቶና ክትም መያ እ ማሳክንዳ ማቼ እባብም ኤሰካንታ ማታዬ። ኩን ጋይሴ።

28 “የታ ጋፍሰባብከሰኬ ባላ ደጭባብከሰ ሙዶና ኮር እዝደር ዐድከቴ! እተረ የም ዐጠሰ እምትቴ።

29 እሰታ ቃንበርንም የንታዘን ባልከቴ፥ እዘንከረ ኤሰከቴ፥ እታ ኡርመኬ የካንታ ቡዳርንካ አተርድባብቴ፥ የንታ ሰንጅንካንተረ ዐጠሰ ዐፍተረቴ።

11:21 አሳ. 23:1-18፤ ሕዝ. 26:1—28:26፤ ኢዪ. 3:4-8፤ እሞ. 1:9-10፤ ዘካ. 9:2-4። 11:23 አሳ. 14:13-15፤ ፍዝ. 19:24-28። 11:24 ማቶ. 10:15፤ ሉቃ. 10:12። 11:27 ዮሀ. 3:35፤ 1:18፤ 10:5። 11:29 ኤር. 6:16።

30 እስታ ቃንበርና ሳዝ፥ እስታ ባለነረ ደጫይንዳ።።

12

እይሁድንታ ዐውስ ሰጩንካ ዐጻን ኦይስና

(ማር. 2:23-28፤ ሉቃ. 6:1-5)

1 ኮትዐይካ የሱስ እይሁድንታ ዐውስ ሰጩንካ ኡሳን ዘርግታ ዎክካ እይድንካ፥ ክታ ካርንካ ጎርሰምድባብከስ ከትም ዳቅሳንካንታ ዘርግ ትሰን ታክሰሶ ዎክሰሶ እኛ የጀኬ።

2 ፈረሳውያን ኤድንከስ ኮም ሰድሰኮ የሱስም “ኮ ሰድካ! የሰታ ካርንካ ጎርሰምድባብከስ እይሁድንታ ዐውስ ሰጩንካ ጋይማክንደትም ይደኬ!” ከታ ጋይሰኬ።

3 የሱስረ፥ ዳውትከ ክትካ የካ ዐቅባብ ኤድንከስ ከት ዳቀርሳንደትካ ዳውት ይሳንደትም ቦድሶ ናበባከቴ?

4 ኖየረ ሳብታ ኤሄናር አርድሶ ቄሰንከዘንካ አብ ኖየረ ማታ ክትካ የካ ዐቅባብ ኤድንከስ ከት እጅድንግንዳ ጋይማክንደትም፥ ካሰካንታ ግግሰርሳን ባይሰንም እቸኬ።

5 ጉጅሰረ ቄሰንከስ እይሁድንታ ዐውስ ሰጩንካ ሳብታ ጭል ኤሄናር እይሁድንከስታ ዐውስ ሰጩንም ቦንቸክሳ ከት ነግድንካ ባኛ ማትሶ ከታዘን ፋይድምዳክንደትም ሙሴኅካ እምምሳን ህግናር ጸፍምሳንደትም የታ ናበባከቴ?

6 ኬዛርንካ ማቼ ሳብታ ጭል ኤሄንዘንካ ሰግድባብ ይና ካሪ ደቅዴ የንደር ጋይድቴ።

7 ጉጅሰረ እ ዝግድንዳ ቡዳርንካ አትርንም ዳት ካሲንም ካዬ ጋይድንደትም ጭል ማጸፍንታ ቃለና ዐራ ጋይዳናከረ የ ገቀርደሰናና ባኛ ከታዘን ካየንባብ ኤድንከዘን የታ ፋረተራከት ደቆ።

8 ኮትኮግንደረ “ኤድ ይንቸ እይሁድንከስታ ዐውስ ሰጩንተረ ጮይሰዬ” ኩን ከደር ጋይሴ።

የሱስ እን ዎብ ኤችን ፋችና

(ማር. 3:1-6፤ ሉቃ. 6:6-11)

9 የሱስ ካርንኮታርንካ እምሶ እይሁድንከስታ ሞክሰ ኤሄናር አርደዴ፥

10 ኮታረረ ዋልቃ ኤች አን ዋብ ዐቁ፥ የሱሰም ካሰሰካንታ ኬዛ ዝግድባብ ዋልቃ ዋልቃ ኤድንከሰ “አይሁድንከሰታ ዐጢስ ሰጩካ ሰቀርሰባብም ፋጅድንግንዳ ጋይምቶ?” ጋየር ክትም ኦይሰኬ።

11 የሱሰረ፥ “የንታ ዎክያርንካ ዋልቃ ቆለን ዶቅድባብ፥ ክታ ቆለና አይሁድንከሰታ ዐጢስ ሰጩካ ጎርያር ዋቹ ጎችትዮ ዉጅዳክባብ ዐይራ?”

12 ይና ኩን ማቹ ኤድ ቆልዘንካ ዐስግንዳ እንድንካ ሰጋዮ! ኮካንታ አይሁድንታ ዐጢስ ሰጩካ ኡርማ ሪ ይታ ጋይምሳንዴ” ኩን ክትም ጋይሴ።

13 ኮታ ቡር የሱሰ አን ዋብን “የሰታ አንንም ፍእሰካ” ክትም ጋይሴ። ኖየረ ይንታ አንንም ክት ፍእዘድንካ ክታ አንና ገታ ኡርሶ ዋባክን አንን ዋልቀንግንዳ ማቹ።

14 ፈረሳውያን ኤድንከሰ ማቹ ኮታርንካ ወትሰኮ የሱሰም ዐስ ይይሰኮ ክትም ክታ ይ ደይዝዳናንከረ ዘርምሰኬ።

ሳብታ እድምሰባብ ፍክሰንባብከሰ

15 የሱሰ ማቹ ክታ ዙዝምን ኤሰሶ ኮት ካርናርንካ ዐርጋ ጋይሴ፥ በድ ኤድንከሰረ ክትም ጎርሰምሶ አይሰኬ፥ ሰቀርሰባብከሰ ሙደንመረ ፋችሴ።

16 ኤድንከሰም ማቹ ክትኅካ ዐዞንካንተረ ክት ኬዝዳክንግንዳ ክትም ክትሴ።

17 ኮነረ ማቻንዳ ሳብዘንካ ኤሰርሶ ኬዛቅባብ ኢሰያሰ ኬዛን ቤር ኬዘና ቦድምድንግንዴ።

18 “ይና! እ እጅባብ እሰታ ፍክሰንባብና ኮኔ!

ኖ እ ሶልምድባብከ እ ክትካ ጉርምድባቤ፥

እሰታ አያንን ክታዘን ማሰትቴ፥

ኖየረ ሉላ ፍርደን ዎርሰንካንታ ኬዝተሬ።

19 ኖ በርምዳክየ እነረ ፍፋዬ፥

ጎግንከዘነረ ክታ ኡፍሰን ኤሰርድባብ ካዬ፥

20 ጎድምሳን ሱምባቀን ዎራ ኖ ቁንጫየ፥

የድካንታ ጨብድን ክርንም ድክሳዬ፥

ኮመረ ክት ይድንዳ፥ ሉላ ፍርደና ጋምተርን የለልቴ።

21 አይሁድ ማታክባብከሰ ክትካ ጉርምን ይደኬ።”

የሱሰኬ ብኤልዘቡልካ

(ማር. 3:20-30፤ ሉቃ. 11:14-23)

22 ከታ ቡር ኤድንከስ ዋልቃ ግምዘካ የደርሰባብ ዓፊይ ዝል ማቸባብኬ አፈረ ከዛይባብም የሱሰደር ተይወደኬ፥ የሱሰረ ኤችንም ፋችሴ፥ ኤችነረ ኬዘኬ ሰድነረ የጄ።

23 ዋርሰነረ ሙዳ በርእሰኮ፥ “ኮና ዳውተታ ይንች ማተርዳች?” ጋይሰኬ።

24 ፈረሳውያንንከስ ማቼ ኮም ኤስርሰኮ “ኖ ‘ብኤልዘቡል’ ጋይምሰባብ ግምዘንከስም ገችዝድባብታ ዋልቀካ ማታክንዳ ማቼ ግምዘንም ወቻዬ” ጋይሰኬ።

25 የሱሰረ ከታ ገቅርንም ኤሰሶ፥ “ክክ ክክ ፋስምድን ባንችምና ሙዳ ዋጅዴ። ኮትኮግንደረ ዋልቃ ካተመና እነረ ዋልቃ ኤሀኤድ ክክ ክክ ከት ፋስምሴ ዳቅሶ ደቅካንታ ማታየኬ።

26 ሰጣነረ ሰጣንም ወጅድንዳ ማቼ ክክ ክክ ፋስምተከ ጋይንትዬ፥ ይና፥ ኩን ማቼ ክታ ባንችምና ዐስግንዶክ ዳቅሶ ዋእዳ!

27 ጉጅሶ እታ ግምዘንከስም እ ወችዝድንዳ ብኤልዘቡልካ ማቼ የም ጎርሰምድባብከስ ዐረከክ ከትም ወችሰተራ? ኮካንታ የንታ ይንችንከስ የንታዘን ፋረደኬ።

28 እታ ግምዘንከስም እ ወችዝድንዳ ሳብታ አያንካ ማቼ ይና ሳብታ ባንችምና የንደር ዐቱ፥ ኩን ከደር ጋይሴ።

29 “ጉጅሰረ ዋልቃ ኤድ እርናና ዋልቀንክንባብም ዘካክዶቆ ዋልቀንክንባብታ ኤሪ እርድሶ ክታ ሪይንም ቡራካንታ ዐስግንዶክ ማዳ? ዋልቀንክንባብም ይ ዘክሳንደታ ቡር ገታ ክታ ሪይንም ቡራካንታ ማደ።

30 “እንካ ክክን ማታክባብ ሙደና እም ግርዴ፥ እንካ ክክን ሳንዝዳክባብ ኖ ይጭዴ።

31 ኮካንታ ኤድ ይ ይድንደትም ዐምንመረ ጎመን እነረ አፋርንካ ወድን የክንም ሙዳ ክትካንታ ነጋ ጋይምተሪ ጋይድቴ፥ አያን ጭልንዘን የግድባብ ዋልቃ ኤችታ ባችና ክትካንታ ነጋ ጋይምተራክዬ።

32 ኤድ ይንችታዘን ዳቅልንም ኬዝድባብ ሙደና ክታ ባችና ነጋ ጋይምተራ። አያን ጭልንዘን የግድባብ ሙደና ማቼ

ኮፍጫ ሙደንዘነረ ማታ ዐድጉ ፍጫሙደንዘነ ክታ ባችና ነጋ ጋይምተራክዬ።

ኡርማ ዐቀና ይነታ እፍንካ ኤስምዴ
(ሉቃ. 6:43-45)

33 “ዐቃ ሙደና ይነታ እፍንካ ኤስምድንካነታ ኡርማ ዐቃ የካነታ ደቃ፡ ኮታ እፍነረ ኡርማ ማዴ፡ ዐቀና ዳቅል ኮት ማቼ እፍነረ ዳቅል ማዴ።

34 የታ ጉንን ፋይነታ ይነቅንከሶ! የታ ዳቅልንባብከሰ ማደቶ ኡርማ ሪም ኬዛካነታ ዐስግንደንት ማዳ? ኤድ ይነታ እፈካ ኬዘድንዳ ይነታ ቡዳር ጮጭሶ ሰጣንደትሜ።

35 “ኡርማ ኤድ ይነታ ኡርማ ቡደናርንካ ኡርማ ሪን ወጅዴ፡ ዳቅል ኤደረ ዳቅል ይነታ ቡደናርንካ ዳቅል ርም ወጅዴ

36 ደፈንካ የም ጋይድቴ፡ ኤድንከሰ ወቕኩን ማዳክንደትም ከታ ይ ከዘድንደት ዋልቃ ዋልቃ ኬዘነታ ሳብታ ፍርዳ ሰጪንካ ኦይሰምደኬ።

37 የሰታ ኡርማ ኬዘንዘንካ እምሳንዳ ጭልምዳዬ፡ እነረ የሰታ ዳቅል ኬዘንዘንካ እምሳንዳ ኡርክና የሰታዘን ማተሬ”።

አተንም ሰድንካነታ ኦይሰምሳን ኦይሰና
(ማር. 8:11-12፤ ሉቃ. 11:29-32)

38 ኮታይካ ዋልቃ ዋልቃ ሙሴታ ህግንም ኤስዘድባብከሰከ ፈረሳውያንንከሰ የሱሰም፡ “የ ኤስሰንባቦ! የሰ አተንም ይድንካ ሰድንካነታ ዝግደቴ!” ክደር ጋይሰኬ።

39 የሱሰ ማቼ፡ “ዳቅልኬ እሜንዳክን አጥርንከሰ አተንም ሰድንካነታ ዝግዴ፡ ኬዛርንካ ማቼ ሳብዘንካ ኤስርሶ ኬዛቅባብ የናሰታ አተንዘንካ አብ አታ እምማዬ።

40 ዮናሰ ሞላ ባከነታ ኖርትያር ማከን ሰጫ ዐየኬ ሶይትካ ክት ሰክሳንግንዳ፡ ኮትኮግንዳ ኤድ ይነቅ ዱክናር ማከን ሰጪከ ማከን ሶይት ሰክሰተረ።

41 ነዌ ካተመነታ ኤድንከሰ ሳብታ ፍርዳ ሰጪንካ ኮ ሰለነታ አጥርንከሰካ ክክን እምሰኮ ክታዘን ፋረተረኬ፡ ነዌ ካተማ ኤድንከሰ ዮናሰታ ሳባክን ከታ ይ ኤስርሳንደትካ ከታ ይነታ

12:32 ሉቃ. 12:10። **12:33** ማቶ. 7:20፤ ሉቃ. 6:44። **12:34** ማቶ. 3:7፤ 23:33፤ 15:18፤ ሉቃ. 3:7፤ 6:45። **12:38** ማቶ. 16:1፤ ማር. 8:11፤ ሉቃ. 11:16። **12:39** ማቶ. 1:4፤ ማር. 8:12። **12:40** ዮና. 1:17።

ጎማ ፍክሰንጎካ ኡቅሞሰኮ ይንታ ጎማ ፍክሰን ወይሰተኬ። ታ ማቼ ዮናሳዘንካ ሰግድባብ ካሪ ደቅዴ።

⁴² ኤተን ባንቶን ሳባ ሰሎሞንታ ኤጨንሞ ኤሰርካንታ ፍጨታ ካንታርንካ ኮት ዐጻጎካንታ ሳብታ ፍርዳ ሰጨንካ ኮ ሰለንታ አጥርንከሰካ ክክን ና አምሶ ክታዘን ፋረተሬ፥ ታ ማቼ ሰሎሞንዘንካ ሰግድባብ ካሪ ደቅዴ ኩን ከትካንታ ጋይሴ።

ቱና አያና ኤታ ዋር ማትዮ አርድና

(ሉቃ. 11:24-26)

⁴³ ኮታዘንከረ የሱሰ፥ “ቱና አያና ኤታ ዋርንካ ዉተዳንደታ ቡር ይ ዐጪዝድን ካሪ ዝግመትካ ሎቃ ካየን ዎቻ ካርያር እንግዴ። ኬዛርካ ማቼ ዐፋዬ፥

⁴⁴ ኮካንታ ሓ ዉተዳን ኤሄናር ማት እ አያ፣ ጋይዴ። ማተረ ክት ዐፋድንካ፥ ኤሄና ዉቕኩን ማትሶ ዐጭምሶ፥ ግግሞሰንካ ዐፋተሬ።

⁴⁵ ኮታ ቡር፥ ቱና አያና አይሶ ይንዘንካ እድንካ ሰግድባብ አብ ታብዛ ዳቅል ግምዘንከሰም ተይሶ ዐተሬ። ከተረ ኤና እር ግምዘታ ኤሀ ዐቃን ኤቶንታ ቡደናር አርድሶ የካ ክታር ደቅተረኬ። ኮካንታ ኤቶን ክታ እርንደትዘንካ ሰግሶ ቡርንዳ እንድንካ ቦርሳንዳ ማተሬ። ኮ ዳቅል አጥርንዘን ማድንዳ ኮትኮም ካምሳን ካምድን ርንከሰ ኩን ጋይሴ።

የሱሰታ እንደንኬ እሰመንከሰ

(ማር. 3:31-35፤ ሉቃ. 8:19-21)

⁴⁶ የሱሰ ዋርሰንካንታ እክ ኬዘዘን ደቅድንካ፥ ክታ እንደንኬ እሰመንከሰ ክትም ከሰሰካንታ ዝግሰኮ ማል ዎእሶ ዐቀኬ።

⁴⁷ ኮታር ዐቅባብከሳርንካ ዋልቀና የሱሰም፥ “ኮሰቼ የሰታ እንደንኬ የሰታ እሰመንከሰ የሰም ከሰሰካንታ ዝግሰኮ ማል ዎእተኬ” ክደር ጋይሰኬ። *

⁴⁸ የሱሰ ማቼ፥ “እሰታ እንደንና ና ዐይሬ? እሰታ እሰመንከሰረ ከታ ዐይሬ?” ጋይሴ።

⁴⁹ ኮታ ቡር ይንታ እንከ ኦይትሶ ይንታ ካርንካ ጎርሰምድባብከዘደር ሰቸሮ “እሰታ እንደንኬ እሰታ እሰመንከሰ ኮሰቸቴ ኬናከሰኬ፥

12:41 ዮና. 3:5። 12:42 1 ባንቼ. 10:1-10፤ 2 ሳሙ. 9:1-12።

* 12:47 ዋልቃ ዋልቃ ኤና እርንከሳር ፋይ. 47ትና ካዬ።

50 ጭላር ደቅድባብ እባብታ ጋይተንም ቦድባብ ሙደና እስታ እስመነረ፤ እስታ ምቕነነረ፤ እስታ እንደነረ ኖዬ” ኩንጋየሮ ማሰሴ።

13

ማሰንባብታ ካምሰ

(ማር. 4:1-9፤ ሉቃ. 8:4-8)

1 ኮት ሰጨንካ የሱስ ኤሄናርንካ ዉትሶ ሎቃ ባሀርንታ ካንተዘን ደቅሴ፤

2 በድ ኤድንከሰረ ክደረ ዐድሰኮ ከት ሳንምሳንካንታ ሎቀንዘንካ ቃልዘድን ጃልበንዘን ዉትሶ ደቅሴ፤ ዋርሰነረ ሙዳ ባሀርንታ ካንተንዘን ዋእሶ ዐቁ።

3 ኮተረ ቡር በድ ርንከሰም ካምሰካ ኩንጋየሮ ከትም ኬዛ የጄ፡ “ኮሰቼቴ! ዋልቃ ዋንንባብ ማሳካንታ ዉተዳ።

4 ክት ማዘድንከረ ዋልቃ ዋልቃ ማሰና ጎግታ ካንተዘን ዋቕንካ እፍትንከሰ ዐድሰኮ ካምት እቸኬ።

5 ዋልቃ ዋልቃ ማሰነረ ኡርማ ፍጨ ካየን ዐርቸንዘን ዋቼ፡ ፍጨነረ ኮታዘን በድ ካየንካንታ ጨላ ሶሰረ ፍጨና በዳዬ፡ ኮካንታ ማሰነረ ሳነካ ባቀልሴ።

6 ማታጋካ ዳት ዐይና ዉተዳንደትካ ሱልሴ፤ ጫጭ ካየንካንታ ዋቼ።

7 ዋልቃ ዋልቃ ማሰነረ ኡክም ደቅድን ቆቸናር ዋቼ፡ ኡክምነረ ጋጵሶ ባቅለንም ጉርት የጄ።

8 ዋልቃ ዋልቃ ማሰነረ ኡርማ ፍጨዘን ዋቕሶ ባቅልሰንደትኬ በድ እፍ ኡሴ፤ ዋልቀና ጨታ፤ ዋልቀና ማከን ቦንዳ፤ ዋልቀነረ ቦንደኬ ታማ እፍ ኡሴ።

9 ቃም ደቅድባብ ኤሰራ!”

የሱስ ኬዛን ካምሰንታ ቡልና

(ማር. 4:10-12፤ ሉቃ. 8:9-10)

10 ኮታ ቡር ክታ ካርንካ ጎርሰምድባብከሰ የሱሰደር ዐድሰኮ፡ “ዐራካንተሰ ዋርሰንካንታ ካምሰካ ከዘዳ?” ክደር ጋይሰኬ።

11 የሱሰረ፡ “የካንታ ጭላ ባንቕምንታ እቕምሳንደትም ኤሰንተን የካንታ እምምቴ፤ ከትካንታ ማቼ እምማክዬ።

12 ደቅድባብካንታ ጉጅምሶ እምምተፊ፡ ክትካንታ በተፊ፡ ካየንባብ ኤድንዘንካ ማቼ ና ደቅድንዳ ዋራ ክታዘንካ ተይምተፊ።

13 ኮካንታ ሰደኮ ሰዳክንባብከሰግንዳ፡ ኤሰርደኮ ኤሰርዳክንባብከሰግንዳ እነረ ገቀርት ተይዳክንባብ ከሰግንዳ ከት ማቻንካንታ ይና፡ እታ ካምሰካ ከትካንታ ኬዘድቴ።

14 ኮካንታ ሳብዘንካ ኤሰርሶ ኬዛቅባብ እሳሰካ፡ ኤሰርንም ኤሰርደቴ፡ ኬዛርንካ ማቼ ገቀርት ተይዳክቴ፡ ሰድንመረ ሰደቴ፡ ኬዛርንካ ማቼ ቡዳ ይዳክቴ፡ ኩን ጋይምሶ ጸፍምሳንዳ ክታዘን ቦድምድንግንዳ፡

15 ኮ ዋርሰንታ ቡደና ዳቅቴ፡ ቃምነረ ክታ ቱንቴ፡ ክታ አፍነረ ግንእቴ፡ ኩን ማታከሰና ክታ ይንታ አፍንከረ ሰድሰኮ፡ ክታ ይንታ ቃምንከረ ኤሰርሰኮ፡ ክታ ይንታ ቡደንከረ ገቀርት ተይሰኮ፡ እዘደር ከት ማቸሰና ከትም ፋቕተርት ዶቆ፡ ኩንጋይሶ ከትካንታ ማሰሴ።

16 የንታ ማቼ አፍንከሰ ሰድንካንተኬ፡ ቃምንከሰረ ኤሰርድንካንታ እንጅምሰባበቴ።

17 ዶፈን የም ጋይድቴ፡ በድ ሳብዘንካ ኤሰርሶ ኬዛቅባብከሰከ ጭል ኤድንከሰ የ ሰድንደትም ሰድንካንታ እንገርተክ ዶቆ፡ ኬዛርንካ ማቼ ሰዳክኬ፡ የ ኤሰርድንደትመረ ኤሰርካንታ እንገርተክ ዶቆ፡ ኬዛርካ ማቸ ኤሰራከኬ።

ማሰንባብታ ካምሰንታ ቡልና

(ማር. 4:13-20፤ ሉቃ. 18:11-15)

18 “ይና የታ ማሰንባብታ ካምሰንከሰታ ቡልና ዐራ ኮት ማቸረ ኤሰርከቴ፡

19 ጎግታ ካንተናር ዋቻን ማሰና፡ ሳብታ ባንቕምንታ ቃለንም ኤሰርሶ ገቀርት ተይዳክን ኤድንም ካምዴ፡ ሳናና ዳቅልና ዐድሶ ክታ ቡደናር ማሰምሳን ቃለንም ክታዘንካ ተይዴ፡

20 ዐርቻ ፍጨንዘን ማሰምሳንዳ፡ ቃለንም ኤሰርሶ ሳናና ጉርምካ ተይድባብ ኤድንም ካምዴ።

21 “ኬዛርንካ ማቼ ሰጫካንታ ዳት ክታ ቡድናር ጫጭ ኦይታክየ፡ ኮካንታ ቃለንጎካ ዋልቃ ማጣ እነረ ዳይር ክታዘን የልሳንደትካ ሳነካ ኮተርዴ።

22 ኡክም ደቅድን ቆቸናር ማሰምሳንዳ ቃለንም ሰጫካንታ ኤስርድን ኤድንም ሰጅዴ፡ ማታጋካ ዳት ኮ ፍጫሙደንታ ገቅርንከ ቆልመታ ሶልመና ክታ ቡዳር ኦርድሶ ቃለንም ጉንእት የድንካንታ እፍ ኡስክሳ ነገዴ።

23 ኡርማ ፍጨንዘን ማሰርሳንዳ፡ ቃለንም ኤስርሶ ገቅርት ተይድባብ ኤድንም ሰቕዝደ፡ ኖ እፍ ኡዝዴ፡ ዋልቀና ጨታ፡ ዋልቀና ማከን ቦንዳ፡ ዋልቀና ቦንደከ ታማ እፍ ኡዝዴ”።

ለሰንታ ካምሰ

24 ኮትኮግንደረ የሱስ አብ ካምሰካ፡ “ጭላ ባንቕምና ይንታ ዋን ዐምናር ኡርማ ማሰንም ማሰባብ ኤቕንም ና ካምዴ፡

25 ኬዛርንካ ማቼ ኤድ ሙደና ራቻንደታ ቡሪ ክታ ይምኤንባብ ዐድሶ ዘርግንታዋር ለሰንም ማሰሶ አይሴ።

26 ዘርግነረ ባቀልሶ ፋጥማ የድንካ ለሰነረ ኮታይካ ዐፈርሴ።

27 ኮካንታ ዐምንባብታ ፍክሰንባብከሰ ክደር ዐድሰኮ፡ ‘የ ዋባቦ፡ የሰታ ዋን ዐምናር ኡርማ ማሰን የና ማሳካ? ይና ኮናና፡ ለሰና ዐምንኮክ ዐዳፊ?’ ጋይሰኬ።

28 ኖየረ፡ ‘ኮም ይሰባብ ኖ ይምኤንባቤ፡ ከደር ጋይሴ። ፍክሰንባብከሰረ ‘ይና ኮናና ለሰንም አይሶቶ ዋ ቡጭድንግንዳ ዝግዳ?’ ክደር ጋይሰኬ።

29 ኖ ማቼ ኩንጋየር ከትካንታ ማሰሴ ‘ኩን ማታዬ ለሰንም የ ቡጭድንካ ዘርግንመረ ዋር ቡጭደቲ።

30 ኮካንታ ዛእከቲ፡ ሰከርድን ሰጨና የልተርን የለልታ ዘርግነረ ለሰነረ የካ ከት ጋጸ፡ ሰከርድን ሰጨን ዐይካ ሰክንባብከሰም ለሰንም እርናና ቡጭከቲ፡ ኖሄከረ አድንግንዳ ናርካ ዞከተ፡ ዘርግንም ማቼ ሳንሰሰቶ እሰታ ቡለናር ኦርቕከቲ፡ ከትም ጋይድቲ”፡ ኩንጋየር ከትካንታ ኬዜ።

ሰናፍጭ ጋየርድን እፍይ ማሰንታ ካምሰ

(ማር. 4:30-32፤ ሉቃ. 13:18-21)

31 የሱስ አብ ካምሰካ “ጭላ ባንቕምና ዋልቃ ኤቕ ሰናፍጭ ጋየርድን ማሰን ተይሶ ዋን ካርናር ማሳን ማሰንም ካምዴ።

32 ናየረ ማሳ ሙደንዘንካ ቶክሳንዴ ይ ጋጽሳንደትከረ ኮርምሳን ሪ ሙደንዘንካ ና ሰገዴ፡ ዐቃከከረ ና ማዴ።

እፍትንከሰረ ዐድሰኮ ኮታ ሳቀንከዘን ኤሄን ይነታ ዋድሰኮ ደቅደኬ” ኩነጋየሮ ከትካነታ ኬዜ።

ማጠን ኡሰዝድን እርሰነታ ካምሰ
(ሉቃ. 13:20-21)

33 ጉጅሰረ የሱሰ፡ “ጭላ ባንችምና ዋልቃ ኤተን ማከን ጋበት እለንም ተይሶ ማጠን ኡሰዝድን እርሰነካ ክክን ሪችሳን እርሰንም ካምዴ፤ እርሰነረ ማጠና ሙዳ ኡዝድንግንዳ ይሴ” ኮም ካምሰንከሰም ከትካነታ ኬዜ።

የሱሰ ዐራካንታ ካምሰነካ ክት ኬዘናንከረ
(ማር. 4:33-34)

34 የሱሰ ኬና ሙዳ ርን ካምሰካ ዋርሰንካነታ ኬዜ፤ ካምሰካይሳ ዐረርየረ ከትካነታ ከዛክዬ።

35 ኮነረ ኮት ኩን ማቻንዳ ሳብዘንካ ኤሰርሶ ከዛቅባብካ፤ “እሰታ ኬዘንም ካምሰካ መያ ማዝድቴ፤

ኮፍጫ ሙደና ፍዝምሳንደትዘንካ የድሶ እችምሳንደትም ኬዘድቴ” ኩን ጋይምሶ ጸፍምሳንዳ ቦድምድንግንዴ።

የሱሰ ለሰነታ ካምሰንከሰም መያማሰና

36 ኮታ ቡር የሱሰ ዋርሰንም ዛቅሶ ኤሀር አርደዴ፤ ክታ ካርንካ ጎርሰምድባብከሰረ ክደር ዐድሰኮ፤ “ዋን ዐምናር ደቅድን ለሰነታ ካምሰነታ ቡልንም ዋም ኬዝካ” ጋይሰኬ።

37 የሱሰረ፤ “ኡርማ ማሰንም ማሰባብ ኤድ ይንቼ፤

38 ዋን ዐምነረ ኮፍጫ ሙደኔ፤ ኡርማ ማሰና ሳብታ ባንችምንታ ይንችንከሰከ፤ ለሰነረ ሰጣንታ ይንችንከሰከ።

39 ለሰነም ማሰባብ ይምኤንባብ ዳብሎ፤ ሰከርድን ሰጨነረ ኮ ፍጫሙደንታ በእንተነ፤ ሰክንባብከሰረ ክታይንችንከሰከ።

40 ገታ ለሰና ቡጭምሶ ፍሄካ አተርድንደትግንዳ ኮ ፍጫሙደንታ በእንተነረ ኮትኮግንዳ ማደ።

41 ኮትኮዐይካ ኤደት ይንች ይነታ ክታይንችን ኦይዴ፤ ከተረ ጎማ ፍክሰታ ጎግ ማችባብከሰምከ ዳቅል ፍግዝድባብከሰም ሙዳ ክታ ባንችምናርንካ ሳንሰሶ ከትም ዉችተረኬ፤

42 ድግዳክን ፍሄናረረ ከትም ኦይተሬ፤ ኮታር ኤፍከ እች ቅርጭካ ማተረ።

43 ጭልንከስ ይንታ ባበንታ ባንችምናር ዐይግንዳ ሳክስተረከ፥ ቃም ደቅድባብ ኤስራ!” ኩንጋየር ከትካንታ ማሰሴ።

እችምሳን ቆልመታ ካምስ

44 ኮታዘንከረ የሱስ፥ “ጭላ ባንችምና ዋን ዐይግንዳ እችምሳን ቆልመንም ና ካምዴ። ዋልቃ ኤች ኮትኮ ቆልመንም ይ ዐፍሳንደትካ ማስትዮ አቼ፥ ይንታ ጉርምንታ በድምዘንካ እምሳንዳ አይሶ ይንታ ደቅድንደትም ሙዳ ሰንሶ ኮትኮ ዋን ዐይግንም ሰንት ተዬ”። ኩን ጋይሴ።

እንቁ ጋየርድንደታ ካምስ

45 አናካርንከረ የሱስ፥ “ጭላ ባንችምና ኡርማ እንቁ ጋየርድንደትም ሰንት ተይካንታ ዝግድባብ ዛለንባብም ና ካምዴ፥

46 ዛለንባብረ ሰንጋ ማቻን እንቁ ጋየርድንደትም ይ ዐፍሳንደትካ አይሶ ይንታ ደቅድንደትም ሙዳ ኦስ ሰንሶ ኮትኮ እንቁ ጋየርድንደትም ሰንት ተዬ” ኩን ጋይሴ።

ሞለን የደርድን ሳከንታ ካምስ

47 ኮታዘንከረ የሱስ፥ “ኮትኮግንደረ ጭላ ባንችምና ሎቀን ባህርናር ኦይትምሶ ሞለን የድን ሳከንም ና ካምዴ፥ ናኮና ሳከነረ ዐከ ዐከ ሞለንከሰም የድንዴ፥

48 ኮታር ጮጫንደትካ ሞለን የድባብከስ ሎቀን ባህርንታ ፋማ ጎችት ወጅደኬ፥ ከታ ደቅሰረ ኡርማ ኡርመን እድሰኮ ርያር ዋደከ፥ ዳቅል ዳቅልንም ማቼ ኦስ ዛቅደኬ።

49 በእንታ ሰለናር ኮትኮግንዳ ማዴ፥ ክታይንችና ዐድሶ ጎመንባብከሰም ጭልንከሳርንካ ከትም ፋስተረኬ።

50 ዳቅልንከሰም ድግዳክን ኖሄናር ከትም ኦይተሬ፥ ኮታር ኤፍኬ እች ቅርጭካ ማተረ” ኩን ጋይሴ።

ክለተኬ ገሳ ማዘገብንጎካ

51 ጉጅሰረ የሱስ፥ “ኮም ሙዳ ገቀርት ተየቴ?” ከደር ጋይሴ።

ከተረ፥ “ይዬ!” ጋይሰኬ።

52 የሱስ፥ ኮና ኩን ጋይንትና ዋልቃ ሙሴታ ህግንም ኤስዘድባብ “ጭላ ባንችምንትደትም ኤስሶ ይንታ ቡለናርንካ ክለንምኬ ገሳ ሪንከሰም ወጅድባብ ኤችንም ካምዴ” ኩንጋይሶ ከትካንታ ማሰሴ።

የሱስዘን ናዝሬት ካተመናር የልሳን ግርና

(ማር. 6:1-6፤ ሉቃ. 4:16-30)

53 የሱስ ከትኬና ካምሰንከሰም ኬዝሶ ይ በይሳንደታ ቡር ኮት ካርናርንካ አይሴ።

54 ይ አጠርሳን ናዝሬት ካተመናር ዐድሶ አይሁድንታ ምክሰ ኤሄናር ዋርሰንከሰም ኤሰዘድ ዐቋ፥ ኤሰርሰባብከሰረ ሙዳ በርእካ ኩን ጋይድ ዐቋኬ፥ “ኮና ኤችና ኮም ኤጨንምኬ ኮም በርእሰዘድን ፍክሰን ዐምንክክ ተይ ዐዳሬ።

55 ኖኮና ኤሄን ዋድባብ አናጭንታ ይንችና ካየ? ክታ እንደንታ ላምና ማራማ ጋይምድንዳ ኮየ? ክታ እስመንከሰረ ያይቆብ፥ የሴፍ፥ ሰምኦንኬ ይሁደካ ካየኮ?

56 ክታ ምችነንከሰረ ሙዳ ዋንካ ክክን ካየኮ፥ ይና ኮናና ኮና ኤችና ኮም ሙዳ ኤጨንም ዐምንክክ ዐፍሳሬ?”

57 ኮትኮንከረ ክትካ ጎሄርሰኮ ክታ ኬዘንም ተይክሳ ነገደኬ የሱስ ማቼ፥ “ሳብዘንካ ኤሰርሶ ኬዘድባብ ቦንችምዳክንዳ ይንታ አጠርሳን ፍጨዘንኬ ይንታ ገታ ኤሄናር ዐክዬ” ከደረ ጋይሴ።

58 ከት አሜንክሳ ነገዳንጎካ የሱስ ኮታር በድ አተንም ፍክሳክዬ።

14

ሰእሰንባብ የሀንሰታ ደእና

(ማር. 6:14-29፤ ሉቃ. 9:7-9)

1 ኮታይካ ገሊላ ፍጨን ቆልድ ዐቅባብ ሄርድሰ፥ የሱሰታ ፍክሰንጎካ ኤሰርሴ።

2 ይንታ ፍክሰንባብከሰመረ፥ “ኮና ሰእሰንባብ የሀንሴ፥ ኖየረ ደእያርንካ አምቴ፥ ኬና በርእሰዘድን ርንከሰ ክትጎካ ይማዶቅድንዳ ኮካንተ” ከደር ጋይሴ።

3 ሄርድሰ የሀንሰም የችሰሶ ዞክና ኤሀር ዞክሰሶ ዐቋ፥ ኮመረ ክት ይሳንዳ ክታ እስመን ፍልጸሰታ ኬንን ሄርድያዳጎከ።

4 ዐረታ ጋይሴ የሀንሰ ሄርድሰካንታ “የሰታ እስመንታ ኬንንም የሰ እንጅድንግንዳ ህግና ጋያዬ!” ክትም ጋይድ ዐቋ።

5 ኮካንታ ሄሮድስ የሀንሰም ደይሳካንታ ዝግድ ዐቁ፥ ኬዛርንካ ማቼ ዋርሰንከሰ ሳብዘንካ ኤስርሶ ኬዝድባብግንዳ ክትም ከት ሰድንካንታ ዋርሰንከሰካንታ ኖ ጳሴ።

6 ሄሮድስታ አጥር ሰጩንም ቦንጅድንደትካ ሄሮድያደታ ይንቸና ዐድሶ ሶቕንከሰታ እሪ ይግካ በይደሮ ሄሮድስም ና ጉርሞሴ።

7 ኮካንታ ሄሮድስ፥ “የሰ ዝግድንደትም እም ኦይሰካ! እተረ የሰካንታ እምትቴ!” ኩንጋየሮ ጫቅሶ ኬዜ።

8 ና ይንቸነረ ይንታ እንደንታ ዙረንካ፥ “ሰእሰንባብ የሀንሰታ ቃደንም ጋበትያር ዋታዮ ሳነካ እካንታ እምካ!” ና ክደር ጋይሴ።

9 ባንቶና ኮ ኬዘንካ ሞርእሴ፥ ማታጋካ ዳት ይንታ ጫቀንሳከ ክትካ ክክን እቶምካንታ ደቅሶ ዐቃን ኤድንከሰሳካ ኦሰንሶ የሀንሰታ ቃደና እምምድንግንዳ ክትሴ።

10 ኮካንታ ዘክና ኤሀር ኤድም ኦይትሶ የሀንሰታ ቃደንም ተቶሴ።

11 ተቻን ቃደንም ጋበትናር ዋትዮ ይንቸንንካንታ እምሴ፥ ና ይንቸነረ ይንታ እንደንካንታ እምሴ።

12 የሀንሰታ ካርንካ ጎርሰምድባብከሰረ ዐድሰኮ ክታ ለይሰንም ተይ አይሰኮ ዱክሰኬ፥ ከተረ አይሰኮ ኮም ሪይንም የሱሰካንታ ኬዘኬ።

የሱሰ ዶንቅ ሳእ ኤድንከሰም እቶሰና

(ማር. 6:30-44፤ ሉቃ. 9:10-17፤ የሀ. 6:1-14)

13 የሱሰ የሀንሰታ ደእንም ይ ኤስርሳንደትካ ሎቀንዘንካ ቃልዝድን ጃልበናር እርድሶ ዐረን ጋይሳን ካርዘን ይንት አይሴ። ዋርሰንከሰረ ኮም ሙዳ ይ ኤስርሳንደትካ ካተመንከሳርንካ ወትሰኮ ዱትካ ክትም ጎርሰምሰኬ።

14 የሱሰ ሎቀንዘንካ ቃልዝድን ጃልበናርንካ ይ ዐንቶርሳንደትካ በድ ዋርሰንከሰም ሰድሶ ክትካንታ አተርሰ ከታርንካ ሰቀርሰባብከሰመረ ፋቶሴ።

15 ፍጩና ሶይቻንደታ ቡር ክታ ካርንካ ጎርሰምድባብከሰ ክደር ዐድሰኮ “ኮና ካርና ዐረነረ ዐረፈርዳክንዳ ኤድ ካየንካርዬ ፍጩነረ ሶይቲ፥ ኮካንታ ዋርሰና ቅንቶ ደቅድን ሞረንከሳር አይሰኮ ከታ ይ እጅድንደትም ሰንት ተይዐድንግንዳ ክትም ኦይትካ” ክትም ጋይሰኬ።

16 የሱሰ ማቼ “የታ ከት እጅድንደትም እምከት ዳት ከትም አይ ዝክሳዬ!” ከደር ጋይሴ።

17 ክታ ካርንካ ጎርሰምድባብከሰረ “ዋንታ ካሪ ዶቅድንዳ ዶንቅ ባይሰኬ ቃሰተን ሞለካ ዐክዬ” ክደር ገይሰኬ።

18 የሱሰረ “የንደር ዶቅድን ከትም እዝደር ተይ ዐድከቴ!” ገይሶ።

19 ኮታዘንከረ ዋርሰና ድረንዘን ዶቅድንግንዳ ክትሴ፥ ዶንቅ ባይሰንምከ ቃሰተን ሞለን ተይሶ እፍን ይንታ ጭላር ማሰሶ ጋለቹ ባይሰንመረ አሰትዮ ይንታ ካርንካ ጎርሰምድባብከሰ ካንተረ እምሴ፥ ክታ ካርንካ ጎርሰምድባብከሰረ ዋርሰንካንታ የልሰሰኬ።

20 ሙደነረ እቕሰኮ ምሰኬ፥ ሰጣን ዶከንም ክታ ካርንካ ጎርሰምድባብከሰ ታመከ ቃሰተን ጋባሰርካ ጮጭ እምሰኬ።

21 እቕባብ ኤድንከሰረ ማነንከሰክኬ ይንቕንከሰ ፋይድማክናና ዶንቅ ሳእ ማድን አሳኔንከሰ ዐቀኬ።

የሱሰ ባህርንዘን ሙከሮ ክታ አይና

(ማር. 6:45-51፤ ዮሀ. 6:15-21)

22 ኮታ ቡር የሱሰ ይንታ ካርንካ ጎርሰምድባብከሰም፥ “እታ ዋርሰንከሰም እ ኦይተርን የለልታ ሎቀንዘንካ ቃልዝድን ጀልበና ኦርድሰቶ እርናና ባሃርንታ ፋማ ቃልከተ” ገይሶ ከትም ክትሴ።

23 ዋርሰንም ይ ኦይቻንደታ ቡር ምክሰካንታ ይንት ገቸንዘን ወተዴ፥ ፍጨና ሶይቻንደትከረ የሱሰ ኮታር ይንት ዐቁ።

24 ኮታይካ ሎቀንዘንካ ቃልዝድን ጀልበና ዋእድን ካርንዘንካ ኦሰ ባህርንታ ዋክያር አይድንካ ኮታ እርኅካ ዐድን ዘገንካ ዐቕመሮ ሎቀንዘን ዶቅድን ዘገንካ ኦሰከ ፈንካ ዙብምድ ዐቁ።

25 ሶይት ሳክላ ሳዓታ ቡር የሱሰ ባህርንዘን ሙከሮ ይንት ይንታካርንካ ጎርሰምድባብከዝደር ዐዴ።

26 ክታካርንካ ጎርሰምድባብከሰረ ባህርንታዘን ሙከሮ አይድንካ ሰድሰኮ አንድር ጳሰካ ገቅሰኬ፥ “ኮነረ ቡንኬ!” ገይሰኮ ፍፍሰኬ።

27 የሱሰረ ሳናና፤ “ዳእከቴ! እትቴ ዐይጳሰቴ” ከትም ገይሶ።

28 ጴጥሮሰረ፥ “የ ጮይሰዮ! የሰ ማቼ ባህርንታዘን ሙከርቶ የዝደር እ ዐድንግንዳ እም ክትካ” ክደር ገይሶ።

29 የሱሰረ “ዐድካ!” ክትም ገይሶ። ኮካንታ ጴጥሮሰ ጀልበናርንካ ዐንቸሮሶ የሱሰደር አይካንታ ባህርንታዘን ሙከሮ አይ የጄ።

30 ኬዛርንካ ማቼ ዘገነታ ዋልቀንም ሰድሶ ጳሴ፥ ባህርነታ ዋር ኤቅዝም ይ የጃንደትካ “የ ጮይሰዮ! እም አቅሰካ!” ጋይሶ ፍፍሴ።

31 ሳካካ የሱስ ይንታ አንን ኦይትሶ የድሰንደትኬ፥ “የና አሜን የሰታ ዘገርሰባብ! ዐረተስ ዐኤርሳራ?” ክትም ጋይሴ።

32 የሱስኬ ጴጥሮሰካ ጃልበናር ከት አርደዳንደትካ ዘገና ሰምን ጋይሴ።

33 ኮታዘንከረ ጃልበናር ዐቅባብከስ፥ “ዶፈን የና ሳብታ ይንቸዬ!” ጋይሶኮ የሱሳካንታ ጎስትሰኬ።

የሱስ ገንሰረጥ ፍጨናር ሰቅምንክንባብከሰም ፋችና
(ማር. 6:53-56)

34 የሱስኬ ክታ ካርንካ ጎርሰምድባብከሰ ባህርንም ቃልሰኮ ገንሰረጥ ፍጨናር የልሰኬ።

35 ኮት ፍጨናር ዐቃን ኤድንከሰ ክት የሱስ ማትንተን ከታ ይ ኤሳንደትካ ላመካ ዶቅድን ፍጫ ሙደናርንካ አይሰኮ ሰቅርሰባብከሰ ሙደንም ክደር ተይዐቸሰኬ።

36 ሰቅርሰባብከሰረ ክታ አፍለንታ ካንተን ዐክ ከት ዋልድንግንዳ ክትም ምክሰኬ። ክትም ዋልሰባብከሰረ ሙደና ይንታ ሰቅምናርንካ ቦድሶ ፋጨኬ።

15

ኤና እሪ ባበንከሰታ ዋጋ
(ማር. 7:1-13)

1 ኮታ ቡር የሩሳሌም ካተመናርንካ ዐድባብ ፈረሳውያንንኬ ሙሴታ ህግን ኤሰዝድባብከሰ የሱሰደር ዐድሰኮ፥

2 “የሰታ ካርንካ ጎርሰምድባብከሰ ጋልተንከሰታ ዋገንም ዐራካንተረ ከት ክትምዳክንዳ? ይና ኮሰቸቴ! እችም ከት እጅድንዳ ከታ ይንታ አንከሰም ሰኤራክሴ!” ኩንጋይሶ ኤይሰኬ።

3 የሱሰረ፥ “የታ የንታ ዋገንም ካርሰካንታ ጋይሰቶ ሳብታ ክተንም ዐራካንተንት ዉልእዳ?

4 ሳብ “የሰታ ባበንምኬ እንደንም ቦንቸካ፥ ይንታ ባበንም አነረ ይንታ እንደንም የግድባብዘን ደእታ ዋጭና ክታዘን የልተሬ” ጋይሶ ክቲ።

5 የታ ማቼ ዋልቃ ኤድ ይንታ ባበንም እነረ ይንታ እንደንም ላዘንካ የዐብድን አለንም ሳብካንታ እማ ማሰሰቶ እምትቴ ከደር ጋይዴ።

6 “ኖኮና ኤችና ይንታ ባበንም [እና እንደንም] ቦንቻ ክትም ዝክሳዮ” የታ ጋይደቴ፤ ኮካንታ የንታ ዋገንም ካርሰካንታ ጋይሰቶ ሳብታ ህግንም ወልእደቴ።

7 የታ ኦተረንባብከሶ! ኢሰያስ የኅካ ኩንጋይሶ ቤርካ ክት ኬዛንዳ ገተቴ።

8 “ኮና ዋርሰና ይንታ አፈንካ እም ቦንጅዴ።

ኬታ ቡደና ማቼ እዘንካ ጎተርሳንዴ።

9 ኤታ ዋገንምኬ ፍክሰንም።

ሳብታ ህግግንዳ ማሰሶ ኤሰሰሮ ወችኩን እም ጎይንደኬ”

ኩን ጋይሶ ከትካንታ ማሰሴ።

ኤድም ቱና ማሰዘድ ሪ

(ማር. 7:14-23)

10 ኮታዘንከረ የሱስ ኤድንከሰም ይንደር ኤልሶ።
“ኤሰርከቴ! ገቀተረ ተይከቴ!

11 ኤድም ቱና ማሰዘድንዳ ክታ አፈናርንካ ወድንዳ ዳት ክታ አፋር አርድንዳ ካዬ!” ኩን ከትም ጋይሴ።

12 ኮታ ቡር ክታ ካርንካ ጎርሰምድባብከሰ ክደር ዐድሰኮ “ፈረሳውያንንከሰ ኮም የሰ ኬዛንደትም ኤሰርሰኮ ከት ኮተርሳንደትም የና ኤሰታ? ኩን ጋየረኮ ክትም ኦይሰኬ።

13 ኖ ማቼ ጭላርንባብ እሰታ ባቤና ኮራክን ኮረና ሙዳ ቡጭምዴ።

14 ኬታ ይንታ ማታ አፍይ ዝልኬ አፍይ ዝልንከሰም ጎርዝድባብ ከት ማቻንካንታ ከትም ዛእከቴ፤ አፍይ ዝልና አፍይ ዝልንም ጎርዝዴ ኬታ ቃሰተነረ ጎርናር ዋጅደኬ” ኩንጋየር ከትካንታ ማሰሴ።

15 ጴጥሮስ ማቼ የሱስም “ካምሰንታ ቡልን ዋካንታ ኤሰምሰካ” ጋይሴ።

16 የሱሰረ “የታ ታ የለልታ ገቀርት ተያከቴ?

17 አፋር አርድ ሪ ሙደና ልጳር የልሶ ኮታ ቡረረ ኦስ ድራሳን ማትሶ ወድንደትም ገቀርት ተይዳከቴ?

18 አፋርንካ ዉድንዳ ማቼ ቡዳርንካ ዉዴ፥ ኤድም ቱንዝድንዳ ኮኔ።

19 ኬተረ ዳቅል ገቅር፥ ኤድንም ደይሳ፥ ማነንም ኦካኦንግድባብ፥ ቤልምድባብ፥ ድቢይ፥ ካርከካ ማርክር ኤድም የክይ፥ ኬና ሙዶና ኤታ ቡዳርንካ ዉዴ።

20 ኤድም ቱና ማሰዝድንዳ ኬና ከሰ ዳት እን ሰኤራክሳ እቶና ቱና ማሰዝዳክዬ” ኩን ጋይሴ።

ከነእን ፍጨናር ኤተንንታ አሜንና

(ማር. 7:24-30)

21 የሱስ ኮታርንካ ዉትሶ ጢርሳርኬ ሰዶና ካተመንከሰታ ሞረናር አይሴ።

22 ኮታዝንከረ ከነእን ፍጨ ኤተን የሱስደር ዐድሶ፥ “ጮይሰ ማቼባብ ዳውትታ ይንቸኖ! እሰታ ይንቸና ቱና አያንካ የደርሶ እንድር ማጥራዶቅዴ ዋደ እካንታ አተርካ!” ኩንጋየር ና ፍፍሴ።

23 የሱስ ማቼ ዋልቀረ ኮትካንታ ከዛክ ዶቆ ጫምን ጋይሴ፥ ኮታይካ ክታ ካርንካ ጎርሰምድባብከሰ ክደር ዐድሶኮ፥ “ናኮና ኤተንና ዋም ጎርሰመር ኮት ፍብድንካንታ ዋዴ ኮትም ኬዝሶ ማሰካ!” ጋየረኮ ክትም ምክሰኬ።

24 ኖየረ “እ ኦይትምሳንዳ እሰራኤል ኤድንከሳርንካ ቆልንከሰግንዳ ካይድባብከሰካንታ ዐክዬ” ጋየር ከትካንታ ማሰሴ።

25 ኤተና ማቼ ዐድሶ ክታ ዱትንታዘን ዋቹሶ፥ “የ ጮይሰኖ! እም አሌንም አልካ!” ና ጋይሴ።

26 የሱስረ፥ “ይንቸንከሰታ እቶምን ተይሶ አክሰንከሰካንታ እማ ኡርማ ካዬ” ኮደር ጋይሴ።

27 ኤተነረ “የ ጮይሰኖ! ኮና ገቲ ኬዛርንካ ማቼ አክሰንከሰረ ከትም ቆልድባብከሰታ እቶምናርንካ ዋጅድንደትም ድንግመንም እጅደኬ” ና ጋይሴ።

28 ኮታይካ የሱስ “የና ኤተኖ የሰታ አሜንና! እንድሬ፥ ኮካንታ የሰታ ዝግመትንግንዳ የሰካንታ ማታ!” ኮትም ጋይሴ። ኤተንንተረ ይንቸና ኮት ሳዓትንዘን ፋጨ።

የሱስ ሰቀርሰባብ ቢድ ኤድንከሰም ፋቶና

29 የሱስ ኮታርንካ አምሶ ገሊላ ባሃር ሎቀንታ ላማር ዐዴ፥ ገቸንዘን ዉትሶ ዶቅሴ።

30 በድ ኤድንከሰ ዋከል ዋከልን ጋይድን ኤድንከሰም አፍይ ዝልንከሰም ዋብንከሰም እፋ ከዝዳክባብከሰም ኣብንከሰምኬ ሰቅምንክንባብከሰም የድሶ የሱሰደር ተይ ዐደኬ፥ ክታ ዱትንታ ላመር ዋጀኬ ኖየረ ከትም ፋችሴ።

31 ኮካንታ ዋርሰና እፋ ከዝዳክባብከሰ ኬዝድንካ፥ ዋብንከሰ ፋጭድንካ ዋከልዋከል ጋይድባብከሰ ኡርመካ ከት ሙግድንካ፥ እፍ ዝልንከሰ ሰድንካ ክታ ሰድሰኮ በርኤረኮ እስራኤልንከሰታ ጮይሰንም ጋለቸኬ።

የሱሰ ኦይድ ሳኦ ኤድንከሰም እችና

(ማር. 8:1-10)

32 የሱሰ ይንታካርንካ ጎርሰምድባብከሰም ኤልሶ፥ “ዋርሰንከሰ እንካ ክክን ማከን ሰጫ ከት ዐቃንካ ከት እጅድን ሪ ካየንካንታ ከትካካ አተርድቴ፥ እይደኮ ጎግዘን ከት ዋጅዳክንግንዳ ከት እቻክናና ኦይትካንታ ዝግዳክቴ” ኩን ከደር ጋይሴ።

33 ክታ ካርንካ ጎርሰምድባብከሰረ “ይና ኮ ሙዳ ዋርሰንከሰካንታ ማድን እችም ኮ ዴል ቆቼናር ዐምንኮንት ዐብዳ?” ክደር ጋይሰኬ።

34 የሱሰረ “የንደር መም ሶላ ዶቅዳ?” ጋይሶ ከትም ኦይሴ። ከተረ “ታብዛ ባይሰኬ ቶክም መራ ሞለንከሰ ዶቅዳ” ክደር ጋይሰኬ።

35 ኮታ ቡር የሱሰ ዋርሰንከሰም ፍጨዘን ዶቅድንግንዳ ክትሴ፥

36 ታብዛ ባይሰንምኬ ሞለንም የድሶ ይ ጋለቻንደታ ቡር፥ ባይሰንም እሰትዮ ይንታ ካርንካ ጎርሰምድባብከሰካንታ እምሴ። ከተረ ዋርሰንከሰካንታ የልሰሰኬ።

37 ሙደነረ እችሶ ምሰኬ፥ ሰጣንደትመረ ክታ ካርንካ ጎርሰምድባብከሰ ሳንሰሰኮ ታብዛ ጋባሰርካ ጮጭ አምሰኬ።

38 እችባብ ኤድንከሰረ ማንንከሰኬ ይንችንከሰካ ፋይድማክናና ኦይድ ሳኦ አካኒንከሰ ዐቀኬ።

39 ኮታ ቡር የሱሰ ዋርሰንም ኦይቼ፥ ሎቀንዘንካ ቃልዘድን ጀልበናር አርድሶ መገዶን ፍጨናር አይሴ።

16

ሳብዘንካ አተንም ሰድንካንታ ዐዳን ኦይሰና

(ማር. 8:11-21፤ ሉቃ. 12:54-56)

1 ፈረሳውያንን ከሰከኑ ሰዱቃዊያንን ከሰከኑ የሱሰደር ዐድሰኮ ክትም ጳጫካንታ ዝግሰኮ “ጭለርንካ ቃወተንም ዋካንታ ሰቕሰካ” ኩንጋየሮ ክትም ኦይሰኬ።

2 የሱሰ ማቼ፡ “ሶይት ጭለና ዘይሰንካ የ ሰዴ ‘ፍጨና ኦይጥማ ማዴ’ የታ ጋይደቲ።

3 ፍጨና ሰጭድንካ ‘ጭለና ኡፔካ ዘይሶ ጫልድንካ ታካ ዶብ ቃንዴ’ ጋይደቲ፤ ጭለንም ሰድሰቶ ፋሰት ኤዝደቲ፤ ኬዛርንካ ማቼ ሰለንታ ቃወተንም ማቼ ፋሰት ኤዝዳከቲ *

4 ዳቅልን ከሰከኑ እሜንዳክን እጥርን ከሰከኑ ቃወተንም ሰድንካንታ ዝግዴ፤ ኬዛርንካ ማቼ ሳብዘንካ ኤሰርሶ ኬዛቅባብ ዮናሰታ ቃወተንዘንካ እብ ቃወታ እምምዳክዬ ጋየሮ ከትካንታ ማሰሴ።” ኮታዘንከረ የሱሰ ከትም ዛቅሶ እብ ካርዘን እይሴ።

ፈረሳዊያንን ከሰተከ ሰደቃዊያንን ከሰታ እርሸና (ማር. 8:14-21)

5 ክታ ካርንካ ጎርሰምድባብከሰ ባህርንታ ፋማ ከት ቃልሳንደትካ ባይሰንም ባቀርሰኬ።

6 የሱሰ ይንታካርንካ ጎርሰምድባብከሰም “ቡደርሶ ገቀርከቲ ፈረሳዊያንን ከሰተከ ሰዱቃንን ከሰታ እርሰንዘንካ ካርሰምከቲ” ከትም ጋይሴ።

7 ከተረ “ኮም ክታ ጋይና ዐረንግርካ ባይሰንም ዋ የዳክንካንታ ማደ” ጋይንተካ ክክክ ከዝምሰኬ።

8 የሱሰ ማቼ ከታ ገቅርን ኤሰሶ “የታ እሜን ዞገርሰባብከሶ! ‘ባይሰን ዋ የዳክንካንቲ ጋይሰቶ ዐራካንተንት ክክ ክክ ከዝምዳ?

9 ታየረ የታ ገቀርት ተያየቲ? ዶንቅ ባይሰንም ዶንቅ ሳኦ ኤድንከሰ እቕንካ ሰጣንደትም ዶከንም መም ጋባሰርካ ጮጭ የ እምሳናንከረ የም ገቀርሳዮ?

10 ኮትኮግንደረ ታብዛ ባይሰን ኦይድ ሳኦ ኤድንከሰካንታ ማቻንደትምኬ ሰጣን ዶከንም መም ጋባሰርካ ጮጭ የ እምሳንደትም የታ ገቀርዳከቲ?

16:1 ማቶ. 12:38፤ ሉቃ. 11:16። * 16:3 ኤና እርንከሳር ፋይ. 2 ከ 3 ዶቅድባብ ዋልቃ ዋልቃ ኤንከሰ የሱሰታ ኬዘና ካዬ 16:4 ማቶ. 12:39፤ ሉቃ. 11:29። 16:6 ሉቃ. 12:1። 16:9 ማቶ. 15:34-38። 16:10 ማቶ. 15:34-38።

11 ይና ፈረሳውያንን ከዘንኬ ሰዱቃውያንን ከሰታ እርሰንዘንካ ካርሰምከቲ!’ ጋይሰቶ እ የም ኬዛንዳ ባይሰንካ ማታክንደትም ዐሰግንደረ የ ገቀርዳክንዳ?”

12 ክታካርንካ ጎርሰምድባብከሰረ የሱሰ ካርሰምከቲ ከትም ክት ጋይሳንደረ ፈረሳውያንን ከዘንኬ ሰዱቃውያንን ከሰታ ዳቅል ኤሰሰን ዳት ማጠንም ኡሰዝድን እርሰንዘንካ ማታክንደትም ገቀርሰኬ።

የሱሰ ክርሰቶሰ ማትንተን ጴጥሮሰታ ኬዘና
(ማር. 8:27-29፤ ሉቃ. 9:18-20)

13 የሱሰ ፍልጾስ ቀሳርያ ጋይምድን ፍጨናር ይ የልሳንደትካ ይንታካርንካ ጎርሰምድባብከሰም “ኤድንከሰ ኤድ ይንችንም ዐየክ ጋይዳ?” ጋየሮ ከትም ኦይሴ።

14 ከተረ “ዋልቃ ዋልቀንከሰ ኤና ሰእሰንባብ የሆነሴ፤ አብንከሰ ኤላሴ፤ አብንከሰ ኤርማሴ እነረ፤ ሳብዘንካ ኤሰርሶ ከዛቅባብከሳርንካ ዋልቀኔ ጋይደኬ” ክደር ጋይሰኬ።

15 የሱሰረ “የታ ማቼ እም ዐየንት ጋይዳ?” ኬትም ጋይሴ።

16 ካርን ኮታዘን ሰምኡን ጴጥሮሰ፤ “የና ዶቅንት ሳብንታ ይንች ክርሰቶሰየ” ጋይሶ ክትካንታ ማሰሴ።

17 የሱሰረ፤ “የነታ ይንችን ሰምኡና! የና እንጅምሰባበዬ ኮም የሰካንታ መያ ማሰሰባብ ጭላር ዶቅድባብ እሰታ ባበና ዳት ኤድ ካዬ።

18 እተረ የሰም ኩን ጋይድቲ፤ የና ጴጥሮሳየ፤ ኮትኮ ላዘንዘን እሰታ ምክሰ ኤሄንም ዎድቲ፤ ኮትኮ ምክሰ ኤሄንም ደእታ ዎልቀና ዎራ ጋማዬ።

19 ጭላ ባንችምን ፎጅድንደትም የሰካንታ እምትቲ፤ ፍጨዘን የሰ ዘክሰባብ ሙደና ጭላረረ ዘክርሰባብ ማደ፤ ፍጨዘን የሰ ቡልሰባብ ሙደና ጭላር ቡልምሰባብ ማተረ” ኩን ጋይሴ።

20 ኮታዘንከረ የሱሰ ይንታ ካርንካ ጎርሰምድባብከሰም ክት ክርሰቶሰ ማትንተን ዐየሰንካንተረ ከት ኬዝዳክንግንዳ ክትሴ።

የሱሰ ይንታ ደእንተኬ እምንተንካ ኬዛንዳ
(ማር. 8:31-33፤ ሉቃ. 9:22-27)

21 ኮታዘንከረ የድሶ የሱሰ ይንታ ካርንካ ጎርሰምድባብከሰም፤ “የሩሳሌም ካተመናር እይ ዎም ዝግዝዴ፤ ኮታረረ

ጋልተንከዘንካ ቀሰንከሰታ ገችንባብከዘንኬ ሙሴታ ህግንም ኤስዝድባብከዘንካ፥ ማጠና እዘን የልዴ፥ ከታ እም ደይሰተረኬ፥ ማችንከረ ማክምሰ ሰጩንካ እምድቲ” ኩን ጋይ ከደር የጄ።

22 ጴጥሮስ ማቼ የሱሰም አብንከዘንካ ዐርሳ ይይሶ፥ “የጮይሰዮ! ቦድሶ የዘን ዐይማታ! ኮና ሪና ቦድሶ የዘን የላዬ!” ኩንጋየር ዐጋ ክትም የጄ።

23 የሱሰ ማቼ ዋልንጋይሶ ጴጥሮስም፥ “የና ሰጣንኖ! ኦስ እሰታ ቡር አይካ! የና ኤተን ዳት ሳብትንደትም የሰ ገባርዳክንካንታ የና እካንታ ጎሄዬ” ክትም ጋይሴ።

24 ኮታ ቡር የሱሰ ይንታ ካርንካ ጎርሰምድባብከሰም፥ “እሰታ ካርንካ ጎርሰምካንታ ዝግድባብ ይንታ ማተን ካዳ፥ ይንታ ማጠንመረ ደእ የለልታ ባልሶ እም ክት ጎርሰማ። †

25 ይንታ ሰንፔንም አቅሰካንታ ዝግድባብ ሙደና ኮትም ካይዝዴ ኬዛርንካ ማቼ ይንታ ሰንፔንም እካንታ ኮትም ካይዝድባብ ማቼ ኮትም ዐብዴ።

26 ኤድ ፍጫሙደንታ ቆልመን ክት ዐፍሴ፥ ይንታ ሰንፔንም ክት ካይሴ፥ ዐርክ ክትም መይዳ? እነረ ኤድ ይንታ ሰንፔንካንታ ቆትመን ዐርክ ናግዳ?

27 ኤድ ይንች ይንታ ባቤንታ ቦንቸንካ ማትሶ ይንታ ክታይንችንካ ክክን ዐዴ፥ ኮታይከረ ዋልቃ ዋልቃባብከሰካንታ ክታ ፍክሰንከካ ክትካንታ እምምተሬ።

28 ደፈንካ እታ የም ጋይድቲ፥ ኤድ ይንች ይንታ ባንችምንታ ቦንቹንካ ማትሶ ክት ዐድግካ ኬታ ይ ሰተርን የለልታ ኮታር ዋእሰባብከሰታ ዎክያርንካ ደእዳክባብ ኤድንከሰ ደቅደኬ” ኩን ክትካንታ ጋይሴ።

17

የሱሰታ ማልክንታ ኦክምና

(ሉቃ. 9:2-13፤ ማር. 9:28-36)

1 ላ ሰጩታ ቡር የሱሰ ጴጥሮስም፥ ያይቆበምኬ እሰመን ዮሀንስምካ ዐክ ጎርሰሶ ዋልቃ ጩክን ጋይሳን ገችንዘን ዉተዴ።

16:24 ማቶ. 10:38፤ ሉቃ. 14:27። † 16:24 ግርክ አፈካ ማዝቀልን ባልሶ ጋይዴ። 16:25 ማቶ. 10:39፤ ሉቃ. 17:33፤ ዮሀ. 12:25። 16:27

ማቶ. 25:31፤ ዮቺ 62:12፤ ሮማ 2:6። 17:1 2 ጴጥ. 1:17-18።

2 ኮታዘን ከትዶቅድንካ ኬታ እሪ ኦክምሴ፥ ክታ ባለነረ ሀይማኖት ሳክሴ፥ ክታ አፍለነረ ጫምሳ ሳክመንግንዳ ማትሶ ሮጵሴ።

3 ኮታዘንከረ ሙሴከ ኤላሰካ የሱሰካ ክክን ከዝምድንካ ከትካንታ ሰድምሴ።

4 ኮታይካ ጴጥሮስ የሱሰም “የ ጮይሰዮ! ካሪ ዎ ደቅሳናና ዎካንታ ኡርሜ፥ ኮካንታ የሰ ዝግዴ ዋልቀንም የሰካንታ፥ ዋልቀንም ሙሴካንታ ዋልቀንም ኤላሰካንታ ማድን ማከን ዳልቼንከሰም ኡርሰትቴ” ጋይሴ።

5 ጴጥሮስ እክ ኮም ኬዘዘን ክት ደቅድንካ ሳግድን ኡፓ ከትም ሰፍሰ፥ ኡፔታ ዋረረ “ክትካ እም ጉርምዝድባብ እ ሶልምድን እሰታ ይንቸና ኮኔ፥ ክትም ኤሰርከቴ!” ኩን ጋይድን ኡፍሰ ኤሰምሴ።

6 ክታ ካርንካ ጎርሰምድባብከሰረ ኮም ኡፍሰን ከታ ይ ኤሰርሰንደትኬ እንድር ገቅሰኮ ከታ ይንታ ባለንካ ፍጨዘን ጉፕን ጋይሰኬ።

7 የሱሰ ማቼ ከደር ሀድሶ ይንታ እንንካ ከትም ሀጭሶ “እምከቴ፥ ሀይጳሰቴ!” ከትም ጋይሴ።

8 ከተረ ጩክን ጋይሰኮ ከት ሰድንካ የሱሰዘንካ አብ ሀይመንረ ሰዳከኬ።

9 ገቼንዘንካ ከት ሀንቼርድንካ የሱሰ “ኤደት ይንቸ ደእያርንካ አምተርን የለልታ ኮም የ ሰዳንደትም ሀየንካንተረ ሀይከዘቴ” ጋየሮ ይንታ ካርንካ ጎርሰምድባብከሰም ክትሴ።

10 ክታ ካርንካ ጎርሰምድባብከሰረ፥ “ይና፥ ሙሴታ ህግንም ኤሰዝድባብከሰ እርምሶ ሀድ ዝግዝድባብ ኤላሴ ሀረተክ ጋይዳ?” ጋየረኮ የሱሰም ኦይሰኬ።

11 የሱሰረ፥ “ኮና ገቴ ኤላሰረ እርምሶ ሀይ፥ ኖ ሙደንም ኡርዝዴ።

12 ኬዛርንካ ማቼ ኤላሰ ኤና እር ሀቴ እታ የም ጋይድቴ፥ ኤድንከሰ ማቼ ክትም ኤሳከኬ፥ ኮካንታ ከታ ይ ዝግዛንደትም ሙዳ ክታዘን ይሰኬ። ኮትኮግንደረ ጉጅሶ ኤደት ይንቸ ከታ እንያር ማጠንም ተይክትም ዝግዝዴ”። ኩንጋየሮ ከትካንታ ማሰሴ።

13 ኮታይካ ክታ ካርንካ ጎርሰምድባብከሰ የሱሰ ኬዛንዳ ስእሰንባብ የሀንሰጎካ ማትንተን ኤሰኬ።

የሱሰ ግምዘካ የደርሰባብ ይንቹንም ፋቶና
(ማር. 9:14-29፤ ሉቃ. 9:37-43)

14 የሱሰከ ክታ ካርንካ ጎርሰምድባብ ማከንንከሰካ ክክን ዋርሰንደር ከት ማቻንደትካ፥ ዋልቃ ኤች የሱሰደር ዐድሶ ክታ እሪ ጉንፈርሶ።

15 “ጮይሰዮ! ዋደ እሰታ ይንቹንካንታ አተርካ ባልት ክትም አይተር ግምዘ ሰቅምና እንድር ክትም ማእዘዴ፥ ኖሄታ ዋርከ ሎቀታ ዋረረ በድዐይካ ዋጅዴ።

16 የሰታ ካርንካ ጎርሰምድባብከዘደረረ ክትም ተይዐትት ደቆ፥ ኬዛርንካ ማቼ ክትም ፋቶካንታ ማታከኬ” ኩን ጋይሴ።

17 የሱሰረ፥ “የታ አመንምዳክን ዋብ አጥርና! ዐንታ የለልትሰ የንካ ክክን እታ ደቅዳ? ዐንታ የለልትሰ የም እታ ዳንዳእዳ? ይና ይንቹንም እዘደር ተይ ዐድከቴ!” ክትም ጋይሴ።

18 ኮታዘንከረ የሱሰ ግምዘንም ዋጮ፥ ግምዘነረ ይንቹንዘንካ ወተዴ፥ ይንቹነረ ሳዓትን ኮታዘነ ፋጮ።

19 ኮታ ቡር ክታ ካርንካ ጎርሰምድባብከሰ ከታ ይንት የሱሰደር ዐድሰኩ፥ “ዋታ ግምዘንም ወቕካንታ ዋ ማታክንዳ ዐረተረ?” ጋይሰኮ ክትም አይሰኬ።

20 የሱሰረ፥ “የንታ አሜንንታ ቶክንታኀኬ፥ ደፈንካ የም ጋይድቴ፥ ሰናፍጭ ጋየርድንደታ አፍከከንዳ አሜን የንታ ደቅሳን ማቼ ኮ ገቼንም፥ ሱዘንካ አምሳዮ እሰ አይካ!’ የ ጋይሴ አይዴ፥ የም ጋምድንዳ ዐረርየረ ደቃዬ።

21 (ኮግንዳ ግምዘና ማቼ በቼካ ዐቅሶ ምክሳክንዳ ማቼ ቦድሶ ወዳክዬ” ኩን ከደር ጋይሴ)።*

የሱሰ ይንታ ደእንጎኬ ደእናርንካ አምንተንጎካ ቃሰትምሰ ኬዛንዳ

(ማር. 9:30-32፤ ሉቃ. 9:43-45)

22 ክታ ካርንካ ጎርሰምድባብከሰ ገሊላር ሳንምሰኮ ከትደቅድንካ የሱሰ ከትም ኩን ጋይሴ “ኤድ ይንቹንም ሰክሰት ኤድንከሰካንታ ክትም አምተረኬ፤

17:20 ማቶ. 21:21፤ ማር. 11:13፤ 1 ቆሮ. 13:2።
ኮና ፋይደና ካዬ።

* 17:21 አብ ንከሳር

23 ከተረ ክትም ደይስተረኬ፥ ኖየረ ማክምስ ሰጩንካ እምተሬ” ክታ ካርንካ ጎርስምድባብከስረ እንድር ሞርእስኬ።

ሳብታ ጭል ኤሄንጎካ ግራ ናክና

24 የሱስኬ ክታ ካርንካ ጎርስምድባብከስ ቅፍርናሆም ካተመናር ከት የልሳንደትካ ሳብታ ጭል ኤሄንታ ግረን ተይድባብከስ ጴጥሮስደር ዐድሶ፥ “የንታ ኤስስንባብ ሳብታ ጭል ኤሄንታ ግረንም ናግዳክዮ?” ጋይሶ ክትም ኦይስኬ።

25 ጴጥሮስረ፥ “ይዬ ኖ ናግዳ” ከደር ጋይሴ። ጴጥሮስ ኤሄናር ክት እርደዳንደትካ የሱስ እርምሶ “ሰምኡን ጴጥሮስ! ዐድክ የዘደር ካምዳ? ፍጨዘን ባንቶንከስ ቃረጭንከ ግረን ከት ተይድንዳ ዐይዘንከረ? ከታ ፍጫ ኤድንከዘንኮ እነረ ፍጫ ኤድ ማታክባብከዘንኮ?” ኩንጋይሶ ክትም ኦይሴ።

26 ጴጥሮስረ “ፍጫ ኤድ ማታክባብከዘንኬ” ጋይሳንደትካ የሱስረ፥ “ኩን ማቼ ከታ ፍጫ ኤድንከስ ግረንም ናካየክ ጋይንትዬ።

27 ኬዛርንካ ማቼ ከትካንታ ጎሀ ማተራክንግንዳ ባሀርናር እይሳዮ ሞለን የድን ማንጠቆን ኦይትካ፥ እርናና ዉድንደት ሞለንታ፥ አፈናርንካ ብራ ዐፍተራዬ፥ ኮት ብረንም ተይሳዮ እስተንምኬ የስተንም ናካ” ኩን ጋይሴ።

18

ጭላ ባንቶማር ሙደንዘንካ ሰግና ዐይራ

(ማር. 9:33-37፤ ሉቃ. 9:46-48)

1 ኮታይካ ክታ ካርንካ ጎርስምድባብከስ የሱስደር ዐድሶኮ “ጭላ ባንቶማር ሙደንዘንካ ሰገድባብ ዐይራ?” ጋይሶኮ ክትም ኦይስኬ።

2 የሱስረ ዋልቃ ይንቶ ኤልሶ ከታ ዎክያር ዎይሰሶ፥

3 ኩነረ ጋይሴ “ዶፈን የም ጋይድቴ የ ኦክማክንዳ ማቸኬ ይንቶንከሰግንዳ የ ማታክንዳ ማቼ ቦድሶ ጭላ ባንቶምናር እርዳከቴ።

4 ይና ኮ ይንቶንግንዳ ይንታ ማተንም ይርክሳ ይድባብ ጭላ ባንቶምናር ሙደንዘንካ ሰግ ማተረ።

5 “ኮግንዳ ዋልቃ ይንቕ እስታ ላምንካ ሞግድባብ እም ሞግዳ።

ኤድም ኮተርስዘንካ ካርሰም
(ማር. 9:42-48፤ ሉቃ. 17:1-2)

6 “ዐየነረ ኤድ እንካ እሜንድባብ ከትኬ መረንከሳርንካ ዋልቀንም ጎማር አርጅድንዘንካ ደጭማ ደይሰን ሰይንንም ይንታ ባርናር ዘክሶ ባህርንታ ጨርናር ኦይትምሶ ኤቅዘምሰሰ ናና ክትካንታ ኡርዴ።

7 ኮታዘንከረ የሱስ፥ “ኤድንከሰ ጎማር አርድንግንዳ ከት ይድን ሪንከሰንካ ፍጫ ሙደን የኤ! ዐነተረ ማታ ኤድም ኮተርዘድን ርንከሰታ ዐድንተና ነጋዬ፥ ኬዛርንካ ማቼ ኮተርዘድንደትም ተይዐድባብ ኤችን ክትካንታ የኤ!

8 የሰታ አነረ ማታ የሰታ ዱትነረ ጎማ የሰ ፍግዘድንግንዳ የሰም ኮተርዘድ ተችተዮ የዘንካ ዐልእስካ! ቃሰቴን እን ናንከረ ቃሰቴን ዱት የሰታ ዶቅሰንካ ሰለንካ ድግዳክን ኖሄናር የሰ ኦይትምተርንዘንካ፥ ዱንግላ አነረ ዋከል ዋከልን ጋይድባብ ማትሳዮ ሰለንክንደታ ዶቅንተናር የሰ አርደዳናና ኡርዴ።

9 የሰታ አፍነረ ጎማ የሰ ፍግዘድንግንዳ የሰም ጎማር አርጅደ ዉችተዮ ዛእካ! ቃሰቴን አፍ የሰታ ዶቅሰንካ ድግዳክን ኖሄናር የሰ ኦይትምተርንደትዘንካ ዋልቃ አፍ የሰታ ዶቅሰንካ ሰለንክንደታ ዶቅንተናር የሰ አርደዳናና ኡርዴ።

10 ጭላር ዶቅድባብ ከታ ክታይንቅንከሰ ሙዳዐይካ ጭላር ዶቅድባብ እስታ ባቤንታ ባለንም ከት ሰድንካንታ ከትከ መረንከሳርንካ ዋልቀንመረ ዋራ የ ቶጅዳክንግንዳ ካርሰምከቴ።
[

11 ኤደት ይንቼረ ዐዳንዳ ካይድባብም አቅሰካንቴ። ኩን ጋይሴ።]*

ካይሶ ዐፈርሳን ቆለንንታ ካምሰ
(ሉቃ. 15:3-7)

12 ኮታዘንከረ የሱስ፥ “ይና የንደር ዐረምክ ካምዳ? ዋልቃ ኤችንታ ጨታ ቆል ክታ ዶቅድንዳ ማቸኬ ከታርንካ ዋልቀና

18:8 ማቶ. 5:30።
11 ፋይደንም ጉጃዬ።

18:9 ማቶ. 5:29።
18:11 ሉቃ. 19:10።

* 18:11 እና እር በድ ንከሳር

ክታዘንካ ካይዴ ኦይድ ቦንደክ ታመኬ ሳክለን ገቼዘን ዛቅሶ ካይዳንደትሞ ዋልቀን ዝግመትካንታ ኦይዳክዮ?

13 ደፈን የሞ ጋይድቴ፥ ይ ዐፍሳንደትከረ ካያክን ኦይድ ቦንደኬ ታመኬ ሳክለንዘንካ ሰግ ካይሶ ዐፈርሳን ቆለንንካ ጉርሞዴ”።

14 ኮትኮግንደረ ጭላር ደቅድባብ የንታ ባቤና ከትኬ መረንከሳርንካ ዋልቀነረ ካይድንግንዳ ዝጋዬ።

ይንታ እስመንሞ ዐጋካ

15 “የሰታ እስመና የሰሞ ባችሰ የሰኬ ክትካ ዐክ ማትሰቶ ክታ ባችንሞ ክትካንታ ከዝካ፥ የሰሞ ክት ኤሰርሴ የሰታ እስመና ክትሞ ማሰካ፥

16 የዘደር ክት ኤሰራክንዳ ማቼ ቃሰተን እነረ ማከን ኤታ ማርከርና ደቅድንካንታ ቃሰተን እነረ ማከን ኤድሞ የድሶ ክደር አይካ።

17 ከትመረ ክት ኤሰርዳክቴ ጋይሴ ሞክሰ ኤሄናር ኤድንከሰካንታ ኬዝካ፥ ሞክሰ ኤሄናር ኤድንከሰካንታ ክት ኤሰርዳክንዳ ማቼ ደራግንደኬ ቶችሞሳን ኤድግንዳ ማሰሶ ፋይድካ”።

18 “ደፈንካ የሞ ጋይድቴ፥ ፍጨዘን የ ዘግድባብ ሙዳ ጭላር ዘከርሰባብ ማቴረ፥ ፍጨዘን የ ማታ ጋይሳንዳ ሙዳ ጭለዘነረ ማተረ።

19 ጉጅሰረ የሞ ጋይድቴ፥ የንታርንካ ቃሰተና ፍጨዘን ዐገምን ሪመረ ሞክሰካንታ ኤእሰኮ ከት ኦይሰኬ ከት ሞክሴ፥ ጭላር ደቅድባብ እሰታ ባበና ከትካንታ ቦተረ።

20 ቃሰተን ናከረ እና ማከን ማትሶ እሰታ ላምንካ ከት ሳንሞድንደታር እታ ከታ ዋክያር ዐፈርትቴ”። ኩን ጋይሴ።

ነጋ ጋይንታካ

21 ኮታይካ ጴጥሮስ የሱሰደር ዐድሶ፥ “የ ጮይሰዮ! እሰታ እስመና እሞ ክት ባችሰ መሞ ዱትሰ ክትሞ ነጋ ጋይቴ? ታብዛ ዱቶ?” ጋየሮ ክትሞ ኦይሴ።

22 የሱሰረ፥ “ማከን ቦንደኬ ታሜከ ታብዛ ዱት ዳት ታብዛ ዱት ዐክ የሰሞ ጋያይቴ” ኩን ጋይሴ።

23 “ኮካንታ ጭላ ባንቕምና ይንታ ፍክሰንባብከሰታ አንያር ደቅድን ብረንም ሰድንካንታ ዝግድባብ ባንቕንም ካምዴ፤

24 ባንቕና ከታ ፍክሰንም ሰድን የጃንደትካ በድ ሳኦ ብራ ፋይድምድን ባዛ ደቅድባብ ዋልቃ ፍክሰንባብ የድምሶ ዐጼ።

25 ኖኮና ፍክሰንባብና ባዘን ናክካንታ ክት ማታክንኦል ኖየረ ክታ ኬነነረ፤ ክታ ይንቕነረ፤ ክታ ደቅድንደትም ሪንም ሙዳ ሰንሶ ባዘንም ናግድንግንዳ ክታ ማታቆልሰባብ ክትሴ።

26 ኖኮና ፍክሰንባብና ማቕ ይንታ ማተን ቆልሰባብታ ዱትንዘን ጉንፈርሶ ‘የ ዋባቦ! ዋደ መራ ሰጫ እካንታ እምካ፤ ሙደንመረ የሰካንታ ናክትቴ!’ ጋይሶ ክትም ምክሴ።

27 ክታ ማተን ቆልሰባብረ ክትካንታ አተርሰንደትኬ ክትም ኦይቼ፤ ባዘንመረ ክትካንታ ዛቅሴ።

28 “ኬዛርንካ ማቕ ኖኮና ፍክሰንባብና ኮታርንካ ዉትሶ ክት እያደቅድንካ ዋልቃ ጨታ ጣገራ ብራ ክታዘንካ ታልቅት ተይባብ ክትካ ክክን ፍግዝድባብ ላኮይትን ዐፍሰንደትኬ ባርን ክታ ጉንኦት የድሶ፤ ‘እየሰካንታ ታልቅሳን ብረንም እሰታ ናካ!’ ክትም ጋይሴ።

29 ኮታዘንከረ ክትካ ክክን ፍግዝድባብ ላኮይትነረ ክታ ዱትንዘን ዋቕሶ፤ ‘መራ ሰጫ እካንታ እምካ፤ የሰካንታ ናክትቴ!’ ጋይሶ ክትም ምክሴ።

30 ኖ ማቕ ዋይዬ ጋይሴ። ኮታዘንከረ ክትም የት ኦይሶ ባዘንም ናክተረን የለልታ ክትም ዞክሴ።

31 ክትካ ክክን ፍግዝድባብ ኦብ ላኮይትንከሰ ኮት ኮም ከታ ይ ሰዳንደትካ አንድር ሞርእሰኮ፤ ማታቆልሰባብደር ዐፍሰኮ ይምሳንደትም ሙዳ ኬዘኬ።

32 ክታ ማተን ቆልሰባብረ ክትኮ ፍክሰንባብም ኤልሰሶ፤ ‘የና ዳቅል ፍክሰንባብ! የሰ እም ምክሳንካንታ የዘን ደቅድንደትም ባዘንም ሙዳ የሰካንታ ዛቅሰቴ፤

33 ይና፤ እታ የዘን ባዘን እ ዛቅሳንግንዳ፤ የነረ የሰታ ላኮይት ማቕባብ ፍክሰንባብዘን ባዘንም ክትካንታ ዛቅ የሰም ዝክሳየ?’ ኩን ጋይሴ።

34 ኮካንታ ክታ ማታቆልሰባብረ ዋጭሶ ባዘንም ሙዳ ክት ናክተርን የለልታ ክትም ዞክና ኤሄንም ክድባብከሰካንታ ሰክሰት እምሴ።

35 “ይና የተረ ዋልቃ ዋልቀንከሰ የንታ እሰመንም የንታ ቡዳርንካ ነጋ የ ጋይዳክንዳ ማቕ ጭላር ደቅድባብ እሰታ ባቤነረ

ኮትኮግንዳ የንዘን ይተፊ።”

19

ቡልም ዝግዝዳክንደትም እምምሳን ኤሰሰና

(ማር. 10:1-12)

¹ የሱስ ኮም ኬዘሶ ይ በይሳንደታ ቡር ገሊላ ፍጨናርንካ እምሶ፡ ዮርዳኖስ ሎቀንታ ፋማ ደቅድን ይሁዳ ፍጨናር አይሴ።

² በድ ዋርሰንከሰረ ክትም ጎርሰምሴ ከታርንከረ ሰቀርሰባብከሰም ኮታር ፋችሴ።

³ ኮታይካ ፈረሳውያንንከሰ ክደር ዐድሰኮ ጳጫካንታ ክትም ዝግሶ፡ “ኤድ ይንታ ኬነንም ዐምንጎካረ ቡልድንግንዳ ክትካንታ ጋይምቶ?” ጋየረኮ ክትም ኦይሰኬ።

⁴ የሱሰረ፡ “ሳብ እር እኅነኬ ማነካ ማሰሶ ክትም ፍዛንደትም ናበባከቲ?”

⁵ ጉጅሰረ ‘ኮኅካ ኤድ ይንታ ባበንምኬ እንደንም ዛቅሶ ይንታ ኬነንካ ክክን ማዴ፡ ከታ ቃስተነረ ዋልቃ ዋሀ ማደኬ’

⁶ ኮካንታ ከታ ይና ኮዘንካ ኦስ ዋልቃ ዋሄክ ዳት ቃስተን ማታየኬ። ይና ሳብ ዋልቃ ክትም ማሰሳን ኤድ ዐይ ፋሳ” ኩንጋየሮ ክትካንታ ማሰሴ።

⁷ ፈረሳዊያንንከሰረ “ይና ሙሴ ‘ክእሰና ይንታ ከነንካንታ ኮታ ቡልምንታ ማርካ ማድን ዋርቀት እምሶ ብልድንግንዳ’ ዐረቲክ ክትሳፊ?” ክደር ጋይሰኬ።

⁸ የሱሰረ፡ “ሙሴ ማቼ የንታ ከንከሰም የ ቡልድንግንዳ ክት የካንታ ጋይሳንዳ የንታ ቡደና ዳቅሶ ዘርዘድባብከሰ የማቻንጎኬ” ኤና እሪ ማቼ ኩን ካዬ።

⁹ “እታ ማቼ፡ ‘ዋልቃ ኤድ ቤልምንጎካ ማታክንዳ ማቼ ይንታ ኬነንም ቡልሶ አብ ማነም ክት እንቼ ኖ ቤልምቲ’ እታ የም ጋይድቲ ኩን ከትም ጋይሴ።”

¹⁰ ክታ ካርንካ ጎርሰምድባብከሰረ፡ “ክእሰተኬ ኬነንተካ ዋገና ኩን ኮት ማቼ እንቲክሳ ነግና ኤርዴ” ክደር ጋይሰኬ።

¹¹ የሱሰ ማቼ፡ “ኮና ሪና ማድንዳ ሳብዘንካ እምምሰባብከሰካንታ ዳት ሙደንካንታ ማታዬ።

12 ይንታ እንደንታ ዋርንካ ሰላ ማትሶ አጥምሰባብከሰ ደቅደኬ፥ ኤድ ከታ ጉሰባብከሰረ ደቅደኬ፥ ጭላ ባንቶምንካንታ ጋይሰኮ ከታ ይንታ ማታካንታ እንጅዳክባብከሰኬ ይእዳክባብከሰረ ደቅደኬ፥ ኮካንታ ኮም ማትካንታ ዝግድባብ ማታ” ኩን ከትም ጋይሴ።

የሱስ ይንቶንከሰም እንጅና

(ማር. 10:13-16፤ ሉቃ. 18:15-17)

13 ኮታይካ ይንታ እንን ዋድሶ ከትካንታ ምግዝድንግንዳ ኤድንከሰ ይንቶንከሰም የሱሰደር ተይ ዐደኬ፥ ክታ ካርንካ ነርሰምድባብከሰ ማቼ ኤድንከሰም ዋጩኬ።

14 የሱሰረ፥ “ጭላ ባንቶምና ከትከናከሰግንደንታ ማቻንካንታ ይንቶንከሰም ዛእከቴ፥ እዘደር ከት ዐዳ፥ ዐይ ከትም ማረቴ” ጋይሴ።

15 ይንታ እንንመረ ከታዘን ይ ዋጃንደታ ቡር ካርንኮታርንካ ዉትሶ አይሴ።

ቆልመንክንባብ ሰከንንታ ኦይሰና

(ማር. 10:17-31፤ ሉቃ. 18:18-30)

16 ዋልቃሰጭ ዋልቃ ኤች የሱሰደር ዐድሶ፥ “ኤሰሰንባቦ! ሰለንክንደት ደቅንትን ዐፍካንታ ዐፊ ኡርማ ሪ ፍክሰ እም ዝግዝዳ?” ጋይሶ ኦይሴ።

17 የሱሰረ፥ “ኡርማ ሪንካ ዐረተሰ እም ኦይዝዳ? ኡርማ ማቶባብ ኖ ዋልቄ፥ ሰለንካ ደቅንትናር አርድካንታ የሰ ዝግድንዳ ማቼ ክታ ክተንከሰም ቦድካ” ክትም ጋይሴ።

18 ኤችነረ “ዐምን ክተንከሰም?” ክደር ጋይሴ።

የሱሰረ ኩንጋየር ማሰሴ “ዐይ ደይሴ፥ ዐይ በልመ፥ ዐይ ድቤ፥ ካርከካ ዐይማርከፊ፥

19 የሰታ ባቤንምኬ የሰታ እንደንም ቦንቶካ፥ የሰታ የለንም የሰታ ማታግንዳ ማሰሶ ሶልምካ፥ ጋይድን ክተንከሰኬ” ክደር ጋይሴ።

20 ሰከን ኤችነረ “ከትኬና ክተንከሰም ቦትቴ፥ አብ እዘንካ ዘገርድንዳ ዐረርየረ?” ጋይሴ።

21 የሱሰረ “ቦድማ ማትካንታ የሰ ዝግዝ አይሳዮ የሰታ ደቅድን ሪም ሰንሰዮ ብረንም ሪካየንባብከሰካንታ እምካ፥

ጭላረረ ቆልመን ዐፍተራዬ፤ ኮታዘንከረ ዐድሰዮ እም ጎርሰምካ” ክትም ጋይሴ።

²² ሞኮና ሰከን ኤችና ማቼ በድ ቆልማ ክታ ዶቅድንካንታ ኮም ይ ኤስርሳንደትካ ሞርኤሮ አይሴ።

²³ ኮታ ቡር የሱሰ ይንታካርንካ ጎርሰምድባብከሰካንታ፤ “ዶፈን የም ጋይድቴ፤ ቆልመክንባብ ኤድ ጭላ ባንችማር አርድና አንድር ማጠ።

²⁴ ጉጅሰረ የም ጋይድቴ፤ ቆልመክንባብ ኤድ ሳብታ ባንችማር አርድንዘንካ ግመል ማርፈታ ጨቅካ አርደሰናና ኡርዴ” ኩን ከደር ጋይሴ።

²⁵ ክታ ካርንካ ጎርሰምድባብከሰረ ኮም ከታ ይ ኤስርሳንደትካ አንድር በርእሰኮ “ይና ዐይ እቅካንታ ማዳ?” ጋይሰኬ።

²⁶ የሱሰረ ከደር ሰድሶ “ኮና ርና ኤድካንታ ማዳክንዴ፤ ሳብካንታ ማቼ ሙደና ክደር ማዴ” ጋይሴ።

²⁷ ኮታይካ ጴጥሮስ “ይና ዋታ ሙደንም ዛቅሶቶ የሰም ጎርሰምሶቴ፤ ኮናና፤ ዋ ዐብድንዳ ዐራርዳቶ?” ጋይሴ።

²⁸ የሱሰረ፤ “ዶፈን የም ጋይድቴ፤ ኤደት ይንች ቦንችምሳን ዶቅንት ጎንገንዘን ዶቅድንደትዐይካ ዐድን ክላ ፍጫሙደንዘን እም ጎርሰምድባብከሰ የታ፤ ታመኬ ቃሰተን ባንችንከሰ ዶቅድን ጎንገንዘን ዶቅተረቴ፤ ታመኬ ቃሰተን እሰራኤልንክሰታ አጥርንከዘን ፋረተረቴ።

²⁹ እካንታ ጋይሶ ይንታ ኤሄንም፤ አነረ ይንታ እሰመንከሰም፤ አነረ ይንታ ሞችንከሰም፤ አነረ ይንታ ባበንም፤ አነረ ይንታ እንደንም አነረ ይንታ ይንችንከሰም፤ ይንታ ዋንንም ዛቅሰባብ ሙደና ጨተዘን ጨታ ጉጅምሳን ተይተሬ፤ ሰለንክንደታ ዶቅንትንመረ ዐፍተሬ።

³⁰ ኬዛርንካ ማቼ ታ እሬ ማችባብከሰ በድንከሰ ቡርንባብከሰ ማተረኬ፤ ቡርንባብ ማችባብከሰረ እርንባብከሰ ማተረኬ” ኩን ከደር ጋይሴ።

20

ዋይን ኮረርሳን ካርናር ፍግዝድባብከሰታ ካምስ

1 “ጭላ ባንቸምና ዎይንን ኮረርሳን ካርናር ፍግዝድባብከሰም ዐፍካንታ ዛማ ገልት ወተድባብ ዐጸምንባብ ኤችንም ካምዴ።

2 ናኮና ኤችና ዋልቃ ዋልቃባብከሰካንታ ዋልቃ ሰጨታ ዋልቃ ጣገራ ብራ ናክካንታ ከትካ ኤእሶ፥ ፍክሰንባብከሰም ዎይን ኮረርሳን ካርናር ከትም ኦይቼ።

3 ዛማ ማኬን ሳዓታዘን ወትሶኮ ፍክሰ ከትም ካይድንካ መለንዘን ዎእሰባብ ኡብ ኤድንከሰም ሰዴ፥

4 ‘የተረ ዎይን ኮረርሳን ካርናር እይሰቶ ፍክሰከቲ፥ የካንታ ዝግዝድንደትመረ ናክንም ናክትቲ’ ከደር ጋይሴ።

5 ከተረ ዎይንን ኮረርሳን ካርናር እይሰኬ ጉጅሰረ፥ “ዐየካ ላ ሳዓታዘንኬ ሳክላ ሳዓታዘን ወትሶ ኮትኮግንዳ ኤድንከሰም ዐፍሶ ኦይቼ።

6 “ዐክሰን ታመከ ዋልቃ ሳዓትካ ወትሶ ኡብ ኤድንከሰ ዎእሶ ደቅድንካ ዐፍሰንደትኬ ‘የታ ዐቅንተንም’ ሙዳ ፍክሰካይሳ ካሪ የ ዎእሳንዳ ዐረተረ?’ ጋይሶ ከትም ኦይሴ።

7 ከተረ ‘ዎም ዐፍሶ ፍክሰዝድባብ ኤድ ካይድንኬ’ ክደር ጋይሰኬ፥ ኖየረ ‘ኮማቼ የተረ ዎይን ኮረርሳን ካርናር እይሰንደትኬ ፍክሰከቲ’ ከትም ጋይሴ።

8 “ፍጨና ሶይቻንደትካ ዎይን ኮረንታ ባቡና ፍክሰዝድባብም ‘ፍክሰንባብከሰም ኤልሰዮ ቡርንባብከዘንካ የድሳዮ እርንባብከሰ የለልታ ከታ ፍክሰንታ ናክንም ናካ’ ከትም ጋይሴ።

9 ኮካንታ ዐክሰን ታመከ ዋልቃ ሳዓታዘን ፍክሰን የጅባብከሰ ዐድሶኮ ከታ ዋልቃ ዋልቀንከሰ ዋልቃ ብራ ጣገረን ተየኬ።

10 እርና ፍክሰን የጅባብከሰ ዐድሶኮ ኡብንከዘንካ ሰግ ናክንም ከት ተይድን ከደር ካምሳዶቆ፥ ኬዛርንካ ማቼ ከተረ ዋልቃ ዋልቃባብከሰ ዋልቃ ብራ ጣገራ ተየኬ።

11 ብረንም ተይሶኮ ዎይን ኮረንታ ባቡንዘን ኩን ጋየረኮ ጉንድምሰኬ፥

12 ‘ከታኬና በእንተንዘን ዐድሶኮ ከት ፍክሳንዳ ዋልቃ ሳዓት ዐክዬ፥ ኬዛርንካ ማቼ ዐቅንተንም ሙዳ ዐይር ኢትረርቶ እንድር ፍክሰካ ጋብድ ዎ ዐቅባብካ ክክን የካ ከትም ማሰሳዬ’ ” ጋይሰኬ።

13 “ዎይን ኮረንታ ባቡነረ ይንታ ፍክሰንባብከሳርንካ ዋልቀንካንታ፥ ‘እስታ ገርነኖ! ዐረነረ የሰካንታ ዳቀልሳክቲ፥

ዎ ከዝምሳኔደረ ሰጩካ ዋልቃ ጣገራ ብራ የሰካንታ ናክካንታ ካዮ?

14 ኮካንታ የሰካንታ የልድንደትም ተይሳዮ አይካ፤ የሰካንታ እምምሳኔክካ ክትኮ ቡርንባብካንተረ እምካንታ ጋይሳቴ።

15 እሰታ ገታ ቤርንካ እ ዝግዛንደትም ይካንታ እሰታ ሰና ካዮ? አነረ እታ እምድባብ እ ማቻንካንታ የሰም ዳቅል ገቀርሶ? ” ኩንጋዩሮ ክትካንታ ማሰሴ።

16 ኮታ ቡር የሱሰ “ኮት ኮግንደረ ቡር ማቻባብከሰ እርንባብ፤ እርማቻባብከሰ ቡርንባብከሰ ማተረኬ” ጋይሴ።

የሱሰ ይንታ ደእንነኬ እምንተንነካ ማክምሰ ዱት ኬዘና

(ማር. 10:32-34፤ ሉቃ. 18:31-34)

17 ኮታ ቡር የሱሰ የሩሳሌም ካተመናር አየረኮ ጎግዘን ታመከ ቃሰተን ይንታ ካርንካ ጎርሰምድባብከሰም ክትም ዐክ ይንደር ኤልሶ፤

18 “ይና ታ የሩሳሌም ካተመናር ወታደቅደተ፤ ኮታረረ ኤድይንቻም ቃሰንከሰም ገቻዝድባብከሰተኬ ሙሴታ ህግንም ኤሰዝድባብከሰካንታ ሰክሰምት እምምዴ፤ ከተረ ደእታ ፍርድንም ከታዘን ፋረተረኬ።

19 እይሁድ ማታክባብከሰካንተረ ሰክሰት ክትም እምተረኬ፤ ከተረ ክታዘን ዐልተርተረኬ፤ ክትም ዐርተረከ፤ ክትም ሮክተርከ፤ ኖ ማቼ ማክምሰ ሰጩንካ ደእናርንካ እምተሬ” ኩን ከደር ጋይሴ።

ዛብደሰታ ይንቻንታ እንደንታ ምክሰና

(ማር. 10:35-45)

20 ኮታዘንከረ ዛብደሰታ ይንቻንከሰታ እንደና፤ ይንታ ይንቻንከሰካ ክክን የሱሰደር ዐድሶ ክታ እረረ ጉንፈርሶ ኮትካንታ ዋልቃ ሪ ይድንግንዳ ክትም ምክሴ።

21 የሱሰረ “ዐረሰ ዝግዳ?” ኮትም ጋይሴ።

ናየረ “የሰታ ባንቻምናር ኬና ቃሰተን እሰታ ይንቻና ዋልቃባብና የሰታ ምዝዘን ዋልቀና የሰታ ከቻዘን ከት ደቅድንግንዳ ጋይካ!” ና ጋይሴ።

22 የሱሰ ማቼ “የታ የ ምግዝድንደትም ኤዘዳከቴ፤ እታ ቅንቻ ሰጫር እ ዋጭድንደትም ማጠንታ ኡፕተናር ዋጭምን

ዎጭካንታ ማደቱ?” ከትም ጋይሴ። ከተረ፣ “ይዩ ዎጭካንታ ማደቱ!” ክደር ጋይሴ።

23 የሱሰረ “ገታ እ ዎጭድንደትም እስታ ማጠንታ ኡፕተናር ዎጭምን ዎጭተረቱ፣ ኬዛርንካ ማቼ ኤድንከሰም እስታ ምዝዘንኬ እስታ ከቶንዘን ከት ዶቅድንግንዳ ይድባብ እታ ካይቱ፣ ኮና ካርና እምምድንዳ እባብ ግግሳን ኤድንከሰካንቱ” ክደር ጋይሴ።

24 ነግድባብ ክታ ካርንካ ጎርሰምድባብ ታሜንከሰ ኮም ምክሰን ከታ ይ ኤሰርሳንደትካ ከት ቃሰተንከዘን ዋጨኬ።

25 የሱሰ ማቼ ሙደንም ኤልሶ፣ “እይሁድ ማታክባብከሰም ገችዝድባብ ይንታ ዋርሰንከሰም ቆልድባብከሰኬ፣ ከትም ጎርዝድባብከሰረ ከታዘን ገችታ ኤራ ዶቅድንደትም ኤዘደቱ።

26 የንታ ዎክያር ማቼ ኮግንዳ ማትዝክሳዬ። ኬዛርንካ ማቼ የንታ ዋርንካ እንድር ማትካንታ ዝግድባብ የንታ ፍክሰንባብ ማታ።

27 ኮትኮግንደረ የንዘንካ ሰግ ማትካንታ ዝግድባብ የ ሙደንታ ፍክሰንባብ ማታ።

28 ኤድይንች ኤድካንታ ፍክሰካንተኬ በድንከሰም እቅሰካንታ ይንታ ሰንፔንም ሰክሰት እምንተካ ቆት ተይካንታ ዐጻ ዳት አብንከሰ ክትካንታ ፍግዝድንግንዳ ዐጻክዬ።”

የሱሰ ዓፊይ ዘል ቃሰተን ኤድንከሰም ፋችና

(ማር. 10:46-52፤ ሉቃ. 18:35-43)

29 ኮታ ቡር ኢያርኮ ካተመናርንካ ዉትሶ ከት አይድንካ በድ ዋርሳ የሱሰም ጎርሰምሰኬ።

30 ይና፣ ጎግታ ካንታር ዶቅሰባብ ቃሰተን እፍይ ዝልንከሰ ጎግንኮትካ ሰጋዶቅድባብ የሱሰ ማትንተን ከታ ይ ኤሰርሳንደትካ፣ “ጮይሰ ዳውተታ ይንችኖ! ዋደ ዎካንታ አጨርካ!” ጋየረኮ ፍፍሰኬ።

31 ዋርሰነረ “ጮምንጋይከቱ!” ጋይሰኮ ከትም ዋጨኬ፣ ከታ ማቼ “ዳውተታ ይንች ጮይሰኖ! ዋደ ዎም አጨርካ!” ጋየረኮ በችሶ ፍፍሰኬ።

32 የሱሰረ ዎእሶ ከትም ኤልሰንደትኬ “ዐራ እ የካንታ ይድንግደንት ዝግዳ?” ክደር ጋይሴ።

33 ከተረ “የ ጮይሰዮ! ዎንታ አፍንከሰ ሰድንግንዳ ዝግድቲ!” ጋይሰኬ።

34 የሱሰረ ከትካንታ አጨርሰንደትኬ ከታ አፍንሞ ዐጩ፥ ሳነካ ከታ አፍንከሰ ሰጀኬ፥ ከተረ የሱሰም ጎርሰምሰኬ።

21

የሱሰ እንድር ቦንቸካ የሩሳሌማር አርድና

(ማር. 11:1-10፤ ሉቃ. 19:29-40፤ ዮሀ. 12:12-19)

1 የሱሰኬ ክታ ካርንካ ጎርሰምድባብከሰ የሩሳሌም ካተመናር ከት ቅንቸምሳንደትካ ደብረ ዛይት ገቸንዘን ዐፈርድ፥ በቴፋገ ጋይምሳን ሞረናር ከት የልድንካ የሱሰ ይንታ ካርንካ ጎርሰምድባብከሳርንካ ቃሰተን።

2 “የንታ ኦሰ እሪ ዶቅድን ሞረናር አይከቴ፥ ኮታረረ ዋልቃ አከርሳን ኡክል ቅንጭንካ የካ ዐፍተረቴ፥ ቡልተረ እዘደር ተይ ዐፍከቴ።

3 ዐየንረ ኤድ ዋልቃ ሪ የንደር ጋይሴ ‘ጮይሰ ከትም ዝግድንካንተ’ ጋይከቴ። ኖየረ ኡክልከሰም ሳነካ ኦይተሬ” ኩን ጋይሶ ከትም ኦይቹ።

4 ኮነረ ማቸንዳ ሳብዘንከ ኤሰርሶ ከዘድባብካ፡

5 “ጽዮን ካተማ ጋይምድን የሩሳሌምካንታ፡

‘ይና! የሰታ ባንቸና ይንታ ማተን ይርክሳ ይድይ ኤድንግንዳ ማትሶ ኡክልታዘንኬ

ኡክልታ ቅንጭንዘን ዶቅሶ የዘደር ዐተሬ!’ ጋይሰቶ ኮትካንታ ከሰከቴ” ኩን ጋይምሶ ኬዘምሳንዳ ቦድምድንግንዴ።

6 ክታ ካርንካ ጎርሰምድባብከሰረ አይሰኮ የሱሰ ከትም ክትሳንግንዳ ይሰኬ።

7 ኡክልንም ቅንጭንካ የካ ክትካንታ ተይ ዐፈኬ፥ ከታ ይንታ አፍለንከሰመረ ኡክልንከሰታ ባዘደንዘን ዎጀኬ፥ የሱሰረ ከታዘን ዶቅሴ።

8 ዋርሰናርንከረ በድንከሰ ከታ ይንታ አፍለንከሰም ጎግንዘን ታከረሰኬ፥ አብንከሰ ጉጅሶ ዐቀንታ ሳቀንም ሳርሰተኮ ጎግንዘን ይጭሰኬ።

9 እርምሶ ክታ እር አይድባብከሰኬ ቡርካካ ጎርሰምድ ዐቅባብ ዋርሰነረ፡

“ቦንቼና ዳውተታ ይንቅንካንታ!”*

ጮይሰታ ላምንካ ዐድባብ እንጅምሰባቤ!

ቦንቼና ጮለዘን ሳብካንታ ማታ!” ጋየረኮ ፍብድ ዐቀኬ።

¹⁰ የሱስ የሩሳሌም ካተመናር እርዳዳንደትካ ካተመነረ ኤድንከሰ ሙዳ “ኖኮና ዐይሬ?” ጋይንተካ እዉልሰኬ።

¹¹ ዋርሰነረ፤ “ኖኮና የሱስ ገሊላ ፍጨናር ዐፈርድን ናዝረት ካተመናርንካ ዐድባብ ሳብዘንካ ኤሰርሶ ኬዘድባቤ” ጋይሰኬ።

የሱስ ሳብታ ጮል ኤሄናር ጋበንባብከሰም ዳይና

(ማር. 11:15-19፤ ሉቃ. 19:45-48፤ ዮሀ. 2:13-22)

¹² ኮታዘንከረ የሱስ ሳብታ ጮል ኤሄናር እርዳዳ፤ ኮታረረ ኦስ ሰንድባብከሰምኬ ፈንክ ሰንት ተይድን ኤድንከሰም ሙዳ ዉቅሴ። ብረን ኦግድባብከሰም ጣርጳዘንከሰምኬ ዋለን ሰንድባብከሰተረ ጎንገንከሰም ቡከልሴ።

¹³ “ ላስታ ኤሄና ምክሰ ኤሄ ጋይምዴ፣ ጋይምሶ ጮል ማጻፍናር ጸፍምቲ፤ የታ ማቼ ቡረንባብከሰታ የረሳ ማሰሰቲ!” ከትም ጋይሴ።

¹⁴ የሱስ ሳብታ ጮል ኤሄናር ዶቅድንካ እፍይ ዘልንከሰኬ ዋከል ዋከልን ጋይድባብከሰ ክደር ከት ዐድግካ ኖየረ ከትም ፋቅሴ።

¹⁵ ኬዛርንካ ማቼ ቀሰንከሰታ ገቅንባብከሰኬ ሙሴታ ህግን ኤሰዘድባብከሰ የሱስ ይሳን በርእሰዘድን ርን ከታ ይ ሰጃንካንተከ ይንቅንከሰረ ሳብታ ጮል ኤሄናር “ዳዊታ ይንቅንካንታ ቦንቼና ማታ!” ጋየረኮ ከት ፍብድንካ ከታ ይንታ ኤሰርንካ እንድር ሰነርሰኬ።

¹⁶ ኮካንታ የሱስም “ኬና ይንቅና ከት ጋይድንደትም የና ኤሰራዶቅዳ?” ጋይሰኬ፤ የሱሰረ “ይዬ፤ ኤሰራዶቅድቲ፤ ‘ይንቅንከዘንኬ እምን ጋእድን ኡለንከሰታ አፋርንካ ጋለትን ግግሳዬ’ ጋይድንደትም ቦድሶ ናበባከቲ?” ከደር ጋይሴ።

¹⁷ ከትም ዛቅሶ ካተመናርንካ ዉትሶ፤ ብታንያ ጋይምድን ዋረናር አይሴ፤ ኮታረረ ኖ ገቼ።

የሱስ ባድሳን በለሰ ዐቀና

(ማር. 11:12-14፤ 20-24)

* **21:9** ሆሳና ጋይንትና እብራይስጥ እፈካ እቅሰካ ጋይንትዬ። **21:9** የቺ 118:25-26። **21:13** ኢሳ. 56:7፤ ኤር. 7:11። **21:16** የቺ 8:2።

18 የሱስ ዛማ ሰጭመናር፤ ካተመን ኮታር ማት እይድዮ ኖ ዳቀርሴ፤

19 ዋልቃ በለሰ ዐቃ ጎግነታ ካንተዘን ሰድሶ ዐቃን ኮደር እይሴ፤ ኬዛርንካ ማቼ ቃምዘንካ እብ ዐረሰነረ ኮታዘንካ ዐፋክዬ። ኮካንታ “ይና ኮዘንካ ኦስ ቦድሶ እፍ የዘንካ ዐይዐፈፈ!” ኮትም ጋይሴ። በለሰ ዐቃነረ ሳነካ ዋቼ።

20 ክታ ካርንካ ጎርሰምድባብከሰረ ኮም ክታ ይ ሰዳንደትካ፤ “ናኮና በለሰ ዐቃና ሳነካ ዐስግንዶክ ዋቻረ!” ጋይንተካ በርእሰኬ።

21 የሱሰረ፤ “ዶፈን የም ጋይድቱ፤ እሜን የንታ ዶቅሰኬ የ ዐኤራክንዳ ማቼ በለሰ ዐቃንዘን ማቻንደትግንዳ ዐክ ማታክናና፤ ኮም ገቸንም ዋራ ሐዘንካ ቡጭምሳዮ ባሀርናር እይካ!” የ ጋይዴ የካንታ ማደ።

22 እመንሰቶ ምክሰካ የ ኦይዘድንደትም ሙዳ ዐፍተረቱ” ኩንጋየሮ ከትካንታ ማሰሴ።

የሱሰታ ገችታ ኤረንጎካ ኦይሰምሳን ኦይሰና

(ማር. 11:27-33፤ ሉቃ. 20:1-8)

23 የሱስ ሳብታ ጭል ኤሄናር እርድሶ ኤሰዘድ ዐቁ። ኮታይካ ቀሰንከሰታ ገችንባብከሰኬ ዋርሰንታ ጋልተንከሰ ክደረ ዐድሰኮ፤ “ኮ ሙዳ የሰ ይድንዳ ዐራ ገችታ ኤረከረ? ኮም ገችታ ኤረን የሰካንታ እምሰባብ ዐይራ?” ጋይሰኮ ክትም ኦይሰኬ።

24 የሱሰረ፤ “እተረ ዋልቃ ኦይሰ የም ኦይሰትቱ፤ እሰታ ኦይሰንታ ማሰንም የ ማሰሴ እተረ ኮም ሙዳ ዐራ ገችታ ኤረካ እ ይዳ ማቼረ የካንታ ኬዘትቱ።

25 ይና የሀንሰታ ሰእሰና ዐምንኮክ ዐዳራ? ጭላርንኮ እና ኤድዘንኮ?” ጋይሰኮ ኦይሰኬ። ከተረ ክክ ክክ ኩን ጋየረኮ ዘርምሰኬ፤ “ ‘ጭላርንኮ’ ዋ ጋይሴ ሐናና ዐረተረ ክትም የ እሜናክንዳ፤ ዋም ጋይዳ፤

26 ‘ኤታ ዘንኮ’ ዋ ጋይሴ፤ የሀንሰም ሙደና ሳብዘንካ ኤሰርሶ ኬዘድባብግንዳ ከት ሰድንኦል ዋርሰንካንታ ጸዘዶቱ።”

27 ኮካንታ “ዋታ ኤዘዳኮቱ” ጋይሰኮ የሱሳካንታ ማሰሰኬ። ኖየረ “ኮማቼ እተረ ዐራ ገችታ ኤረካ ኮም ሙዳ እ ይዳናከረ የካንታ ኬዛይቱ” ኩንጋየሮ ከደር ማሰሴ።

ቃሰተን ይንችንከሰታ ካምሰና

28 ኮታዘንከረ የሱስ፡ ይና የንደር ዐሮክ ካምዳ? ዋልቃ ኤችታ ቃስተን ይንቹ ዶቅደኬ፡ ከታርንካ እስመንደር ዐሮሱ፡ እስታ ይንቹኖ፡ ታካ እስታ ዋይንን ኮረርሳን ዐሞኖር እይሳዮ የሰ ዋንተርንግንዳ ክትም ጋይሴ።

29 ይንቹነረ ዋይዬ እይዳክቲ ጋይሴ። ማታጋካ ዳት ቡር ማቼ ኡቅምሶ እይሴ።

30 ባበነረ ይንቹን ካንሰንደር እይሶ ክትመረ ኮትግንዳ ክት ዋንተርንግንዳ ክትሴ፡ ይንቹነረ ኤኦ እባቦ እይትቲ ጋይሴ። ኬዛርንካ ማቹ ኖ እያክዬ።

31 “ይና ከትኬና ቃስተንናርንካ ይንታ ባቤንታ ጋይተንም ቦጅባብ ዐሞነረ?” ኩን ከደር ጋይሴ።

ከተረ “እስመኔ!” ጋይሰኬ። የሱሰረ፡ “ዶፈን የም ጋይድቲ፡ ቃረጭን ተቶዘድባብከሰኬ ቤልምድባብከሰ ጭላ ባንቶማር እርድንተካ የንታ እር ማደኬ።

32 ሰእስንባብ ዮሀንስ ጭላትቸታ ኅግንም የም ሰቶካንታ ክት ዐድንከሬ የታ እሜናከቲ፡ ቃረጭን ተጅድባብከሰኬ ቤልምንባብከሰ ማቼ ክትም እመንሰኬ፡ ኮት ኮመረ ሰድሰቶ ዋራ ኅማ ፍክሰን ዋይሰሰቶ ክትም እሜናከቲ። ኩን ከትም ጋይሴ።

ዋይን ኮረናር ዋንድባብከሰታ ካምሰና

(ማር. 12:1-12፤ ሉቃ. 10:9-19)

33 ጉጅሰረ የሱስ፡ “እብ ካምሰነረ ኤሰርከቲ፡ ዋይንንም ኮርዘድባብ ዋልቃ ኤች ዐቄ፡ ኖ ዋይንን ይ ኮርሳንደታ ካንተካ ጋሰንም ጋሴ፡ ዋይንም ጨጸርድን ጎር ኮይሰሰ፡ ዋይንን ካርሰርድንደታ ሰይንካ ቃልም ካሪ ኡርሴ፡ ኮታዘንከረ ዋይን ኮረርሳንደትም ዋንንባብከሰካንታ እምሶ እብ ፍጫር እይሴ

34 እፍን ካመርድን እርፈና የልሳንደትካ እፍን ይም የልድንደትም ተይካንታ ይንታ ፍክሰንባብከሰም ዋንንባብከዘደር ኦይቼ።

35 ዋንንባብከሰ ማቼ ከት ዐድባብ ፍክሰንባብከሰም የድሰኮ ጉጽሰኬ፡ ዋልቀንም ደይሰኬ፡ አብንመረ ሰይንካ እቅሰኬ።

36 ዋይን ኮርተንታ ባበና እናካርንካ እርንባብከዘንካ ፋይደካ ሰግድባብከሰም እብ ይንታ ፍክሰንባብከሰም ጉጅሶ ኦይቼ። ዋንንባብከሰ ከታዘነረ እርንባብከዘን ይሳንግንዳ ይሰከ።

37 በእንተዘነረ ዋይን ኮርንባብ ‘እስታ ይንችንም ቦንችተረኬ!’ ጋይንተካ ይንታ ይንችንም ዋንባብከዘደር ኦይቼ።

38 “ዋንባብከስ ማቼ ክታ ይንችንም ክታ ይ ሰዳንደትካ ‘ኖኮና ክታ ባእንም ተይድባቤ፥ ኮረቴ ክትም ደይሰሶቶ ባእንም ተይተሮቴ!’ ክክ ጋይሰኬ።

39 ይንችንም የድሰኮ ዋይን ኮረርሳንደታርንካ ኦስ ካንተዘን ዉችሶ ክትም ደይሰኬ።

40 “ይና፥ ዋይን ኮረንታ ባቤና ይ ዐጻንደትካ ከትኬና ዋንንባብከዘን ዐፈ ክት ይድሞክ የም ካምዳ?”

41 ከተረ፥ “ከትኬና ዳቅል ኤድንከስታ ቦድንተና ቦርሳንዳ ከትካንታ ማሰተሬ። ዋይን ኮረርሳንደትመረ ኡዘድን እፍን ክትካንታ የልድንደትም ሙዳዐይካ እምድባብ ኦብ ዋንንባብከስካንታ እምተሬ” ክታ ጋይሰኬ።

42 ኮታዘንካ የሱስ፥

“ጭል ማጻፍንከሳር

‘ሰይን ኤሄንም ዋድባብከስ ቶችሳን ሰይንና

ኤሄንካንታ ዝግዘድንዳ ማቼ

ና ኮነረ ጮይስታ ፍክሰዬ፥

ዋንታ እፍናረረ በርእዘድንዴ፥

ጋይምሶ ጭል ማጻፍናር ጸፍምሳን ቦድሶ ናበባከቴ? ኩን ጋይሴ።

43 “ኮካንታ፥ ሳብታ ባንችምና የንዘንካ ተይምሶ እፍይ ኡዘድን ዋርሰንካንታ እምምዴ።

44 ኮ ሰይንንዘን ዋጅድባብ ቁንጭምድ፥ ሰይንና ክታዘን ዋጅድባብ ኤችና ማቼ ኦርእስምዴ” ኩን የም ጋይድቴ ጋይሴ።

45 ቀሰንከስታ ገችንባብከሰኬ ፈረሳውያንንከሰ ኬና ካምሰንከሰም ክታ ይ ኤሰርሳንደትካ የሱስ ኬዛንዳ ከትካካ ማትንተን ኤሰኬ።

46 ኮካንታ የሱሰም የድካንታ ዝግዘኬ፥ ኬዛርካ ማቼ ዋርሰና ሳብዘንካ ኤሰርሶ ኬዘድባብግንዳ ክትም ከት ሰድንካንታ ጳሰኬ።

22

እስናር እችምንታ ካምሰ
(ሉቃ. 14:15-24)

¹ እናካርንከረ የሱሰ ካምሰካ ኤድንከሰካንታ ኩንጋየሮ ኬዛ የጄ፥

² “ጭላ ባንችምና ይንታ ይንችንካንታ እስታ እችምን ግክሰባብ ባንችንም ካምዴ።

³ ባንችነረ ኤልምሳን ኤድንከሰም እስናር ከት ሀድንግንዳ ገቀርሰካንታ ይንታ ፍክሰንባብከሰም ከደር ኦይቼ”፥ ኤድንከሰ ማቼ እስናር ሀድካንታ ዘጋከኬ።

⁴ ባንችና ኡብ ይንታ ፍክሰንባብከሰም እናካርንካ ኩንጋየሮ ኦይቼ፥ ኤልምሰባብ ኤድንከዘደር አይሰቶ፥ ይና እስታ እችምን ግክሰትቴ፥ ገዘምንከሰምኬ ሞረርሰባብ መሔንከሰ ማችምተ ሙዳ ሪየረ ግግምቴ ኮካንታ እስታ እችምንደር ሀድከቴ! ጋይሰቶ ከትካንታ ኬዘከቴ ጋይሴ።

⁵ ከታ ኤልምሰባብከሰ ማቼ ኬዘንም በህ ጋይሶ ዋልቃባብና ይንታ ዋንደር፥ አብነረ ይንታ ዛለንደር አይሴ።

⁶ ነገድባብከሰረ ፍክሰንባብከሰም የድሰኮ ጉጽት ደይሰኬ።

⁷ ኮካንታ ባንችና ዋጭሶ ይንታ ዳምንባብከሰም ኦይትሶ ከትከ ደይሰባብከሰም ደይሰሴ፥ ከታ ካተመንመረ ኖሄካ እችዘድንግንዳ ይሰሴ።

⁸ ኮታ ቡር ይንታ ፍክሰንባብከሰመረ፥ ይና እስንታ እችምና ግግምቴ፥ ኬዛርካ ማቼ ኤልምሰባብከሰ እሳ እችምንካንታ ዘግዘድባብ ማትሶ ሀፈራከኬ።

⁹ ኮካንታ ጎገን ባሰንዘን አይሰቶ የ ሀፍሰባብ ኤድንከሰም ሙዳ ፈንክ እስንታ እችምናር ኤልከቴ። ኩን ከትም ጋይሴ።

¹⁰ ክታ ፍክሰንባብከሰረ ጎገንዘን ዉትሰኮ፥ ክታ ይ ሀፍሰባብ ኤድንከሰም ሙዳ ዳቅልንከሰመረ፥ ኡርመንከሰመረ ሳንሰኬ፥ ኮካንታ እስንታ ጋይምሳን ኤሄን ዳልግናር ኤልምሳን ኤድንከሰ ጮጪኬ።

¹¹ “ኬዛርንካ ማቼ ባንችና ኤልምሰባብከሰም ሰድንካንታ ኤሄን ዳልግናር ክት አርደዳንደትካ፥ እስንታ አፍለንም ቆበራክባብ ዋልቃ ኤችም ዋር ሰዴ።

¹² ኩነረ ክትም ጋይሴ፥ ‘እስታ ገርነኖ፥ እስንታ አፍለንም ቆበርክሳ ሀሰግንደሰ አርድካንተሰ ማቻረ?’ ኤችና ማቼ ጫምንጋይሴ።

13 ባንችነረ ይንታ ፍክሰንባብከሰም፤ ‘ክታ እንንምኬ ዱትንም ዘክሰቶ ማል ዶቅድን ግልድድ ኡምናር ክትም ወችት ኦይትከቴ፤ ኮታረረ ኤፍኬ እች ቅርጭካ ክትካንታ ማተረ’ ኖ ጋይሴ”።

14 ኮታዘንከረ የሱሰ “ኮካንታ ኤልምሰባብ በድንከሰኬ፤ እድምሰባብከሰ ማቼ ቶክመንከሰኬ” ጋይሴ።

ግራ ናክኅካ

(ማር. 12:13-17፤ ሉቃ. 20:20-26)

15 ኮታ ቡር ፈረሳውያንንከሰ አይሰኮ ዐሰ ይይሶ የሱሰም ክት ኬዘድን ኬዘንካ ከታ ይ የዳናንከረ ዞርምሰኬ፤

16 ከታ ይንታ ካርንካ ጎርሰምድባብከሰም ሄርድሰታ ኤድንከሰካ ክክን የሱሰደር ኦይትሰኮ፤ “የ ኤሰሰንባቦ! የሰ ዶፈን ማቻንደትምከ ሳብታ ጎግንም ዶፈንካ የሰ ኤሰዘድንደትም ዋታ ኤዘዶቴ፤ ኤታ ባላካንታ ኦሰንዳከየ” ከታ ይ ጋይሳንደታ ቡር፤ ኩን ጋይሶ ክትም ኦይሰኬ።

17 “ይና ዋም የሰ ኬዘኔ ዐሮክ የሰም ካምዳ? ሮማ ባንችንካንታ ግራ ናክ ዝግዘዶ ዝክሳዮ?” ጋይሰኬ።

18 የሱሰ ማቼ ከታ ዳቅል ገቅርንም ኤሰሶ፤ “የታ ኦትረንባብከሶ! ዐረተንት እም ጸጭዳ?

19 ግረንካንታ ናከርድን ብረንም እካንታ የ ሰችነ!” ከትም ጋይሴ። ኮካንታ ከተረ ዋልቃ ብራ ጣገራ ተይዐድሰኮ ክትም ሰችሰኬ።

20 ኖየረ፤ “ኮ ብረንዘን ዐረድድንዳ ምሰልንከ ጸፈርሳን ላምና ዐይተረ?” ጋየሮ ከትም ኦይሴ።

21 ከተረ፤ “ሮማ ባንችንቴ!” ክደር ጋይሰኬ፤ ኖየረ፤ “ኮናና ባንችንተን ባንችንካንታ ሳብትን ሳብካንታ እምከቴ” ከትም ጋይሴ።

22 ከተረ ክትም ይ ኤሰርሳንደታ ቡር ክታ ኬዘንካ በርእሰኮ ክትም ዛቅሶ አይሰኬ።

ደእያርንካ እምንተንኅካ

(ማር. 12:18-27፤ ሉቃ. 20:27-40)

23 ኮታይካ፤ “ደእሰባብከሰታ እምንታ ካዬ” ጋይድባብ ሰዶቃዊያንንከሰ የሱሰደር ዐድሰኮ ኩንጋየሮ ክትም ኦይሰኬ፤

24 “የ ኤስሰንባቦ! ሙሴ ‘ዋልቃ ኤድ ይንቶ አጣክደቆ ይንታ ኬንዝዝንካ ደእካ ክት ፋሰምሴ ክታ እስመና ደእሰባብታ ኬንንም ማሰሶ ክትካንታ ይንቶ አጣ’ ጋይቲ።

25 ኮትኮግንደረ ታብዛ እስመንከሰ ዋንደር ደቅደኬ፤ ከትሙደንተረ እስመነና ማና እንቶሶ ይንቶ አጣክሳ ደእሴ፤ ኮካንታ ክታ ካንሰና ደእሰባብታ ኬንንም ማሰሴ።

26 ኮትኮግንደረ፤ ቃሰትምሰነረ፤ ማክምሰነረ ታብሰን የለልታ ከታ ሙደነረ ኮትም እንቶሶኮ ደእሰኬ።

27 ከትሙደንተረ በእንተዘን ኤተና ይንታ ማታ ደእሴ።

28 ይና፤ ከታ ታብዘነረ ኮትም እንቻንካንታ ደእናርንካ አምንተን ሰጪንካ ሀይቶክ ማና ማዳ?” ጋይሰኬ።

29 የሱሰ ማቼ፤ “የታ ጭል ማጽፍንከሰምኬ ሳብታ ዋልቀንም የንታ ኤስክሳ ነግንተንካ የታ ኮተርደቲ።

30 ደእሰባብከሰታ አምንተን ሀይካ ኤድንከሰ ጭላር ደቅድን ክታይንቶንከሰግንዳ ማደክ ዳት እንቻየኬ፤ ይእየኬ።

31 ጉጅሰረ ደእያርንካ አምንተንካ ሳብ የካንታ ኬዛንደትም ናበባከቲ?

32 ክተረ ጋይሳንዳ ኩኔ፤ “እታ አብራሀመታ ሳብ፤ ይሳቀታ ሳብ፤ ያይቆበታ ሳብቲ።” ኮካንታ ሳብ ሰንፔንክንባብከሰታ ሳብ ዳት ደእሰባብከሰታ ሳብ ካዬ” ኩን ጋይሶ ማሰሴ።

33 ዋርሰነረ ኮም ይ ኤሰርሳንደትካ ክታ ኤስሰንካ በርእሰኬ።

ሙደንዝንካ ሰገድንዳ ክታ

(ማር. 12:28-34፤ ሉቃ. 10:25-28)

34 የሱሰ ሰዶቃዊያንንከሰም ጫምሳ ይሰሳንደትም ከታ ይ ኤሰርሳንደትካ ፈረሰዊያንንከሰ ዋልቃትቸካ ሳንምሰኬ።

35 ከታርንከረ ዋልቃ ሙሴታ ህግንም ኤስዘድባብ፤ የሱሰም ጸጫካንታ ዝግሶ ኩን ጋይሶ ኦይሴ፤

36 “ኤስሰንባቦ! ሙሴታ ህግን ሙደናርንካ ሰገድንዳ ክታ ሀምነረ?” ጋይሰኬ።

37 የሱሰረ፤ “የሰታ ጮይሰ ሳብን የሰታ ቦድማ ቡዳርንካ፤ ቦድማ የሰታ ሰንፔንካ፤ ቦድማ የሰታ ገቅርንካ ሶልምካ፤

38 ሙደንዝንካ ሰገድንደትከ እርንደና ክተና፤ ኮኔ።

39 ኮትኮመረ ካምድንዳ ቃሰትምሰ ክተና፤ “የሰታ የለንም የሰታ ማታግንዳ ማሰሳየ ሶልምካ” ጋይድንደኔ።

40 ሙሴታ ህግንከ ሳብዘንካ ኤሰርሶ ኬዛቅባብከሰታ ኤሰሰን ሙደንታ የድና ከትኬ ቃሰተን ክቴን ኬዘንኬ” ኩንጋየር ከትካንታ ማሰሴ።

ክርስቶስጎካ ዐጻን ኦይሰና

(ማር. 12:35-37፤ ሉቃ. 20:41-44)

41 ፈረሳውያንንከሰ ሳንምሰኮ ዶቅድንካ የሱሰ ኩን ጋይሶ ከትም ኦይሴ።

42 “ክርስቶስጎካ ዐረንቲ ገቀርዳ? ዐይታ ይንቕምክ የንደር ካምዳ?” ከተረ “ዳውተታ ይንቕ” ጋይሰኮ ከትካንታ ማሰሰኬ።

43 የሱሰረ፡ “ኮናና፡ ዳውት ሳብታ እያንካ ጎርሰምሶ ክት ኬዛንደትካ ዐስግንድክ ‘ጮይሰዮ’ ጋይሶ ኤልሳረ?”

44 “ጮይሰ እሰታ ጮይሰንካንታ፡

የሰታ ይምኤንባብከሰም የሰታ ዱትንታ ጎይናር እ ሙክሰተርን የለልታ፡

እሰታ ምዝንዘን ዶእካ! ክትም ጋይሴ።

45 ይና ዳውት ይንታ ማታርንካ ‘ጮይሰ’ ጋይሶ ክትም ኤልሳንካ ይና ክርስቶስ ዐስግንድክ ክታ ይንቕ ማዳ?” ኩን ከትም ጋይሴ።

46 ኮትኮ ኬዘንታ ዋልቃ ዋራ ኬዘት ማሰሰባብ ዐየነረ ኤድ ካዬ፡ ኮትኮ ሰጨንዘንካ የድሶ ክትም ኦይሰካንታ ማቕባብ ዐየነረ ካዬ።

23

የሱሰ ፈረሳውያንንከሰምኬ ሙሴታ ህግንም ኤሰዘድባብከሰም ይንኤርና

(ማር. 12:38-39፤ ሉቃ. 11:43-46፤ 20:45-46)

1 ኮታ ቡር የሱሰ ዋርሰንከሰካንተኬ ይንታካርንካ ጎርሰምድባብከሰካንታ ኩንጋየር ኬዜ፡

2 ሙሴታ ህግንም ኤሰዘድባብከሰኬ ፈረሳውያንንከሰ ሙሴታ ህግንም ከት ኤሰዘድንግንዳ ገቕታ ኤራ ከትካንታ እምምቴ።

3 ኮካንታ ከት የም ጋይድንደትም ሙዳ ይከቴ፡ ካርሰከቴ፡ ከት ይድንደትም ማቕ ዐይ ይየቴ፡ ከታ ይ ኬዘድንደትም ፍክሰዘን ዐቅሳየኬ፡

4 ደጭድንደትምኬ ማእዘድን ባለን ኤታ ገትዘን ባልዘደኬ፡ ከታ ይንታ ማተንካንታ ማቼ ግልኤከረ ዋራ ዋልካንታ ዝጋየኬ።

5 ከታ ይንታ ፍክሰንም ሙዳ ኤድ ሰዳባብ ጋይሶ ፍግዘደኬ፡ ሙሴታ ህግንም ጸፈርሳንደትመረ ይንታ ባለንዘን ዞግደኬ፡ አፍለነረ ይንታ ቃልዘደኬ።

6 ዋጮርድን እቸርድን ካርዘነረ ቦንቑምሳን ካሪ፡ አይሁድንከሰታ ሞክሰ ኤሄናረረ እርጎካ ጎገንዘን ደቅንካንታ ዝግደኬ።

7 መለን ኬዘነረ ኤድ ሙዳ ከትካንታ እን አምዘድንግንደኬ የ ኤሰሰንባብ! ጋይሶ ከትም ኤልድንግንዳ ዝግደኬ።

8 የታ ማቼ የንታ ኤሰሰንባብ ዋልቃ ዐክ ክት ማቻንካንተኬ የታ ሙደነረ እሰመንኬ ካንሰካ የ ማቻንካንታ ኤሰሰንባብ ጋይምሰቶ ዐይ ኤልመቲ።

9 ጉጅሰረ የንታ ደቅድባብ ጭላር ዋልቃ ባቡና ዐክ ክት ማቻንካንታ ፍጨዘን ዐይመረ ባቡና ጋይሰቶ ዐይ ኤለቲ።

10 የንታ ጎርሰንባብ ክርሰቶስ ማቻንካንታ ሙደንም ኤዘድባብከሰ ጋይምሰቶ ዐይ ኤልመቲ።

11 የንታ ዋክያርንካ አንድር ማቕባብ የንታ ፍክሰንባብ ማታ።

12 ይንታ ማተንም ጨክሳ ይድባብ ቶቕምዴ፥ ይንታ ማተንም ቶጅድባብ ማቼ ቦንቑምዴ።

ሙሴታ ህግንም ኤሰዘድባብከሰኬ ፈረሳዊያንንከሰ ዳይምና (ማር. 12:40፤ ሉቃ. 11:39-42፥44፥52፤ 20:47)

13 “ኤድ ጭላ ባንቑማር አርዳይንግንዳ ፍልተንም ዝጭድባብ የታ ኦትረንባብከሶ፡ ሙሴታ ህግንም ኤዘድባብከሰኬ ፈረሳዊያንንከሰ! የም የኤ! የታ የንታ ማታርንካ ኮታር አርተራከቲ፥ አርድካንታ ዝግድባብከሰም ከት አርዳክንግንዳ የታ ማርደቲ!”

[

14 ዋም ሰደራ ጋይሰቶ ሞክሰም ቃልሰረቶ ኮትካ ጋይረረቶ ከታ ክእሰንከሰ ደእሰባብ ማንንከሰም ከታ ገቕ ዐቅን በይዘድባብ የታ ኦትረንባብከሶ ሙሴታ ህግን ኤዘድባብከሰኬ

ፈረሳውያንንከሶ የም የኤ! ኮካንታ እንድንካ ሰገዳን ፍርዳ የንዘን የልተፌ።፡*
 15 የታ ኦትረንባብከሶ ሙሴታ ህግን ኤስዘድባብከሰኬ ፈረሳውያንንከሶ! የም የኤ! ዋልቃ ኤድ የንታ ካርንካ ጎርሰምድባብ የ ማሰሳንደታ ቡር ባሀር ሎቅናርንከ ፍጨዘን ኦንግደቱ፤ የንደር የ ማሰሳንባይከረ የንዘንካ ቃስተን እን ጉጅምሳን ሰገዳን ድግዳክን ኖሀካንታ ግግምሰባብ ከትም ማዘደቱ!

16 የታ አፊይ ዝል ጎርሰንባብከሶ! የም የኤ! ኤድ ሳብታ ጭል ኤሄካ ጫቅሴ፤ ባረሰነረ ካዬ የታ ጋይደቱ፤ ሳብታ ጭል ኤሄንታ ዋርቀንካ ክት ጫቅሳን ማቼ ይንታ ጫቀንካ የደርደ የታ ጋይደቱ፤

17 የታ ዳቸንከሰከ እፍዝልንከሶ! ዋርቀዘንኬ ዋርቀንም ጭልዘድባብዘንካ ዐምና ሰገዳ?
 18 ኮትኮግንደረ ኤድ ካሰካርዘን ጫቅሴ ባረሰነረ ካዬ፤ ካሰ ካርንዘን ደቅድን ርንካ ክት ጫቅሴ ይንታ ጫቀንካ የደርደ ጋይደቱ።

19 የታ አፍይ ዝልንከሶ! እመንዘንኬ እመንም ጭልዘድን ካሰንዘንካ ዐምና ሰገዳ?

20 ኮካንታ ካሰ ካርንካ ጫቅድባብ፤ ካሰ ካርንዘንከ ካሰርድን ደቅድን ርንካ ሙዳ ጫቅዴ። †

21 ሳብታ ጭል ኤሄንከረ ጫቅድባብ፤ ሳብታ ጭል ኤሄንኬ ጭል ኤሄናር ደቅድን ርንካ ጫቅዴ።

22 ጭለካ ጫቅድባብረ ሳብታ ደቅንት ጎንገንኬ ጎንገንታዘን ደቅድባብካ ጫቅዴ።

23 የታ ኦተርድባብከሰ ሙሴታ ህግንም ኤስሰንባብከሰኬ ፈረሳውያንንከሶ! የም የኤ! ሳዉሰርድን ር እዝሙድ፤ እንሰላል፤ ከሙን ጋይድንደታርንካ ታሚናርንካ ዋልቀንም እምደቱ፤ ኬዛርንካ ማቼ ህግናር ደቅድን ዝግዝድን ሪንከሰም የታ ዛቅደቱ፤ ከታ ከነረ ገታ ማቻን ፍርዳ፤ ቡዳርንካ ኦትርኬ እመንምኬ፤ ከትከም ዛቃከትዶቆ ይ የም ዝግዝድንዳ ዶቆ።

* 23:14 ዋልቃ ዋልቃ ኤና እር እንከሰ 4ይዳ 14 ጉጃዬ። 23:14 ማቶ. 12:40። † 23:20 እማ ጋይንት ኤድ ይንታ ጮይሰንካንታ ክት እምድን ፍክሰና ሙዳ እማ ጋይምዴ። 23:22 ኢሳ. 66:1፤ ማቶ. 5:34። 23:23 ለዊ. 27:30።

24 የታ አፊይ ዝል ጎርሰንባብከሶ! የዎጭድንደታርንካ ሙዳ ትንጋግንዳ መራ ማቻን ሪን ጭልሰሰቶ ዎጭደቴ ግመልግንድ ባካ ርም የንታዋር ኤቅዘደቴ!

25 የታ ኦትረንባብከሰ ሙሴታ ህግንም ኤሰዘድባብከሰኬ ፈረሳውያንንከሶ! የም የኤ! ቡርጨቀንምከ ሳህንንታ ዘንንደትም ሰእደቴ፥ የንታ ዋርጎክንዳ ማቼ ቡረከ ድሰካ ጮጮንዴ፥

26 የና አፊይ ዝል ፈረሳውያንኖ! እርምሰኖ ቡርጭቀንተከ ሳህንንታ ዋርጎክንደትም ሰእካ! ኮትባይካ ቡርጎክንደረ ኡርማ ማተረ።

27 የታ ኦትረንባብከሰ ሙሴታ ህግንም ኤሰዘድባብከሰኬ ፈረሳውያንንከሶ! የም የኤ! ከታ ዋር ደእሰባብ ኤድንከሰታ ለፍኬ ቱና ማቻን ር ሙደንካ ጮጭባብከሰ፥ ቡርጎካ ቦቀካ ሳይሶ ላቅምድን ዱክንከሰም ካምደቴ።

28 ኮትኮግንደረ የታ፥ ማልጎካ ኤድካንታ ጭልንባብከሰም ካምሰቶ ባፈረደቴ፥ የንታ ዋርጎካ ማቼ ኦትረኬ ዳቀልሰካ ጮጭቴ።

ሙሴታ ህግንም ኤሰዘድባብከሰተኬ ፈረሳዊያንንከሰታ ሰርምና

(ሉቃ. 11:47-51)

29 የታ ኦትረንባብከሰ፥ ሙሴታ ህግንም ኤሰዘድባብከሰኬ ፈረሳውያንንከሶ! የም የኤ! ሳብዘንከ ኤሰርሶ ኬዛቅባብከሰታ ዱክንም ኡርዘደቴ፥ ጭልንከሰታ ሰይንካ ኡርሰርሳን ዱክን ሰግዘደቴ።

30 ኤና እሪ ዎንታ ባቤንከሰታ ሰለናር ዎ ዶቅሰሰናና ሳብዘንካ ኤሰርሶ ኬዛቅባብከሰታ ማቀሰን ወልእንካ ከትካ ክክን ዋልቃ ማተራኮት ዶቆ ጋይደቴ።

31 ይና፥ ሳብዘንካ ኤሰርሶ ኬዘድባብከሰም ደይሰባብ ኤድንከሰታ ይንቾ የንታ ማትንተን ማርከርደቴ።

32 የተረ ጉጅሶ የንታ ባባንከሰ ፍክሰ የጃንደትም ቦድከቴ።

33 የታ ጉን ፋይንታ ይንቾንከሶ፥ ሰለንካ ድግዳክን ኖሄንታ ፍርደናርንካ ዐለግንደንት ቡርትካንታ ማዳ?

34 ኮካንታ ይና፥ እታ ሳብዘንካ ኤሰርሶ ኬዘድባብከሰም፥ ኤጨንባብከሰም፥ ኤሰሰንባብከሰም፥ የንደር ኦይድቴ፥ ከታርንካ ዋልቃ ዋልቃባብከሰም የታ ደይዘደቴ፥ ዋልቃ ዋልቃባብከሰም

ሮግደቱ፤ ዋልቃ ዋልቃንከሰመረ አይሁድንከሰታ ምክሰ ኤሄናር
 ዐርደቱ፤ ዋልቃ ካተመናርንካ አብ ካተመናር ከትም ዳይደቱ፤

³⁵ ኮትጎካ ክት ጭልን አበልታ ማቀሰንዘንካ የድሶ ሳብታ
 ጭል ኤሄንተከ ካሰ ካርንታ ዎክያር የ ደይሳንደዘንካ የድሶ
 ባራክታ ይንቺ ዛከራሰታ ማቀሰን የለልታ ፍጨዘን ዉልእምሳን
 ጭልንከሰታ ማቀሰንታ ዋጭና የንታዘን የልዴ፤

³⁶ ዶፊን የም ጋይድቱ፤ ኮና ሙዳ ዋጭና ኮ አጥርንዘን
 የልዴ።

የሩሳሌም ካተመንካንታ የሱሰታ ኤፍና

(ሉቃ. 13:34-35)

³⁷ ኮታዘንከረ የሱሰ፤ “የሩሳሌም፤ የሩሳሌም! የና
 ሳብዘንካ ኤሰርሶ ኬዝድባብከሰም ደይዘድንዶ! የዝደር
 ኦይትምሰባብከሰመረ ሰይንካ አቅድንዶ! ባቸና ይንታ
 ይንቸንከሰም ይንታ ከፍንታ ጎይናር ኮት ሳንዝድንደትግንዳ፤
 እተረ የሰታ ይንቸንከሰም ዋልቃትቸካ ሳንሰካንታ በድ
 ሰጫዐይካ ካርሳቱ፤ የታ ማቼ ዘጋከቱ።

³⁸ ይና ኮዘንካ፤ ሳብታ ጭል ኤሄና ካይዝ ማትሶ ነገዴ።

³⁹ ኮካንታ ‘ጮይሰታ ላምንካ ዐድባብ እንጅምሰባቤ’ የ
 ጋይተርን የለልታ ይና ኮዘንካ ኦሰ እም ሰዳከቱ የም ጋይድቱ”
 ኩን ጋይሴ።

24

ሳብታ ጭል ኤሄንታ ዉልእምንጎካ የሱሰ ኬዛንዳ

(ማር. 13:1-2፤ ሉቃ. 21:5-6)

¹ የሱሰ ሳብታ ጭል ኤሄናርንካ ዉትሶ ክት አይድንካ ክታ
 ካርንካ ጎርሰምድባብከሰ ሰይንካ ዎድምሳን ሳብታ ጭል ኤሄን
 ክትም ሰቸካንታ ክደር ዐደኬ።

² ኖ ማቼ “ኮም ሙደን ሰደቱ? ዶፊን የም ጋይድቱ፤ ሰይንና
 ሰይንዘን ከልምሳንዳ ዉልእማክዶቆ ነጋዬ” ክትም ጋይሴ።

ጮይሰ ዐተርጉደታ እሪ የልድንዳ ዳይርኬ ማጠካ

(ማር. 13:3-13፤ ሉቃ. 21:7-19)

³ የሱሰ ደብረዘይት ጋይምድን ገቸንዘን ዶቅሶ ክት ዶቅድንካ
 ክታ ካርንካ ጎርሰምድባብከሰ ከታ ይንት ክደር ዐድሰኮ፤

“ኮና ሙዳ ሪና ማድንዳ ዐንተረ? የሰታ ዐድንተንተኪ ፍጫሙደንታ በእንተታ ቃጫተና ዐራ?” ጋየረኮ ክትም ኦይሰኬ።

⁴ የሱሰረ፥ ዐየነረ ኤድ የም ኮተርዝዳክንግንዳ ካርሰምከቲ!

⁵ በድንከሰ እታ ክርሰቶሰቲ! ጋየረኮ እሰታ ላምንካ ዐደኬ፥ በድ ኤድንከሰመረ ኮተርሰተረኬ።

⁶ ዳምንኬ ዳምታ ኬዘንም ኤሰርተረቲ፥ ኬና ሙዳ ቦድም ዝግዝድንካንታ ዐይገቀቱ፥ በእንተና ማቼ እክዬ።

⁷ ዋርሰና ዋርሰዘን፥ ባንቶነረ ባንቶንዘን እምተሬ፥ ዐክ ዐክ ካርዘን ዳቅከ ፍጨታ ጭጭ ማተረ።

⁸ ከነረ ሙዳ እችረት ማጠታ የድንታ ማተረ።

⁹ ኮታይካ ኤድንከሰ ማጣካንታ ሰክሰት የም እምተረኬ፥ የም ደይሰተረኬ፥ እሰታ ላምንካንታ ጋይሶ ዋርሳ ሙደንታ ላመር ቦሰምሰባብከሰ ማተረቲ።

¹⁰ ኮታይካ በድንከሰ ይንታ እሜንን ዛቅሰኮ ኮተርደኬ፥ ክክ ክክ ሰክሰት እምተረኬ፥ ኤድንከሰረ ክክ ክክ ግርተረኬ።

¹¹ በድን ካርከካ ሳብዘንካ ኤሰራከክደቆ ኬዘድባብከሰ እምተረኬ፥ በድንከሰመረ ኮተርሰተረከ።

¹² ዳቅልንከሰታ በድምዘንካ እምሳንዳ በድ ኤድንከሰታ ሶልመና ጋንተሬ።

¹³ በእንታ የለልታ ዳንዳእካ ዳቅድባብ ማቼ ኖ አቅተሬ።

¹⁴ ኤድ ሙደንካንታ ማርካ ማድንግንዳ፥ ኮና ሳብታ ባንቶምታ ክላ ኬዘና ፍጨሙደንዘን ሳባክምዴ፥ ኮት ዐይካ በእንተና ዐይዬ።

ቱና ማቻንዳ ዳቅል ሪም ተይዐድንዳ

(ማር. 13:14-23፤ ሉቃ. 21:20-24)

¹⁵ ሳብዘንካ ኤሰርሶ ኬዘባብ ዳንኤልታ ከዘንግንዳ ቱና ማቻንዳ ይንኤርዝድ ሪ ጭልምሳን ካርንዘን ዋእሰንካ የ ሰጃንዐይካ ናብብድባብ ክት ገቀራ!

¹⁶ ኮታይካ ይሁዳ ፍጨናር ዳቅድባብከሰ ገጃንከዘደር ዐዛ።

¹⁷ ኤሂንታ የለንዘን ዳቅድባብ ይንታ ኤሂናርንካ ዋልቃ ሪ ተይካንታ ዐይ ዐንቹራ።

¹⁸ ዋን ዐማረረ ዳቅድባብ ይንታ አፍለንም ተይካንታ ይንታ ኤሪ ዐይማታ፥

19 ኮታይካ ስርመንባብከሰካንተኬ እም ጋእዘድባብከሰም የኤ!

20 ኬዛርንካ ማቼ የንታ እጥምና በርግካ እነረ አይሁድንከሰታ ማቼ ሰጪንካ ማተራክንግንዳ ምክሰከቲ!

21 ኮታይካ ፍጫ ሙደና ፍዝምሳንደትዘንካ የድሶ ታካ የለልታ ይማክንዳ፤ እሰ እረረ ኮትግንዳ ቦድሶ ይይምዳክንዳ፤ እንድር ማጣ ማተረ።

22 ከታኬና ሰጪንከሰ ሳነካ በእዳከሰናና ዋልቃ ኤድ ዋራ እቅተራክዶቆ፤ ኬዛርካ ማቼ እድምሳን ኤድንከሰካንታ ጋይሶ ሳብ ከትኬና ሰጪንከሰና ሳነካ በእድንግንዳ ይዴ።

23 ኮታይካ ማቼ ኤድ ይና፤ ክርሰቶሰ ካሪ ዶቅዴ! እነረ ኦኮታር ዶቅዴ! የንደር ጋይሴ ማቼ አሜነቲ።

24 ካርካ ክርሰቶሰንከሰኬ ሳብዘንካ ኤሰራከክዶቆ ካርከካ ኬዘድባብከሰ እምደኬ፤ ከደር ማደሰናና ሳብካንታ እድምሰባብከሰም ዋራ ኮተርሰካንታ እንድር አተነከሰምኬ በርእሰዘድን ሪንከሰም ሰቕዝደኬ።

25 “ይና ኬና ሪይንም ሙዳ እርናና የም ከዘትቲ፤

26 “ኮካንታ ‘ይና፤ ዴል ቆቸናር ዶቅዴ!’ የንደር ጋይዴ ማቼ ወተቲ፤ ‘ይና እቻ ካርያር ዶቅዴ!’ የንደር ጋይዴ ማቼ አሜነቲ።

27 ዋልቅንት ጭለዘን ሮጵሶ ማቼ ወትንታርንካ ማቼ እርድንታ የለልታ ማቼ ደንግንዳ፤ ኤድ ይንቕንታ ማቼ ደንግንታ ኮትኮግንዳ ማተረ።

28 ደእሳን ሪ ዶቅድን ካርዘን ድገንከሰ ሳንምደኬ።

ክርሰቶስታ ቃስትምስ ማቼ

(ማር. 13:24-27፤ ሉቃ. 21:25-28)

29 “ከትኬና ማጣ ሰጪንከሰታ ቡር ሳነካ ማቼ ኤምተረ፤ እርፈነረ ይንታ ሳክመንም ሳክሳየ፤ ቤዘንከሰረ ጭለዘንካ ዋቕተረኬ፤ ጭለንከሰተረ ዋልቀና ጭጭተራ።

30 ኮተረ ቡር ኤድ ይንቕንታ ቃወታ ጭለዘን ሰድምተረ፤ ኮታይካ ፍጫሙደንዘን ዶቅድን አጥርንከሰ ኤፍተረኬ። እነረ ኤድ ይንቕ ዋልቀኬ እንድር ቦንቼካ ኤፔዘን ማትሶ ማቼ ክትም ሰተረኬ፤

24:24 ዳን. 12:1፤ ለም. 7:14። 24:26 ሉቃ. 17:23-24። 24:28 ሉቃ. 17:37። 24:29 አሳ. 13:10፤ 34:4፤ ሕዝ. 32:7፤ ኢዩ. 2:10፤ 31፤ 3:15፤ ለም. 1:7፤ 6:12-13፤ ዳን. 7:13፤ ዘካ. 12:10-14።

31 እንድር ፍቼታ ኡፍስ ኤስምዝድባብ ክታይንቲንከሰም ኖ ኦይተሬ፥ ከታ ኦይድ ፍጫሙደንታ ፍነንካ ኦይሰኮ ጭለታ ካንተዘንካ ካንታ የለልታ ዶቅድባብከሰም ክትካንታ እድምሰባብ ኤድንከሰም ሳንዘደኬ” ኩንጋየሮ ከትካንታ ማሰሴ።

በለሰ ዐቀንታ ካምስ

(ማር. 13:28-31፤ ሉቃ. 21:29-33)

32 “ካምስንመረ በለሰ ዐቀንዘንካ ኤሰከቲ፥ ኮታ ግዝደና ፋርድንኬ ኮታ ቃምና ጮልድንካ፥ ኮታይካ ዐስን የልሳንደትም ኤዘደቲ።

33 ኮትኮግንደረ የታ ኮም ሙዳ ሰደቶ ኤድይንቲ ዐድንደታ ሰጨና የልሳንደትም ኤሰከቲ።

34 ዶፈን የም ጋይድቲ፥ ኮና ሙዳ ቦድምተርን የለልታ ኮና ኦጥርና ሰገዳክዬ።

35 ጭለኬ ፍጨካ ሰገደኬ፥ እሰታ ቃለና ማቼ ቦድሶ ሰጋዬ”።

ጮይሰ ዐድን ሰጨኬ ሳዓትንካ ኤሰማዬ

(ማር. 13:32-37፤ ሉቃ. 17:26-30፥34-36)

36 “ኮትኮ ሰጨንተኬ ኮትኮ ሳዓትንታ ማቼ ሳብ ባቤንዘንካ ኦብ ጭላር ክታይንቲንከሰ ማቼረ፥ ይንቲና ማቼረ ዐየሰነረ ኤሳዬ።

37 ኖህታ ሰለናር ማቻንደትግንዳ ኤድ ይንቲ ዐድንደት ዐይከረ ኮትኮግንዳ ማተረ።

38 ኮት ሰለናር፥ ካይዘድን ሎቀና ዐተርንደታ እር ኖሄረ ማርከብናር ኦርደዳን ሰጨን የለልታ ኤድንከሰ እቸረኮ ዋጨረኮ፥ እንቸረኮ ይኤረኮ ዐቀኬ።

39 ካይዘድን ሎቀና ዐድሶ ሙደንመረ ካይሰተርን የለልታ ኤሳከኬ፥ ኤድ ይንቲታ ዐድንተና ኮትኮግንዳ ማተረ።

40 ኮታይካ ቃስተን ኤድንከሰ ዋንዘን ማተረከ፥ ዋልቃባብ ተይምተሬ ቃስትምሰና ነግተሬ።

41 ቃስተን ማንከሰ የካ ደይሰን ደይሰተረኬ፥ ዋልቀና ተይምተሬ፥ ቃስትምሰና ነግተሬ።

42 “ይና የንታ ጮይሰና ዐንታ ክት ዐዳናንከረ የ ኤዘዳክንካንታ ንግሶ ካርሰከቲ።

43 ኬዛርንካ ማቼ ይና ኮም ኤስከቴ፤ ኤሄንባብ ሶይት
ዐረ ሳዓትንዘን ድብና ዐድንደትም ይ ኤዝደሰናና፤ ንግሶ ኖ
ካርስተርዶቆ፤ ክታ ኤሄነረ ኮይምድንግንዳ ዛቅተራክደቆ።

44 ኮትኮግንደረ ኤድይነች የ ገቀራክን ሳዓታር ዐድንካንታ
ግግምሶ ደእከቴ”።

እመንምድባብተኬ እመንምዳክን ፍክሰንባብታ ካምሰ
(ሉቃ. 12:41-48)

45 “ይንታ ኤሀ ኤድንከሰካንታ እችምን እምድንግንዳ፤
ክታ ማታ ቆልሰባብ ይንታ ኤሀ ኤድንዘን ክት ዶርድባብ
እማንምሰባብኬ ቡደካ ማችባብ ፍክሰንባብ ዐይራ?

46 ክታ ማተን ቆልሰባብ ዐድንደትዐይካ ኖኮና ፍክሰንባብና
ኩን ክት ይድንካ ዐፍሌ ኖ እንጅምሰባቤ።

47 ዶፈን የም ጋይድቴ፤ ክትኮ ፍክሰንባብም ክታ
ማተንቆልሰባብ ይንታ ርን ሙደንዘን ክትም ዶርዶ።

48 ኖኮና ዳቅል ፍክሰንባብ ማቼ፤ ላስታ ማተን ቆልሰባብ ታ
ኖ ዐፃክዬ ጋምእዳ፣ ጋይሶ ክት ገቀርሰኬ፤

49 ይንታ ፍክሰንታ ላኮይትንከሰም ጉጽና ክት የጄ፤
ንዝንባብከሰካ ክክን ክት እቸኬ ክት ዎጩ፤

50 ክትኮ ፍክሰንባብታ ማታ ቆልሰባብ ክት ካርሳክን
ሰጩናርኬ ክት ኤሳክን ሳዓትንዘን ኖ ዐይዬ፤

51 ክትኮ ፍክሰንባብም ክታ ማታ ቆልሰባብና ክትም ዋጭዳ፤
ክታ እዋንነረ ኦትረንባብከሰካ ክክን ማሰተሬ፤ ኮታረረ ኤፍኬ
እች ቅርጭካ ክትካንታ ማተሬ”።

25

ታማ ይነች እንጀንከሰታ ካምሰ

1 ኮታዘንከረ የሱስ፤ “ኮታይካ ጭላ ባንችምና ክታ ይንታ
ዞጸን የድሰኮ፤ እንቸንባብም ሞካካንታ ዉተድባብ ታማ ይነች
እንጀንከሰም ካምዴ።

2 ከታርንከረ ዶንቅና ዳቸንከሰ፤ ዶንቅና ኤጫ ማችባብከሰ
ዐቀኬ።

3 ዳቻ ማችባብ እንጀንከሰ ከታ ይንታ ዞጸን የጀንከረ
ዞጸንካንታ ማድን ሰጥመካ ላምባ የዳከኬ።

4 ኤጫ ማፕባብ ይንችን እንጀንከሰ ማቼ ከታ ይንታ ዘጸንካ ክክን ሰጥመካ ላምበንም ሪካ የታ ዐቀኤ።

5 እንቸንባበረ ጋምእሳንካንታ ከት ሙደንም ግንእስ የጀንካ ራቸኬ።

6 “ገልትገር ማድንካ ሪና እንቸንባብ ዐዴ! ዉትሰቶ ሞክት ክትም ተይከቲ!’ ጋይድን አዉል ኤሰምሴ።

7 ኮታይካ ይንች እንጀንከሰ ሙደና አምሰኮ ይንታ ዘጸን ግግሰኬ።

8 ዳቻ ይንች እንጀንከሰ ማቼ ኤጨንባብከዘደር ዋንታ ዘጸና ደግካንታ ይድንኦል ‘ዋደቲ የንታ ላምበዘንካ ዋካንታ እምከቲ’ ከደር ጋይሰኬ።

9 “ኤጫ ይንች እንጀንከሰ ማቼ ዋካንተከ የካንታ ማድን ላምባ ዋንደር ካዬ። ኮካንታ ሰንድን ካርያር አይሰቶ የንታ ማታ ካንታ ላምበን ሰንከቲ ጋየር ከትካንታ ማሰሴ።

10 ዳቻ ማና ይንች እንጀንከሰ፡ ላምበንም ሰንማካንታ ከት አይሳንደትካ እንቸንባብ ዐዴ። ግግምሶ ዐቀባብ ይንች እንጀንከሰረ እንቸንባብካ ክክን እሰንካንታ እችምን ግግሰምሳን ኤሄናር አርደደኬ፡ ፍልተነረ ዝጭምሴ።

11 “ቡር ነግድባብ ይንች እንጀንከሰ ዐድሰኮ፡ ‘የ ዋባቦ! የ ዋባቦ! ዋደ ፍልተንም ዋካንታ ፎችካ’ ጋይሰኬ።

12 ኖ ማቼ፡ ‘ዶፈን የም ጋይድቲ፡ እታ የም ኤዘዳክቲ!’ ጋየር ከትካንታ ማሰሴ።

13 ኮካንታ ሰጨንምከ ሳዓትንም የ ኤዘዳክንኦል ንግሰቶ ካርሰከቲ። ኩን ከትም ጋይሴ።

ማኬን ፍክሰንባብከሰታ ካምሰ

(ሉቃ. 19:11-27)

14 ኮታይካ ጭላ ባንችምናር አርድንተና ኮትኮግንዳ ማደ፡ ዋልቃ ኤች አብ ፍጫር አይድዮ ይንታ ፍክሰንባብከሰም ኤልሶ ይንታ ዶቅድን ሪን ከትካንታ እምሰባብ ኤችንግንዴ።

15 ኖ ኤችነረ ዋልቃ ዋልቀንከሰካንታ ከታ እምንተንግንዳ ካዘድዮ፡ ዋልቃባብካንታ ደንቐ ጣገራ ብራ ዋልቃባብካንታ ቃሰቲን ጣገራ ብራ፡ እና ዋልቃባብካንተረ ዋልቃ ጣገራ ብራ እምሰንደተኬ ሳነካ አብ ፍጫር አይሴ።

16 ደንቅ ጣገራ ብረንም ተይባብ ሳነካ አይሶ ብረንካ ዛልኦ የድሶ ደንቅንዘን ደንቅ ጣገራ ብራ አእሴ።

17 ቃስቲን ጣገራ ብረንም ተይባበረ ኮትኮግንደረ ኡብ ቃስቲን ጣገራ ብራ አእሴ።

18 ዋልቃ ጣገራ ብረንም ተይባብ ማቼ አይስንደትኬ ፍጫ ኮይሶ ይነታ ማታ ቆልሰባብታ ብረንም አቼ።

19 በድ ሰጩታ ቡር ከትኬ ፍክሰንባብከሰታ ማተን ቆልሰባብ ዐድሶ ይነታ ፍክሰንባብከሰካ ክክን ብረካ ዐራ ፍክሰምሳናንከረ ከዝም የጄ።

20 ደንቅ ጣገራ ብረንም ተይባብ ፍክሰንባበረ ይነታ ማተን ቆልሰባብደር ዐድሶ ደንቅ ጣገራ ብረን ክትካነታ እምሶ የባቦ! ደንቅ ጣገራ ብራ እካነታ እምተይናና፡ ኮሰቼ! ኡብ ደንቅ ጣገራ ብራ አእሰትቲ! ጋይሴ።

21 ክታ ማተን ቆልሰባበረ ኡርማ ይሳዬ፡ የና እመንምሳባብ ላቅም ፍክሰንባብ! ቶክም ሪካ እመንምሰባብ ማትሰዮ የሰ ዐራርሳንካነታ በድ ሪንከዘን የሰም ደርድቲ፡ ኮሬ የሰታ ማተን ቆልሰባብታ ጉርምንካ ጉርምካነታ አርድካ! ክትም ጋይሴ።

22 ቃስተን ጣገራ ብረን ተይባብ ዐድሶ የ ዋባቦ! እካነታ ቃስተን ጣገራ ብራ እምታይናና፡ ኡብ ቃስተን ጣገራ ብራ አእሰትቲ! ጋይሴ።

23 ክታ ማተን ቆልሰባበረ ኡርመ! የና እመንምሰባብከ ኡርማ ፍክሰንባብ ቶክም ርንካ እመንምሰባብ ማትሰዮ የሰ ዐራርሳንካነታ በድ ርንከሰታዘን የሰም ደርድቲ፡ ኮሬ የሰታ ማታ ቆልሰባብታ ጉርምንካ ጉርምካነታ አርድካ! ክትም ጋይሴ።

24 ዋልቃ ጣገራ ብረን ተይባበረ ዐድሶ፡ የ ዋባቦ! የሰ ማሳክንደታርንካ ሰግድባብ፡ የሰ ይጫክንደታርንካ ሳንዝድባብ፡ ጋርዛ ኤድ የሰ ማቻንደትም ኤዝድቲ።

25 ኮካነታ ጳሰስቶ አይሰቶ የሰታ ጣገራ ብረን ፍጨናር አቻቲ፡ ኮንሴ የሰታ ጣገራ ብረና! ክደር ጋይሴ።

26 ክታ ማተን ቆልሰባብ ማቼ፡ የና ዳቅልኬ ቦዛ ፍክሰንባብ! እ ማሳክንደታርንካ እ ሰክድንደትም እ ይጫክንደታርንካ እ ሳንዝድንደትም የሰ ኤዝድንዳ ማቼ።

27 እሰታ ብረንም ዛለን ዛልድባብከሰካነታ እማ የሰም ዝግዝዳዶቆ፡ እተረ እ ዐጻንደትካ እሰታ ብረንም አጥመካ ክክን ተይድትዶቆ።

28 ኮካነታ ብረንም ክታዘንካ ተይሰቶ ታማ ጣገራ ብራ ዶቅድባብካነታ እምከቲ።

29 ደቅድባብካንታ ሙደነረ ጉጅምዴ ክትካንተረ በተፊ፡ ካየንባብከዘንካ ማቼ ና ደቅድናዳ ዋራ ክታዘንካ ተይምተፊ።

30 ክትኮ መይዳክባብ ፍክሰንባብም ማቼ ማል ደቅድን ግልድድ ኡምናር ክትም ዉችተቶ ኣይትከቲ፡ ኮታረረ ኤፍከ እኛ ቅርጭካ ክትካንታ ማተረ ኩን ክደር ጋይሴ።

ፍጫሙደንታ በእንታ ፍርደና

31 ኤደት ይንቶ ይንታ ቦንቸካ ክት ዐድንዐይካ ክትካ ክክን ባብካንታ ፋሰምሰባብ ክታይንኸሰሰ ሙዳ፡ ኮታይካ ይንታ ቦንቶምሳን ባንኸንከሰታ ደቅንት ጎንገንዘን ደቅተፊ።

32 ዋርሰንከሰሰ ሙዳ ክታ እር ሳንምደኬ፡ ግሰመንባብ ቆልንከሰም ደርትንከዘንካ ፋዘድንደትግንዳ ኖየረ ዋርሰንከሰም ዋልቀን ኣብንከዘንካ ኖ ፋሰተፊ።

33 ጭልንከሰም ይንታ ምዝንዘን፡ ጎመንባብከሰም ይንታ ከኸንዘን ከትም ዋይሰተረ።

34 ኮታይካ ባንኸና ይንታ ምዝንዘን ጎካ ደቅድባብከሰም ኩን ከትም ጋይተፊ፡ የታ እሰታ ባቤና የም ኣንጅባብከሰ! ኮረቲ! ፍጫ ሙደና ፍዝምሳንዘንካ የድሶ የካንታ ግክሰምሳንደትም ባንቶምን ተይከቲ!

35 እ ዳቀርሰንካ እም እኹሰተቲ፡ እ ዋቸርሰንካ እም ዋእሰተቲ፡ ሶቶ ማትሰቶ እ ዐድንካ እም ሞክተቲ

36 ዘነካ እ ማቶንካ እም ቆፍሰተቲ፡ እ ሰቀርሰንካ እም ሰቅሰተቲ፡ እ ዘከርሰንካ እም ኣይሰተቲ።

37 ጭልንከሰ ኩን ጋይሰኮ ክትካንታ ማዘደከ፡ የ ዋባቦ፡ ዐንታ የሰ ዳቀርሰንካ ሰድሶንት የሰም እኹሳራ? ዐንታ የሰ ዋቸርሰንካ ሰድሶንት የሰም ዋእሳራ?

38 ዐንቶንት የሰ ሶቶ ማትሶ ዐድንካ የሰም ሞክሳረ?

39 ዐንቶንት ዘነካ የሰ ማቶንካ ሰድሶ የሰም ቆፍሳራ?

40 ዐንቶንረ ዶፈን የም ጋይድቲ ከትኬና እሰታ እሰመንከሳርንካ መራ ማቶባብ ዋልቃባብካንታ ዋራ የ ይሳንዳ ሙዳ እካንታ ይሰቲ! ጋየር ከትካንታ ማሰተፊ።

41 ኮታ ቡር ክታ ከችንዘንጎካ ደቅድባብከሰመረ፤ የታ ባድምሰባብከሰ! እዘንካ ኦሰ ጎተርከቲ! ዳብሎስካንተኬ ክታ ካርንካ ጎርሰምድን ክታይንችንካንታ ግግሰምሳን ሰለንክንደታ ኖሄናር አይከቲ!

42 እ ዳቀርሰንካ እም እቻከቲ፤ እ ዋቸርሰንካ እም ዋእሳከቲ።

43 ሶች ማትሰቶ እ ዐድኃካ እም ሞካከቲ፤ ዘነካ እ ማችንካ ሰድሰቶ እም ቆፍሳከቲ፤ እ ሰቀርሰንከኬ ዘከርሰንካ እም አይሳከቲ፤ ኩን ከትም ጋይተሬ።

44 ከተረ የ ዋባቦ፤ የሰ ዳቀርሰንካ እነረ የሰ ዋቸርሰንካ፤ ሶች የሰ ማችንካ እነረ ዘነካ የሰ ማችንካ፤ የሰ ሰቀርሰንካ እነረ የሰ ዘከርሰንካ ሰድሰቶ ዐንቶንታ አለንም የሰም አልክሳ ነገዳራ? ኩን ጋየረኮ ክትካንታ ማሰተረኬ።

45 ባንችነረ ደፈን የም ጋይድቲ፤ ከትኬና መራ ማችባብ ዋልቃባብካንታ ዋራ የ ይያክንዳ ሙዳ እካንተረ የ ይያክንግንዴ ከትም ጋይተሬ።

46 “ኮካንታ ከታኬና ሰለንክንደታ ዋጭናር ከት አይድንካ፤ ጭልንከሰ ማቼ ሰለንካ ደቅንትናር አይተረኬ”።

26

እይሁድንከሰ የሱሰም ደይሳካንታ ከት ይሳን ዙዝም
(ማር. 14:1-2፤ ሉቃ. 22:1-2፤ ዮሀ. 11:45-53)

1 የሱሰ ኬና ርንከሰም ኬዘት ይ በይሳንደታ ቡር ይንታካርንካ ጎርሰምድባብከሰም፤

2 “ቃሰተን ሰጨታ ቡር ፋሰጋ ማድንደትም የታ ኤዘደቲ፤ ኤድ ይንች ርክርካንታ ሰክሰምት እምምተሬ” ኩን ከደር ጋይሴ።

3 ኮትኮዐይካ ቀሰንም ገችዝድባብከሰኬ ዋርሰናርንካ ጋልተንከሰ ቀሰንከሰም ገችዝድባብታ ጋሰናር ሳንምሰኬ።

4 ኮታረረ የሱሰም ጨበካ የድካንተኬ ደይሳካንታ ዘርምሰኬ።

5 ኬዛርንካ ማቼ “ዋርሰንከሰታ ዋክያር አዉል አምዳክንግንዳ ባኣል ሰጨንካ ዐይማታ” ጋይሰኬ።

የሱሰም ዋዝድንደትካ ሳይሳን ኤተንንጎካ
(ማር. 14:3-9፤ ዮሀ. 12:1-8)

6 የሱሰረ ብታንያ ፍጨናር እጸ ሰቅምካ ዐቅባብ ሰምኦነታ ኤር ዐቁ።

7 ኮታረረ የሱስ እችም ክት እቻደቅድንካ ዋልቃ ኤተን እንድር ሰንጋ ማቻን ዋዝድንደትም አልባሰጥርሰ ብልቃትካ የድሶ ክደር ዐድሰንደትኬ፥ ዋዝድንደትመረ ክታ ማተንዘን ወልእሴ።

8 ክታ ካርንካ ጎርሰምድባብከሰ ኮም ሰድሰኮ ዋጨር፥ “ኮም ዋዝድንደትም ዐረተረ ወች ባችና?

9 ኮና ዋዝድንደና በድ ብራ ሰንምሶ ሪ ካየንባብከሰካንታ እምም ዝግዝዳደቆ!” ኩን ጋይሰኬ።

10 የሱሰረ ኮም ክታ ጋይተንም ኤሰሶ፥ “ኮትኮም ኤተንን ዐረተንት ማእዘዳ? ና እካንታ ኡርማ ር ይቲ፥

11 ሪን ካየንባብከሰ ሙዳዐይካ የንካ ክክነከ እታ ማቼ ሙዳዐይካ የንካ ክክን ካሪ ደቃይቲ።

12 ና ኮም ዋዝድንደትም እሰታዘን ኮታ ወልእና እም ዲክካንታ ኮት ግግሳንዴ።

13 ዶፈን የም ጋይድቲ ኮና ፍጫሙደንዘን ክላ ኬዘና ሳባክምድን ዐምን ካርዘነረ ኮና ኮት ይሳንዳ ኤድ ገቀርተርንግንዳ ኮትካንታ ከዝምተሬ” ኩን ከደር ጋይሴ።

ይሁዳ የሱሰም ሰክሰት እምካንታ ክታ ኤእና

(ማር. 14:10-11፤ ሉቃ. 22:3-6)

14 ኮትኮዐይካ ታሜከ ቃሰተንናርንካ ዋልቀና አሰቆርንት ይሁዳ ቀሰንከሰታ ገችንባብከዘደር አይሶ፥

15 “የሱሰም ሰክሰት እ የካንታ እምሴ ዐረንት እምተራ?” ኖ ጋይሴ። ከተረ ቦንደከ ታማ ብራ ፋይት እምሰኬ።

16 ኖየረ ኮትኮ ሳዓተንዘንካ የድሶ የሱሰም ሰክሰት ይ እምድንደታ ሰጫ ዝግድ ዐቁ።

የሱስ ፋሰገንታ ሶይት እችምን ክታ እችና

(ማር. 14:12-21፤ ሉቃ. 22:7-14፥21-23፤ ዮሀ. 13:21-30)

17 ባይሰ ባአልንታ እሪ ሰጨንካ ክታ ካርንካ ጎርሰምድባብከሰ የሱሰደር ዐድሰኮ፥ “ፋሰገንታ ሶይት እችምን ዐብር ዋ የሰካንታ ግግዝድንግንደሰ ዝግዳ?” ጋየረኮ ክትም ኤይሰኬ።

18 ኖየረ፥ “ኦስ ካተመናር የ እርድንካ የዐብድን ኤችንታ ኤሪ አይሰቶ ‘ኤሰሰንባብ እሰታ ሰጨና የልሳንካንታ እሰታ ካርንካ

ጎርሰምድባብከሰካ ክክን ፋሰጋ ባእልንታ ሶይት እችምን እ እጅድንዳ የሰታ ኤር ኖ ጋይዴ፡ ክደረ ጋይከቲ” ኖ ጋይሴ።

19 ክታ ካርንካ ጎርሰምድባብከሰረ የሱሰ ከትም ክትሳንግንዳ ፋሰገንተረ ሶይት እችምን ግክሰኬ።

20 ፍጨና ሶይቻንደትከረ የሱሰ ታመከ ቃሰተን ክታ ካርንካ ጎርሰምድባብከሰካ ክክን እችምካንታ ዶቅሰኬ።

21 ከት እጅድንከረ፡ የሱሰ “ዶፈን የም ጋይድቴ፡ የንታ ዎክያርንካ ዋልቀና እም ሰክሰት እምተሬ” ኖ ጋይሴ።

22 ክታ ካርንካ ጎርሰምድባብከሰረ ኮትኮ ከዘነካ እንድር ሞርእሰኮ፡ ዋልቃ ዋልቀንከሰ የ ጮይሰኮ፡ “እታ ማትትዳቶ?” ጋየረኮ ክትም ኦይሰ የጀኬ።

23 የሱሰረ፡ “እም ሰክሰት እምድባብ እንካ ክክን ይንታ እንንም ጋበትናር ኦይቻባቤ።

24 ኤድ ይንቻ ክትኅካ ጭል ማጻፍናር ጻፍምሳንደትግንዳ ኖ ደእዴ፡ ኬዛርንካ ማቸ ኤድ ይንቻንም ሰክሰት እምድባብ ኤቸን ክትካንታ የኤ! ኖኮና ኤቸና አጥምክሳ ክት ነገደሰናና ኡርዳዶቆ።”

25 ሰክሰት እምድባብ ይሁደረ፡ “የ ኤሰሰንባቦ! እታ ማትትዳቶ?” ኖ ጋይሴ። የሱሰረ፡ “የሰ ጋይሳንግንዴ” ክደር ጋይሴ።

የሱሰታ ደእንም ገቀርዝድን እችም

(ማር. 14:22-26፤ ሉቃ. 22:15-23፤ 1 ቆሮ. 11:23-25)

26 ከት እቻዶቅድንከረ የሱሰ ባይሰንም እምሰሶ እንጂ፡ አሰተረ ይንታ ካርንካ ጎርሰምድባብከሰካንታ “ይንከቲ እችከቲ ኮና እሰታ ዋሄ” ጋይሶ ከትካንታ እምሴ።

27 ኮታዘንከረ ዎጭምን ኡፍተንካ እምሰትዮ ሳብም ይ ጋለቻንደታ ቡር፡ “የታ ሙደነረ ኮትኮ ኡፍተናርንካ ዎጭከቲ፡

28 ናኮና በድንከሰካንታ ከታ ጎመን ነጋ ጋይካንታ ወልእምድንዳ ክላ ጫቀን መያ ማዘድንዳ እሰታ ማቀሰኔ፡

29 እሰታ ባቤንታ ባንችምናር ክላ ዎይን ዎጭምን የንካ ክክን እ ዎጭተርን ሰጪን የለልታ ይና ኮዘንካ ኦሰ ዎይን ዎጭምን ኦናካርንካ ዎጭዳክቲ” ኩንጋየር ከትካንታ እምሴ።

30 ኮታዘንከረ የችንም የችሰኮ ደብረዛይት ገቼንዘን ዉተደኬ።

ጴጥሮስ ካድንደትም የሱስ እርምሶ ኬዛንዳ

(ማር. 14:27-31፤ ሉቃ. 22:31-34፤ ዮሀ. 13:36-38)

31 ኮትዐይካ የሱስ፤ ይንታ ካርንካ ጎርሰምድባብከሰም፤ “ግሰመንባብም ጉጵድቴ፤ ዉዳ ቆልንከሰረ ይጭምደኬ፣ ጋይምሶ ጭል ማጻፍናር ጸፍምሳንካንታ ኮ ሶይትናር የታ ሙደና እም ካተረቴ።

32 ኬዛርካ ማቸ ደእያርንካ እ እምሳንደታ ቡር ገሊላ ፍጨናር የንዘንካ እርምሶቶ አይድቴ” ኩን ጋይሴ።

33 ኮትዐይካ ጴጥሮስ፤ “ኣብንከሰ ሙዳ የሰም ካጀረ ዋራ እታ ቦድሶ የሰም ካዳይቴ!” ጋይሶ ኬዜ።

34 የሱስረ “ዶፈን የሰም ጋይድቴ፤ ታካ ሶይትን ኮታር ባቻ ቅቅተርንደታ እር የና ማከን ዱት እም ካተራዬ” ክትም ጋይሴ።

35 ጴጥሮስ ማቼ “የሰካ ክክን ደእ እም ዝክሰረ ዋራ ደእድት ዱት ቦድሶ የሰም ካዳይቴ!” ክደር ጋይሴ። ነግድባብ ክታ ካርንካ ጎርሰምድባብከሰረ ሙደና ኮትግንዳ ጋይድ ዐቀኬ።

ገተሰማን ጋይምድን ካርዘን የሱስታ ምክሰና

(ማር. 14:32-42፤ ሉቃ. 22:39-46)

36 ኮታ ቡር የሱስ ይንታ ካርንካ ጎርሰምድባብከሰካ ክክን ገተሰማን ጋይምድን ካርናር አይሴ፤ ኮታረረ ከታ ይ የልሳንግንዳ የሱስ ይንታ ካርንካ ጎርሰምድባብከሰም፤ “እታ ኦኮታር እ ምግዝድንካ የታ ካሪ ዶእከቴ” ክትም ጋይሴ።

37 ይንካ ክክን ጴጥሮሰምከ ዛብደሰታ ይንቶ ቃሰተንን ጎርሰሶ አይሴ፤ ሞርእከ ማጥረረ የጄ።

38 ኩነረ ከትም ጋይሴ፤ “እሰታ ሰንጐና ደእ የለልታ እንድር ሞርእሴ፤ የታ ካሪ ዶእከቴ፤ ንግዝባብ ማትከቴ።”

39 ከታዘንካ ቶክምካ ጎተርሶ፤ ፍጨዘን ይንታ ባለንካ ጉፕንጋይሶ፤ “እሰታ ባቤኖ! የዝደር ማድንዳ ማቼ ኮና ማጠታ ኡፕተና እዘንካ ሰጋ! ኬዛርካ ማቼ የሰታ ጋይታ ማታጋካዳት እሰታ ጋይታ ዐይማታ” ኩን ጋይሶ ምክሴ።

40 ኮታ ቡር ይንታ ካርንካ ጎርሰት ይ አይሰባብ ማከንንደር ማትዮ ክት ዐይንካ ራትሶ ከትዶቅድንካ ከትም ዐፍሴ፤ ኮካንታ፤ ጴጥሮሰም፤ “እንካ ክክን ዋልቃ ሳዓትካንታ ዋራ ንግሶ ዳቅካንታ ማታከቴ?

41 ጳጤናር የ እርተራክንግንዳ ንግሶ ምክሰከቱ፥ የንታ እያንና ግግሞቱ፥ የንታ ዋሄና ማቼ ጋፍሳንዴ” ኩን ከትም ጋይሴ።

42 እናካርንከረ የሱሰ ቃሰትምሰ ዱት ከታዘንካ ጎተርሶ አይሰንደትከ “እሰታ ባበኖ! ኮና ማጠንታ ኡፕተና እ ዎጫክናና ሰገዳክንዳ ኮት ማቼ የሰታ ጋይተና ማታ” ጋየር ምክሴ።

43 እነተረ ይንታ ካርንካ ጎርሰምድባብከዝደር ማት ክት **ዐድጓካ** ግንእሰ ከትም የጅንካ ከት ራትሶ ዶቅድንካ ከትም **ዐፈሴ**።

44 እናካርንካ ከትም ዛቅሶ አይሰንደትከ እር ይ ምክሳን ምክሰን ኮትም ማክምሰ ዱት ምክሴ።

45 ኮታዘንከረ ይንታ ካርንካ ጎርሰምድባብከዝደር ማትዮ **ዐድሰንደትኬ**፥ “ታየረ አክ ራትዘንከ **ዐጪሰ** ዘነንት ዶቅዶ? ይና ኤድ ይንች ጎመንባብከሰታ እንያር ሰክሰምት እምምድንደታ ሳዓትና ቅንችቴ፥

46 አምሶ ዎም ሙከቱ! ይና ሰክሰት እም እምድባብ **ዐድሶ** ቅንችቴ!” ኩን ከደር ጋይሴ።

የሱሰ ሰክሰምት እምምንኬ ክታ የድምና

(ማር. 14:43-50፤ ሉቃ. 22:47-53፤ ዮሀ. 18:3-12)

47 የሱሰ አክ ኬዘዘን ክት ዶቅድንካ ይና ታመከ ቃሰተን ክታ ካርንካ ጎርሰምድባብከሳርንካ ዋልቀና ኖ ይሁዳ **ዐጼ**፥ ከትከረ ክክን ማሰኬ ጉፈካ የጅባብ በድ ኤድንከሰ **ዐደኬ**፥ ከተረ ቀሰንከሰም ገችዝድባብከዘንኬ ዎርሰንከሰታ ጋልተንከዘንካ **ዐድባብከሰኬ**።

48 የሱሰም ሰክሰት እምድባብ ይሁደረ ኤድንከሰካንታ “የ ዝግድባብ እ ክትም ሶንቅድባብ ማቻንካንታ ክትም የድከቱ” ጋይሶ ከትካንታ ቃዉታ ከዝታ **ዐፄ**።

49 ይሁደረ ሳነካ **ዐድሶ** የሱሰደር የልሶ “ኤሰሰንባቦ! አቦ የና ኡርሞ!” ጋይሶ ክትም ሶንቅሴ።

50 የሱሰረ “እሰታ ላኮይትኖ! ይና የሰ **ዐጻንደትም** ቦድካ” ክትም ጋይሴ፥ ኮታዘንከረ ኤድንከሰ የሱሰደር **ዐድሶ** ክትም የጀኬ።

51 ኮት ሳዓትንዘን የሱሰካ ክክን **ዐቅባብካሳርንካ** ዋልቀና እንን ይንታ አምሰሶ ማሰን ጎችትዮ ቀሰንከሰም ገችዝድባብታ ፍክሰንባብታ ቃምን ተቼ።

52 የሱስ ማቼ፡ “ማሰንም ጎጅድባብ ሙደና ማሰካ ካይደኬ፤ ኮካንታ የሰታ ማሰንም ማሰሳዮ ሶግናር እርቸካ፤

53 ይና እታ እሰታ ባበንም እ ምክሴ ኖ በድ ሳኤካ ፋይድምድን ዳምንባብከሰ ክታይንቸንከሰም እካንታ ኦይዳክን የንደር ካምዶ?

54 ኩን ማደሰናና ‘ኮግንዳ ማት ዝግዝዴ’ ጋይድን ጭል ማጻፍንከሰታ ቃለና **ዐስግንዶክ** ቦድምዶ?”

55 ኮት ሳዓትንዘን ኮታር ሳንምሳን ዋርሰንከሰካንታ ኩን ጋይሴ፡ “ፋንገንም የ የድንደትግንዳ እም የድካንታ ማሰንከሰምኬ ጉፈንከሰም የድሰንት **ዐዶ?** ሰጫ ሙደንካ ሳብታ ጭል ኤሄናር ኤሰሰርቶ የንካ ክክን እ ዶቅድንካ እም የዳከትዶቆ፤

56 ኬዛርካ ማቼ ኮና ሙዳ ማቻንዳ ሳብዘንካ ኤሰርሶ ኬዛቅባብከሰካ ጭል ማጻፍናር ጻፍምሳንዳ ቦድምድንግዴ” ኮትዐይካ ክታ ካርንካ ጎርሰምድባብከሰ ሙደና ክትም ዛቅሶ አጥምሰኬ።

የሱስ ቡጫጋልተንከሰታ እር ተይ አይምና
(ማር. 14:53-65፤ ሉቃ. 22:54-55፤ ዮሀ. 18:13-14፤19-24)

57 ኮታዘንከረ የሱስም የጅባብ ኤድንከሰ ቀሰንከሰታ ገቸንባብ ቀያፈደር ተይክትም አይሰኬ።

58 ጴጥሮስ ማቼ ቀሰንከሰም ገቸዝድባብታ ጋሰናር የለልታ የሱስም ጎትካ ጎርሰምሴ፡ ጋሰንታ ዋረረ እርድሶ ሪንታ ቦድንተንም ሰድንካንታ ካርሰንባብከሰካ ክክን ኖ ዶቅሴ።

59 ቀሰንከሰታ ገቸንባብኬ አይሁድንከሰታ ቡጫ ጋልተንከሰረ ሙዳ የሱስም ደይሳካንታ ካርካ ማርከንከሰም ዝግድዮ **ዐቀኬ።**

60 በድ ካርካ ማርከንከሰ **ዐድንከፊ፥** ደእካንታ ፋረቸዝድን ማርካ **ዐፋከኬ፥** በእንታዘነረ ቃሰተን ማርከንከሰ **ዐድሰኮ፥**

61 “ኮና ኤቸና ‘ሳብታ ጭል ኤሄን ዉልእሰቶ ማከን ሰጫር ዋድቴ’ ኖ ጋይቴ” ጋይሶ ኬዘኬ።

62 ቀሰንከሰታ ገቸንባብ እምሰንደትከ የሱስደር፡ “ኬና ኤድንከሰ የዘን ከት ማርከርድንደታ ሙዳ **ዐረነረ** ማሳያ?” ጋየሮ ክትም አይሴ።

63 የሱስ ማቼ ጫምን ጋይሴ። ቀስንከሰታ ገችንባበረ እናካርንካ የሱስም “ደቅንት ሳብንታ ላምንካ የሰም ጫቅዘድቴ! የና ሳብታ ይንች ክርስቶስ የሰ ማቻንደትም ዋካንታ ኬዝካ!” ጋይሴ።

64 የሱስረ፥ “የሰ ጋይሳንደትግንዴ፥ ኬዛርንካ ማቼ የና ኮዘንካ አስ ኤድ ይንች ዋልቀንክንባብ ሳብንታ ምዝዘን ደቅሶ ክት ደቅድንካ ሰተረቴ፥ ኮትኮግንደረ ጭለዘን ኡፐካ ማትሶ ክት ዐድንካ ሰተረቴ እታ የም ጋይድቴ” ኩንጋየሮ ከትካንታ ማሰሴ።

65 ኮትዐይካ ቀስንከሰም ገችዝድባብ ይንታ እፍለንም ዐእስሶ ኩን ጋይሴ፥ “ይና ኖ የክንም የክቴ! የተረ ክታ የክንም ኤስርተቴ! ኮዘንካ ሰግ ዐፊ ማርካ ዝግዝዳ!”

66 ይና ዐፊክ የም ካምዳ?” ከተረ “ደእ ክትም ዝግዝዳ!” ጋየሮ ማሰሰኬ።

67 ኮት ሳዓትንዘን ከታ ይንታ ፈጭምን ክታዘን ፈጭምሰኬ፥ ክትም ቱንክሰኬ፥ ክትም ጫቀረኮ፥

68 “ክርስቶስዮ! ዐይፊ የሰም ጉጵሰባብ? ይና ቤርንም ዋካንታ ኬዝካ” ክትም ጋይሰኬ።

ጴጥሮስታ የሱስም ካድና

(ማር. 14:66-72፤ ሉቃ. 22:55-62፤ ዮሀ. 18:15—18:25-27)

69 ጴጥሮስ ኤሄንታ ማል ቀስንከሰም ገችዝድባብታ ጋስናር ደቅሶ ዐቁ፥ ኮትዐይካ ዋልቃ ኤተን ፍክሰንዳ ክደር ዐድሶ፥ “የነረ ገለላ ፍጨናርንክንባብ የሱስካ ክክን ዐቃዬ!” ክትም ና ጋይሴ።

70 ኖ ማቼ፥ “የሰ ጋይድባብም ኤሳይቴ!” ጋይሶ ሙደንከሰታ እሪ ካጄ።

71 ኖ ዉትካንታ ፍልተንደር ክት የልድንካ ዋልቃ እብ ኤተን ፍክሰንዳ ክትም ሰድሰንደትከ ዋር ደቅድን ኤድንከሰካንታ “ኮና ኤችና ናዝረት ፍጨናርንክንባብ የሱስካ ክክን ዐቁ” ና ጋይሴ።

72 ጴጥሮስረ፥ “ኮም የሰ ጋይድን ኤችንም ኤሳይቴ!” ጋየሮ ጫቀካ እናካርንካ ካጄ።

73 ኮታዘንከረ ቶክም ደቅሳን ቡር ኮታር ዋእሶ ዐቅባብ ኤድንከሰ ጴጥሮስደር እጽን ጋይሰኮ፡ “የሰታ ኬዘና የሰም መያ ማዝዳ ገታ የነረ ከታርንካ ዋልቃ ባበዬ!” ጋይሰኬ።

74 ኮት ሳዓትንካ ጴጥሮስ፡ “እታ ኤችን ክትም ኤሳይቴ!” ጋየሮ ባድከ ጫቀረ የጄ። ሳነከረ ባቻ ቅቅሴ።

75 ጴጥሮስረ “ባቻ ቅቃክናና ማከን ዱት እም ካተራዬ” ጋይሶ የሱስ ኬዘን ቃለና ክትም ከልቅን ጋይሴ፡ ጴጥሮስረ ኦሰ ማል ዉትሶ ቡዳርንካ ኤፍሴ።

27

የሱስ ጵላጦስደር ተይዮ አይምና

(ማር. 15:1፤ ሉቃ. 23:1-2፤ ዮሀ. 18:28-32)

1 ዛማ ገልትናር ቀሰንከሰም ገችዝድባብከሰከ ዋርሰናርንካ ጋልተንከሰ ሙዳ የሱስዘን ደእታ ፍርዳ ፋረችሰካንታ ዞርምሰኬ፡

2 ኮታ ቡር የሱስም ዞክሰኮ ሮማ ፍጨንም ቆልድባብ ጵላጦስካንታ ተይ አይሰኮ ሰክሰት እምሰኬ።

እስቆርንት ይሁደታ ድሰርና

(ሉይት. ፍ. 1:18-19)

3 የሱስዘን ፋረጃንደትም ይ ሰዳንደትካ ሰክሰትን እምሰባብ ይሁዳ ኤቅምሴ፡ ይ ተያን ቦንደከ ታማ ብረንም ቀሰንከሰም ገችዝድባብከሰካንተኬ ዋርሰናርንካ ጋልተንከሰካንታ ኩንጋየሮ ማሰት ከትካንታ እምሴ፡

4 “ጭል ኤችንም ደእካንታ ሰክሰት እሰታ እምንተንካ ባችሰትቴ” ከታ ማቼ “ይና ዋም ዐራ ማጫራ! ኮና የሰታ ማጤ!” ጋይሰኬ።

5 ኖየረ ብረንም ሳብታ ጭል ኤሄናር ዛቅሶ አይሰንደትከ ድሰርት ደእሴ።

6 ቀሰንከሰታ ገችንባብከሰ ቦንደኬ ታማ ብረንም እምሰሰኮ፡ “ኮና ብረና ማቀሰታ ብራ ኮት ማቻንካንታ ሳብታ ጭል ኤሄናር እመርሳንደትካ ክክን ዋ ቡቅድንግንዳ ዋንታ ህግና ጋይዳክዬ” ጋይሰኬ።

7 ኮካንታ ከታ ይ ዞርምሳንደታ ቡር ሶችንከሰታ ዱክ ካሪ ማድንግንዳ ዳሄን ኤርዝድባብታ ፍጨንም ሰንት ተየኬ።

8 ኮትኮጎካ ናኮና ፍጨና ታካ የለልታ፥ “ማቀስ ፍጨ” ጋይመሮ ኤልምዴ።

9 ኮግንደካ ሳብዘንካ ኤስርሶ ኬዛቅባብ ኤርምያሰካ “እስራኤል ዋርሰንከሰ ኮካ ማታ ከት ጋይሳን ክታ ናክ ማድንደትም ቦንደከ ታማ ብረንም ተየኬ።

10 ጮይሰረ እም ክትሳንግንዳ ዳሄን ኤርሰዘድባብታ ፍጨንካንታ ናክሰኬ” ጋይምሶ ኬዝምሳን ቤርና ቦድምሴ።

የሱስ ጽላጦስታ እር ዋእና

(ማር. 15:2-5፤ ሉቃ. 23:3-5፤ ዮሀ. 18:33-39)

11 ኮትዐይካ የሱስ ሮማ ፍጨንም ቆልድባብ ጽላጦስታ እር ዋእሴ፥ ፍጨንም ቆልድባብረ “የና አይሁድንከሰታ ባንቻዮ?” ጋይሶ ክትም ኦይሴ፥ የሱስረ “የሰ ጋይሳንግንደ” ጋይሶ ማሰሴ።

12 ኮታዘንከረ ቀሰንከሰም ገችዝድባብከሰኬ ጋልተንከሰ ከት ካሰዝድንካ ዐረኒረ ከትካንታ ማሳክዬ።

13 ኮታ ቡር ጽላጦስ፥ “መም ርይካ የሰም ከት ካሰዝድንካ ኤስራያ?” ክትም ጋይሴ።

14 የሱስ ማቼ ሮማ ፍጨንም ቆልድባብ አንድር በርእተርን የለልታ ዋልቃ ካሰሰንታ ዋራ ማሰንም ከዛክዬ።

የሱስዘን ደእታ ፍርደን ፋረድምሳንዳ

(ማር. 15:6-15፤ ሉቃ. 23:13-25፤ ዮሀ. 18:39-40፤

19:1-16)

15 ሮማ ፍጨንም ቆልድባብ ሰለዘን ሰለዘን አይሁድንታ ፋሰጋ ባእልንዐይካ ከትካንታ ቡልምድንግንዳ ዋርሰና ዝግዝባብም ዘከርሰባብከሳርንካ ዋልቃባብም ክት ቡልድንደታ መጣ ዐቁ።

16 ኮትዐይካ “ባርባን” ጋይምድባብ ይንታ ባችንካ ኤስምስባብ ዘከርሶ ዐቁ።

17 ኮካንታ ኤድንከሰ ሳንምሳንደትካ ጽላጦስ፥ “ዐይም የካንታ እ ቡልድንግንደንት ዝግዳ? ባርባንም እና የሱስ ጋይምስባብ ክርሰቶሰም?” ጋየሮ ከትም ኦይሴ።

18 ጽላጦስ ኮመረ ክት ጋይሳንዳ የሱስም ቀምሰካ ሰክሰት ከት እምሳንደትም ይ ኤዝድንደትካንቴ።

19 ኮትኮግንደረ ጽላጦስ ፍርዳ እምካንታ ዶቀርድን ጎንዝን ዶቅሶ ክት ዶቅድንካ ክታ ኬነና፥ “ክትካ ናካ ሶይትን

ዐላምስካ በድ ማጠርሳቴ ክትኮ ጭል ኤችንዘን ዐራርየሰነረ የሰ ይይዳክንግንዳ” ኩንጋይሶ ክታ ኦይቼ።

20 ኮትዐይካ ቀስንከሰም ገችዘድባብከሰኬ ጋልተንከሰ ባርባን ቡልማ! የሱሰ ማቼ ደክ! ጋይሰኮ ከት ጽላጦሰም ኦይዘድንግንዳ ዋርሰንም ኤእሰኬ።

21 ሮማ ፍጨንም ቆልድባበረ “ቃስተንናርንካ ዐላምን እ የካንታ ቡልድንግንደንት ዝግዳ?” ጋየሮ ዋርሰንም አነታ ኦይሴ። ከተረ “ባርባንም ዋካንታ የሰ ቡልድንግንዳ ዝግድቱ” ጋየረኮ ማሰሰኬ።

22 ጽላጦሰረ፡ “ይና፡ የሱሰ ጋይምድባብ ክርሰቶሰም ዐስሰ ክትም ይቴ?” ከደር ጋይሴ። ሙደነረ “ክት ሮከራ!” ጋየሮ ማሰሰኬ።

23 ሮማ ፍጨን ቆልድባበረ ዐረታ? “ክት ይሳንዳ ባችና ዐራ?” ከደር ጋይሴ። ክታ ማቼ “ክት ሮከራ!” ጋየረኮ በድ ፍፍሰኬ።

24 ኮካንታ ጽላጦሰ ኮና ርና አዉልም እምሰዘድንዳ ዳት አብ ዐረነረ መይዳክንደትም ይ ሰዳንደትካ ሎቃ ተይዐችሶ “እታ ኮ ኤችንታ ደእንጎካ ኦይሰምዳክቴ፡ ኦይሰምድባብ የተቴ!” ጋይሶ ዋርሰንታ እር ይንታ አንንም ሰኤርሴ።

25 ዋርሰነረ ሙዳ፡ “ክታ ደእንጎካ ዐራን ዋጭን ዋንዘንኬ ዋንታ ይንችንከዘን ማታ” ጋይሰኬ።

26 ኮትዐይካ ጽላጦሰ ባርባንም ቡልት ከትካንታ ኦይቼ፡ የሱሰም ማቼ ይ ዐራችላንደታ ቡር ክት ሮከርድንግንዳ ሰክሰት ከትካንታ እምሴ።

ዳምንባብከሰ የሱሰዘን ዐላተርና

(ማር. 15:16-20፤ ዮሀ. 19:2-3)

27 ኮትዐይካ ሮማ ፍጨንም ቆልድባብታ ዳምንባብከሰ የሱሰም ፍጨንም ቆልድባብታ ጋሰናር ተይ ኦይሰኬ፡ ዳምንባብከሰመረ ሙዳ የሱሰታ ካንተንካ ሳንሰኬ።

28 ክታ አፍለንመረ ክታዘንካ ዉችሰኮ ዘይም አፍላ ቆፍሰኬ።

29 ጋልም ዛዉዳግንዳ ኡርሰተኮ ክታ ማተዘን ጉፍሰኬ፡ ክታ ምዝ አንንዘነረ ጉፋ የችሰኬ፡ ክታ እረረ ጉፈረረኮ “ኦይሁድንታ ባንችሮ! እቦ የና ዐስፊ!” ጋየረኮ ክታዘን ዐላተርሰኬ፡

30 ክታ ይንታ ፈጭምንመረ ክታዘን ፈጭምሰኬ፡ ጉፈንመረ ክታዘንካ ተይሰኮ ክታ ዱረንም ካርንካ ካርንካ ጉጽድ ዐቀኬ።

31 ክታዘነረ ከታ ይ ዐላተርሳን ቡር ዘይም አፍለንም ወቕሶኩ ክታ አፍለን ማሰት ቆፍሶኬ፥ ክትም ርክካንተረ የድሶ አይሰኬ።

የሱሰታ ርክርና

(ማር. 15:21-32፤ ሉቃ. 23:26-43፤ ዮሀ. 19:17-27)

32 ርማ ፍጨንም ቆልድባብታ ጋሰርንካ ክት ወታደቅድንካ ሰምኡን ጋይምድባብ ቀረና ፍጫ ኤችንም ዐላተርሱ የሱሰታ ማዘቀልን ክት ሶልማክናና ባልድንግንዳ ይሰኬ።

33 ኮታ ቡር ኮታ ቡልና፥ “ራሰቅል” ማቻን ጎልጎታ ጋይምድን ካርዘን የልሰኬ።

34 ኮታረረ ጭሰካ ክክን ቡቅምሳን ዎይን ዎጭምንም ክት ዎጭድንግንዳ የሱሰካንታ እምሰኬ፥ ኖ ማቼ አፍሰሶ ዎጭካንታ ዝጋክዬ።

35 የሱሰም ከታ ይ ርክሳንደታ ቡር ክታ አፍለን እጫ ዛቅሰኩ ካሰምሰኬ።

36 ኮታረረ ደቅሰኩ ክትም ካርሰሮ ዐላቀኬ።

37 “ኮና የሱሰ አይሁድንከሰታ ባንቼ” ጋይድን ክት ካሰሰምሳንደታ ጸፍን ክታ ማተንዘንጎካ ማዘቀልንዘን ዎጀኬ።

38 ኮት ዐይካ የሱሰካ ክክን ቃሰተን ፋንገንከሰም ዋልቀን ክታ ምዝዘን ዋልቀን ክታ ከችዘን ርክሰኬ።

39 ክታ ላመካ ሰገድባብ ኤድንከሰ ክትም የከረኮ ዐላተርድ ዐላቀኬ፥

40 “የና ሳብታ ጭል ኤሄንም ወልእሳዮ ማከን ሰጫር የና ዎድባብ! ይና የሰታ ማተንም አቅሰኬ! ሳብታ ይንቼ የሰ ማቼ ይና ማዘቀልንዘንካ የሰ ዐንቻርጌ!” ጋየረኮ ክታዘን ኦትረካ ኬዘኬ።

41 ኮትኮግንደካ ቀሰንከሰም ገችዝድባብከሰ፥ ሙሴታ ህግንም ኤሰዝድባብከሰኬ ጋልተንከሰካ ክክን ኩን ጋየረኮ ዐላተርድ ዐላቀኬ፥

42 “ኡብንከሰም አቅሴ ይንታ ማተንም ማቼ አቅሰካንታ ማታክዬ! ኖ እሰራኤልንከሰታ ባንቼ ይ ማቼ ይና ታ ማዘቀልንዘንካ ክት ዐንቻራ፥ ዎተረ ክትካ እመንተሮቴ!

43 ኖ ሳብካ እመንምቴ፥ ላታ ሳብታ ይንቼቴ፥ ኖ ጋይቴ፥ ኮካንታ ሳብ ክትም ሶልምድንዳ ማቼ ይና ታ ክትም አቅሳ!”

27:34 የቼ 69:21። 27:35 የቼ 22:18። 27:39 የቼ 22:7፤ 109:25።

27:40 ማቶ. 26:61፤ ዮሀ. 2:19። 27:43 የቼ 22:8።

44 ኮትኮግንደረ ክትካ ክክን ሮከርሰባብ ፋንገንከስ ክትም የግድ ዐቀኬ።

የሱስታ ደእና

(ማር. 15:33-41፤ ሉቃ. 23:44-49፤ ዮሀ. 19:28-30)

45 ዐየካ ላ ሳዓታዘንካ የድሶ ሳክላ ሳዓት የለልታ ፍጫሙደንዘን ኡም ማቼ።

46 ሳክላ ሳዓት ማድንካ የሱስ፡ “ኤሎሄ! ኤሎሄ!” ላማ ሰበቅታን?” ጋየሮ አንድር ኤፍሰካ ፍፍሴ፡ ኮታ ቡልነረ “እስታ ሳብኖ! እስታ ሳብኖ! ዐረተስ እም ዛቅሳፊ?” ጋይንትዬ።

47 ኮታር ዋእሶ ዐቅባብ ኤድንከሳርንካ ዋልቃ ዋልቀንከስ ኮም ኤሰርሰኮ “ኮና ኤላስም ኤላዶቅዴ!” ጋይሰኬ።

48 ሳነካ ከታርንካ ዋልቀና ፋታግንዳ ጩንጭት የድን ርን ጩምሳን ዋይን ዋጭምናር ዱክትዮ ጉፈታ ታጸዘን ዋድሶ ክት ዋጭድንግንዳ ይሰኬ።

49 ኡብንከስ ማቼ “ዋእከቴ ይና ኤልያስ ዐድሶ ክትም አቅዝድንዳ ማቼ ዋ ሰዳ!” ጋይሰኬ።

50 የሱስ አናካርንካ አንድር ኤፍሰካ ፍፍሶ ደእሴ።

51 ኮትዐይካ ሳብታ ጭል ኤሄንታ ሰፍሰንደና ፈይንካ ሶ የለልታ ዐእሶ ቃስተን ማቼ። ፍጨነረ ጭጩ፡ ላዘንከሰረ ዐእሰኬ።

52 ዱክንከሰረ ፎችምሰኮ ደእሶ ዐቅባብ ሳብካንታ ፋስምሳን ኤድንከሳርንካ በድንከስ አምሰኬ።

53 ዱክናርንከረ ወትሰኮ የሱስ ደእናርንካ አምሳንደታ ቡር ሳብካንታ ፋስምሳን ካተመን የሩሳሌማር አርደደኬ፡ ኮታረረ በድ ኤድንከሰካንታ ዐረረሰኬ።

54 ፖልሰንከሰም ገችዝድባብኬ ክትከረ ክክን የሱስም ካርሰሮ ዐቅባብከስ ፍጨንታ ጭጭንምከ ማቻን ርን ሙዳ ከታ ይ ሰዳንደትካ አንድር ጳሰሰኮ፡ “ዶፈን ኮና ሳብታ ይንች ዐቁ!” ጋይሰኬ።

55 ጎትካ ዶቅሰኮ ሰዳዶቅድባብ በድ ማንንከስ ኮታር ዐቀኬ፡ ከታ ገለላ ፍጨናርንካ የድሶ የሱሰካንታ ፍክሰረኮ ክትም ጎርሰመሮ ዐቅባብከሰኬ።

* 27:46 አብና ኤላሆ ጋይድንካ ማቶ። ማቶ ኤልይ ጋይዴ። 27:46 የቺ 22:1። 27:48 የቺ 69:21። 27:51 ዉት. 26:31-33።

56 ከተረ ዎክያርንካ መግደላ ፍጨናርንዳ ማራማ፥ ያይቆበተኬ የሴፈታ እንደን ማራማ ኮትኮግንደረ ዛብደሰታ ይንችንከሰታ እንደነረ ዐቀኬ።

የሱሰታ ዱክርና

(ማር. 15:42-47፤ ሉቃ. 23:50-56፤ ዮሀ. 19:38-42)

57 ፍጨነረ ሶይቻንደትካ የሶፍ ጋይምድባብ አርማትያሰ ካተመናርንካ ዋልቃ ቆልመክንባብ ኤች ኮታር ዐዴ፥ ኖየረ የሱሰካ አመንድባብከሳርንካ ዋልቀነ፥

58 ኖኮና ኤችና፥ ጽላጦሰደር አይሰንደትከ የሱሰታ ለይሰንካ ክደር ምክሴ፥ ጽላጦሰረ ለይሰንም አምድንግንዳ ክትሴ።

59 ኮካንታ የሶፈረ ክታ ለይሰንም ዐገንቶ ክላ ዱክ አፍለንካ አክሴ።

60 ላዝም ቆቅሶ ግክሰምሳን ዐገነረ ዱከራክን ክላ ጎርናር ዱክሴ፥ ኮታዘንከረ እንድር ሰይንም ቡከልሰትዮ ዱክንታ ፍልተንም ዝጭሶ አይሴ።

61 መግደላ ፍጨናርንካ ዐገንዳ ማራመኬ አብ ማራመረ፥ ኮት ዱክንታ የረየር ዶቅሶ ዐቀኬ።

ዱክንም ካርሰና

62 ዛማክን ሰጨና አይሁድንከሰታ ዐጣሰ ሰጫ ማቻንካንታ፥ ቀሰንከሰም ገችዝድባብከሰኬ ፈረሳውያንንከሰ ዋልቃትችካ ጽላጦሰደር አይሰኮ ኩን ጋይሰኬ፥

63 “የ ዋባቦ! ኖኮና ኮተርሰንባብ ሰንፔካ ዶቅድዮ ‘ማከን ሰጨታ ቡር ደእናርንካ አምድቲ’ ክት ጋይሳንዳ ከልቅ ዎም ጋይሴ።

64 ኮካንታ ክታ ካርንካ ጎርሰምድባብከሰ አይሰኮ ለይሰንም ከት ድብዳክንግደከ ዎርሰንካንተረ ‘ይና ኖ ደእናርንካ አምቲ’ ከት ጋይዳክንግንዳ ዱክና ማከን ሰጫ የለልታ ካርሰምድንግንዳ ክትካ፥ ኩን ይያክንዳ ማቼ ቡርካን ዶቅድን ኮትርና እርንደትዘንካ ሰግዳንዳ ማተፊ!”

65 ጽላጦሰረ “ይና ካርዝድባብ ዳምንባብከሰ ዶቅደኬ፥ አይሰቶ የ ኤዘድንግንካ ካርሰሰከቲ” ከትም ጋይሴ።

66 ኮካንታ አይሰኮ ዱክንም ማይተምካ የችሰኮ ዱክንም ዳምንባብከሰካ ካርሰሰኬ።

28

የሱሰታ ደእናርንካ አምንተና

(ማር. 16:1-10፤ ሉቃ. 20:1-10)

¹ እይሁድንታ ዐጢአስ ሰጤና ሰገዳን ቡር ዋጋዐይካ ዛማ ሰጭመናር መግደላ ፍጨናርንካ ዐጻን ማራመትኬ አብን ማራመካ ዱክንም ሰድንካንታ አይሰኬ።

² ይና፡ ከት ገቅራክናና አንድር ፍጨታ ጭጭ ማቹ፤ ጮይሰታ ክታይንች ጭላርንካ ዐንቸርሶ ዱክንዘን ዋደርሳን ሰይንንም ቡከልሰሶ ዘን ደቅሴ

³ ክታይንችንተረ ባለና ዋልቅንትንግንዳ ሳግዘድ ዐቋ፤ አፍለነረ ክታ አዝግንዳ ጫምሳ ዐቋ።

⁴ ካርሰንባብከሰ ክታይችን ጳሰዘንካ አምሳንዳ ጭጭካ ደእሰባብግንዳ ማቸኪ።

⁵ ክታይንችና ማቹ ማንነከሰም፡ “የታ ማቹ ዐይጳሰቴ፤ ሮከርሰባብ የሱሰም የ ዝግድንደትም ኤዝድቴ፤

⁶ ኖ ካሪ ካዬ ኤንገር ይ ኬዛንግንዳ አምቴ። ካሪ ካዬ፤ ክት ዐቃን ካርንም ዐጽሶ ሰትከቴ።

⁷ ይና ሳነካ እይሰቶ ክታ ካርንካ ጎርሰምድባብከሰካንታ ‘ደእናርንካ ኖ አምቴ! ይና እርምሶ ገሊላ ፍጨናር አይዳ፤ ኮታረረ ክትም ሰተረቴ!’ ጋይሰቶ ከትካንታ ኬዘከቴ፤ ይና እታ የም ኬዘትቴ” ኩን ጋይሴ።

⁸ ኮታዘንከረ ማንነከሰ ጳሰረኮ አንድር ጉርምካ ዱክናርንካ ሳነካ አይሰኬ፤ ክታ ካርንካ ጎርሰምድባብከሰካንተረ ኬዛካንታ ዘደረኮ አይሰኬ።

⁹ የሱሰ ክትም ጎግዘን ዐፍሶ “አቦ የታ ኡርመቶ!” ክትም ጋይሴ። ከተረ ክደር ዐጽሰኮ ክታ ዱትን የድሰኮ ክትካንታ ጎሰትሰኬ።

¹⁰ ኮትዐይካ የሱሰ፡ “ዐይ ጳሰቴ! እይሰቶ ገሊላ ፍጨናር ክት አይድንግንዳ እሰታ እሰመንነከሰካንታ ኬዘከቴ፤ እም ኦ ኮታር ሰተረኬ” ከደር ጋይሴ።

ካርሰንባብከሰታ ማርከርና

¹¹ ማንነከሰረ አይድንካ ዳምንባብከሳርንካ ዋልቃ ዋልቀና ካተመናር አይሰኮ ማቻን ሪይንም ሙዳ ቀሰንከሰም ገችዝድባብከሰካንታ ኬዘኬ።

12 ቀስንከሰም ገችዝድባብከሰ ጋልተንከሰካ ክክን ሳንምሰኮ ከታ ይ ዘርምሳንደታ ቡር ዳምንባብከሰካንታ በድ ብራ እምሰኮ ኩን ከትም ጋይሴ።

13 “ ‘ዋ ራትሶ ዶቅድንካ ክታ ካርንካ ጎርሰምድባብከሰ ሶይት ዐድሶ ክትም ድብት አይሰኬ’ ጋይሰቶ ዋርሰንካንታ ኬዘከቲ።

14 ኮም ሪን ሮማ ፍጨንም ቆልድባብ ኤሰርሳ ማቼ ዋታ ኮ ርይን ክትካንታ ኬዘት ቡዳክታር አርቕሶቶ የንታዘን ማጣ የልዳክንግንዳ ይቶሮቲ።”

15 ኮካንታ ዳምንባብከሰ ብረንም ተይሰኮ ገታ ክትካንታ ኬዘንግንዳ ይሰኬ። ኮነረ ሪይና ታካ የለልታ አይሁድንከዘደር ኬዘመር ዶቅዴ።

የሱሰ ይንታካርንካ ጎርሰምድባብከዘደር መያ ማትና
(ማር. 16:1-18፤ ሉቃ. 24:36-49፤ ዮሀ. 20:19-23፤
እይት. ፍ. 1:6-8፤ 1 ቆሮ. 15:3-8፤ ማር. 14:28፤ ማቶ.
26:32)

16 ክታ ካርንካ ጎርሰምድባብ ታመከ ዋልቀንከሰ የሱሰ ከት አይድንግንዳ ክትሳን ካርን ገለላ ፍጨናር ዐፈርድን ገችንዘን አይሰኬ።

17 ክትም ሰድሰረ ክትካንታ ጎሰትሰኬ። ዋልቃ ዋልቀንከሰ ማቼ ዐኤርሰኬ።

ክላ ኬዘንታ እንድር ክተና

18 የሱሰ ከደር ዐድሶ። “ገችታ ኤራ ሙዳ እካንታ ጭለዘነረ ፍጨዘነረ እምምቲ።

19 ይና ፍጨሙደንዘን ዶቅድን ዋርሳ ሙደንደር አይከቲ። ሳብ ባቤንታ። ሳብ ይንችንተኬ እያን ጭልንታ ላምካ ከትም ሰእሰረቶ እሰታ ካርንካ ጎርሰምድባብ ማሰሰከቲ።

20 እ የካንታ ክትሳንደትመረ ሙዳ ከት ቦድንግንዳ ከትም ኤሰሰከቲ! ይና። እተረ ፍጨሙደንታ በእንታ የለልታ ሙዳዐይካ የንካ ክክንቲ” ኩን ከትም ጋይሴ።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab